

## Son Aboedi hoafi Son ai sürü papimarandi

*Yangiri ni ngombo Hoafi ra nindou bomefeyo*

<sup>1</sup> Horombo hondü God ai hifi nda nafikoate-yuambe Hoafi nda mengoro. Hoafi ra ai Godindi fikimi mengoro asu God-ane.

<sup>2</sup> Horombo hondü Hoafi ra Godindi fikimi mengoroane.

<sup>3</sup> God ai Hoafi raninambo mungu moatükuni ra nafimarandi, nga moai ngorü-moatükuni ngorü nafi süngure tüküfeyo.

<sup>4</sup> Hoafi ra yangiri ni ngombo nimindühane asu yangiri ni ngombo ra nindou-yafe si-ane.

<sup>5</sup> Si ra nimbirana hambo si asagado, nga nimbirana hambo gabudeandi.

<sup>6</sup> Nindou mam God ai koamarheira mahu. Ahandi nduri Son-ani.

<sup>7</sup> Nindou ranaheimbo si ranahambo anihondumbo hoafombohünda mahu. Nindou mungu ai hoafi ra hamboriyei hehi anihondumbo-mbirihinda yehuenüngu mahu.

<sup>8</sup> Son ra si ranyupoani, nga si ranahambo anihondumbo hoafiyu-randeimbi yangiri-ani.

<sup>9</sup> Si ndanana si hond-ane asu ai hifi ndanihu tüküfe haya asu nindou munquambo si boakifoare arandi.

<sup>10</sup> Nga Hoafi ranai hifi ndanihu mengoro. Hoafi raninambo God ai hifi nda nafimarandi,

nga asu nindou hifi ndanihü aniboadei ranai moai ahambo fifirihori.

<sup>11</sup> Ai ahandi ngoafi hondüna hu, nga asu nindou ahandi ngoafihündi ai moai ahambo fihirihorimindei.

<sup>12</sup> Nga didiyei ahambo anihondumbo-rihorühi fihimariorambo asu ai aheimbo kamafoare-andüra ai Godindi nimori tükümehindi.

<sup>13</sup> Moai hifinindi moatükunnambo Godindi nimorimboyahi tüküyahindi sibir boagiri ramehindi nou. Wani, nga God ai ahandi hohoanimo süngu ahandi nimorimboyahi marihündi.

<sup>14</sup> Hoafi ra nindoumbofe tüküfe mburamboyo asu sifehi mbusümo manünguwa ai ndüri adükarümbi ra hoeimarihuri. Ndüri adükarümbi ra Godindi nimori mam yangiri ranahandane. Ai afindi hipoambore-randeimb-ani asu sifehimbo Godimbo afindi moatükuni anihondumbo nafuimaramuni.

<sup>15</sup> Son ai ahambo anihondumbo hoafimayu. Ai puküna hoafiyundürühi yahuya, “Ro nindou ndanahamboyahi hoafimayahandüri, ‘Ro boatei tükündaheanda ai wandi süngu tükündüfimbui, nga aiana adükari safi ngasündeandireimb-ani. Nimboe ai boateifi manünguwa ro tükümeheandane,’ ” mehu.

<sup>16</sup> Ahandi afindi hipoambofe rani-süngu sifehimbo afindi-mbo aboedi-aboedireamuni arandi.

<sup>17</sup> Mosesindi war sünguyo ahinümbi hohoanimo tüküme Feyo, nga hipoambofe hohoanimo asu anihondumbofe hohoanimo ra Sisas Kraisindi sünguyo tüküme Feyo.

<sup>18</sup> Moai nindou mam ai-amboani God hoeriri,

nga Godindi nimori mami Afindandi fikimi nungumbü ai God-ani asu ai yangiriyu Godimbo hoeiriri haya sihefimbo nafuimaramuni.

*Son ai ro nindou God koamafoariri-yahipoani mehu*

*(Matyu 3:1-12; Mak 1:1-8; Ruk 3:1-18)*

<sup>19</sup> Suda bogori ai Godimbo sihou-rundeimbi bidifiri Rifai sirihündi babidimbo koamari-houpura Serusarem hiningiru houmbo kosimo Son sowahi tüküyafu düduyafundowohü yahomoya, “Se didiyafa?” mehomondamboyu.

<sup>20</sup> Raniyu asu Son ai moai diboreandi, nga weindahi anihondumbo hoafiyuhi yahuya, “Roana Nindou God koamafoariri Krai ranayahipoani, nga wani,” mehu.

<sup>21</sup> Raniyomo asu simbori hoafiyomondowohü yahomoya, “Asu se didiyafa? Asu se Erasayafi?” mehomondamboyu. Asu Son ai simbori hoafiyupurühi yahuya, “Wani, roana ranayahipoani.” Asükaiyomo düduyafundowohü yahomoya, “Ro Godindi hoafi hoafiyurandeimbi hifandarihuri, se raniyafi?” Asükaiyu ahamumbo simbori hoafiyupurühi yahuya, “Wani, roana ranayahipoani,” mehupuri.

<sup>22</sup> Raniyomo asu ahambo hoafiyomondowohü yahomoya, “Asu se didiyafi nimora? Se yihoefimbo hoafiyafan-animbo asu ro hoafi ra nindou yihoefimbo koamari-houmuni ahamumbo sowana semindi homboanefi. Se sihafifimbo nungumambisafa?” mehomo.

<sup>23</sup> Raniyu asu Son ai ahamumbo simbori hoafiyupurühi yahuya, “Ro rananahi: Nindou

mami ahandi yasimondi nimi wohi furikoate-yowohü mihgiyohü yahoya, ‘Bogorindi nafi aboedi nafindihehindi,’ meho, nga ro rananahi,” mehu. Horombo hoafi nda Godindi hoafi hoafiyu-randeimbi Aisaia rareamboyu yahurai bukambe hoafimayu.

<sup>24</sup> Farisi aiyomo nindou hoafi sowandümo homo-randeimbi ahamumbo koamari-houpura makosomo.

<sup>25</sup> Nindou ranai Sonimbo hoafiyomondowohü yahomoya, “Asu se Kraisyafipoani, Erasayafipoani, Godindi hoafi hoafiyu-randeimbiyafipoani, nga asu nimboefi se hundürürandüri maranda?” mehomondamboyu.

<sup>26</sup> Raniyu asu simbori Son ai hoafiyupurühi yahuya, “Roana hoenambo yangir-ane hundürühi arihandi, nga sihamundi mbusümo nindou mami anüngu, nga asu seana moai nindou ranahambo fifirihori.

<sup>27</sup> Ro boatei weindahi ratüpurüya arihandi, nga nindou ranai animbo süngunambo weindahi rande ratüpuründümbui. Nga asu roana nindou aboedi hamindiyahipoani ahandi su wofi himondimaramüdu ra fufurihefembohünda,” mehu.

<sup>28</sup> Hoafi nda Betani ngoafihü Sodan hoe gogoanini tüküme feyoane. Asu hifi ranihüyo Son ai nimorehi nindowenihü aheimbo hundürümarandüri.

### *Sisas ai Godindi sipsip nimir-ani*

<sup>29</sup> Ngorü sihi Son ai himboyuwane Sisas ahambo sowana masünuwa hoeirirühi yahuya,

“Godindî sipsip nîmorî asüfu ra hoeirîhorî. Ranahandî süngu-anîmbo God ai nîmorehî nindowenihî-yafe hohoanîmo moaruwai ranahambo amboawi mbüsümbui.

<sup>30</sup> Nindou ranahamboyahî ro sîheimbo hoafîyahandürühî, ‘Nindou ai ro nîmboahanî wandî süngu düdümbui. Nindou ai adükari bogor-ani, nga roana ai nahurayahîpoanî,’ masahandürî. Nga asu ro nîngokoate-yahambe ai manüngu.

<sup>31</sup> Asu ro moai fifirîhinî, nga nindou ra didîmbei, nga asu Israerîhündî ai ahambo fifirîmbîrîhora sahehea sinî hundürümarihandürî,” mehu.

<sup>32</sup> Son ai yare hoafîyundürühî yahuya, “Ro hoeirîheandanî Yifiafî Aboedî wupufo nahurai sünambeahîndî kosi ahandîwamî pühîyo mamaro.

<sup>33</sup> Awi ro moai nindou ranahambo fifirîhinî, nga God aiyu wambo hoe-nambo hundürümbîrandüra yehuenüngu koarîhendîrühî yahuya, ‘Se hoeindowandanî Yifiafî Aboedî kodî nindou ranahandîwamî nîmandoanî ana, asu ai-anîmbo aheimbo Yifiafî Aboedînambo hundüründandürîmbui,’ mehu.

<sup>34</sup> Yifiafî Aboedî ahandîwamî kosi mamaro ra hoeimarîheandî asu anîhondümboanahî hoafayahî nindou nda Godindî nîmor-ani,” mehu.

*Sisas ai ahambo süngururü-rundeimbi kamafoareapurî*

<sup>35-36</sup> Ngorü si Son ai asükai ranîhü ahambo süngurînerî-rînandeimbi babîdîmbo nüngumbo Sisasîmbo hoeirirane mahuamboyu, asu Son

ai hoafiyuhî yahuya, ‘Se hoeirîne. Ndanani Godîndî sipsip nîmorayu.’

<sup>37</sup> Son ai ra-mehuamboyafanî asu hîmborîyafanî hena ai Sisasîndî süngu mahafanî.

<sup>38</sup> Ranîyu asu Sisas ai hîhîrîfi hoeireapîrane ahandî süngu mahafandamboyu hoafiyupîrühî yahuya, “Se nînî kokomboyafana?” mehupîramboyafanî, asu sîmborî hoafiyafîndowohü safanea, “Rabai, se nahiyafî nîmbafî aranda?” (Ndürî ‘Rabai’ ahandî nîmîndî ra yamunde-randeimb-ane.)

<sup>39</sup> Sisas ai hoafiyupîrühî yahuya, “Sühüfanî naha hoeirîne,” mehupîramboyafanî. Asu ai hüfanî worî nîmarümbî ra hoeirîne hena, asu ranî sihî ai-dîbo mamarîfanî ra ndeara nîmbambeyo.

<sup>40</sup> Nindou yimbu ranai Sonîndî hoafî hîmborîyafanî hena Sisasîndî süngu mahafandî ahafandî ndürî ra ŋgorü ana Andru, Saimon Pitandî akîdiyü.

<sup>41</sup> Ai hu, ahandî amongo Saimon kokorürî hoeirîrî haya hoafiyundühî yahuya, “Ro Mesaia hoeimarîhurî,” mehu. (Ndürî Mesaia ra Grik hoafînambo Krais-ani.)

<sup>42</sup> Ranîyu Andru ai Saimonîmbo serümündî Sisas sowana mahüfu-amboyu, asu Sisas ai Saimonîmbo hübudurürühî hoafiyundühî yahuya, “Seana Sonîndî nîmorî Saimon-anafî, ŋga sîhafî ndürî ana Sifasî-mbeyowamboane,” mehu. (Ndürî Sifas ranana nîmoei-ane.)

*Sisas ai Firip Natanierîmbo fihîmarapîmündu*

<sup>43</sup> Ngorü si Sisas ai Garirinambo hafombo yahuhaya nîmarumbo, Firipimbo hoeirirühi hoafiyundühi yahuya, “Se mborai wandî süngu,” mehundo.

<sup>44</sup> Firip, Betsaidahündî Andru, Pita-babîdîmbo mamî ngoafîhünd-ani.

<sup>45</sup> Ranîyu asu Firip ai Natanierimbo kokorürî hoeirirî haya hoafiyundühi yahuya, “Horombo Moses ai ahînümbî hoafî sürü papîrandühi nindou kudümbui mehu ra fîfiro. Asu Godîndî hoafî hoafiyomo-rundeimbî amboanî ai mamî yahurai sürü papîmarundî ranahambo hoeimarîhorî. Nindou ranana Sisas-ani Sosepîndî nîmorî Nasaretîhündî,” mehuamboyu.

<sup>46</sup> Asu Natanier ai Firipimbo düdufindühü yahuya, “Asu Nasaret ngoafîhü ra aboedî moatükunî tükümandîfeyo rane?” mehuamboyu. Asu Firip ai sîmborî hoafiyundühi yahuya, “Naha se sühüfî hoeirosî,” mehu.

<sup>47</sup> Sisas ai Natanierimbo hoeiriranî mahüfu-amboyu hoafiyuhî yahuya, “Nindou ndanana Israerîhündî hond-ani, ngâ aiana anîhondumbo yangîrî hoafiyu-randeimbani,” mehu.

<sup>48</sup> Ranîyu asu Natanier ai Sisasimbo düdufindühî yahuya, “Se wambo nünguro fîfîrowandîrimboyafa?” mehundu-amboyu. Asu Sisas ai sîmborî hoafiyundühi yahuya, “Firip wambo fîfîrîfe hoafîkoate-yuambe süfurî afümambe manîmbafa hoeimarîheanîni,” mehu.

<sup>49</sup> Ranîyu asu Natanier ai Sisasimbo hoafiyundühi yahuya, “Yamundo-randeimbî, seana Godîndî nîmor-anafî! Seana Israerîhündî-yafe adükarî bogor-anafî!” mehundo-amboyu.

50 Asu Sisas ai simbori hoafiyundühi yahuya, “Ro sihambo süfuri afümambe hoeimarheanini masahi ranimboanafi anihondumbo-arowandiri? Nga awi sünguna se afindi moatükuni ranahambo ngasündeandeimbi tükündifeyoani hoeindowamboyafi,” mehu.

51 Asükaiyu hoafiyuhi yahuya, “Ro sihamumbo anihondumboanahi hoafayahapuri: Süngunambo ana sünü sübüdühoehü sünambeahindi nendi ai Nindou Hondündiwami gafomo kodomo ndundan hoeindumboemo,” mehu.

## 2

*Sisas ai boatei hepünifeimbi moatükuni ratüpurimayu*

1 Yimbu nimbiyomo houmbo nindowenihingorü ai Gariri hifambe Kena ngoafihü nimorehi masemüdu.

2 Raniyo Sisasimbo asu ahambo süngururürundeimbi babidimbo ahamumbo amboani nimorehi semindi sesesi ranambe didimo masei.

3 Rani-simboani wain hoe ra muṅgu masimindeiamboyo, asu Sisasindi hondi ai nimorimbo hoafiyondowohü yahoya, “Nindou ai wain hoe muṅgurihimboanei,” mehindowamboyu.

4 Asu simbori yare hoafiyundühi yahuya, “Me, nimboe se wambo rani-moatükunimbo hoafayafa? Ndanana sihei siane, nga awi ro ranimbofembo si ra yohoyopani.”

5 Ra-mehuamboyo asu hondi ai wori aharambüriñdi ratüpuriyomo-rundeimbi ahamumbo hoafiyopurühi yahoya, “Sisas ai



nini-moatükunimboyo refembo hoafinduanî ra-süngundundî,” meho.

<sup>6</sup> Ngoafi ranihü nimoei hipirî 6 afindî hoe hafo tüküfe-randeimbî Suda ai fi aboediferambo hundürüyorambohünda burimayo.

<sup>7</sup> Ranîyu Sisas ai ratüpurîyomo-rundeimbî ahamumbo hoafiyupurühî yahuya, “Se hipirî ranambe hoe fuibîdî-houndî,” mehuamboemo. Asu ai hipirî ranamboe hoe fuibîdîhoumbo tüküru-tüküru-marundî.

<sup>8</sup> Ranîyu asu Sisas ai hoafiyupurühî yahuya, “Se hoe ra nimoamonindî kaboandundüh-animbo nindou sesi kanimbo ehü ahambo sowanambo ndowandümo ngomo,” mehuanimboyomo asu ai rasüngumarundî.

<sup>9</sup> Nindou sesi kanîmareandî ai hoe ra apîre hoeireandane, asu wain hoe apîmayowamboyo, ai moai fifireandî dagüdambombai wain hoe ra. Nga ratüpurîyomo-rundeimbî ai-yangîrîyo hoe mafuindümo fondî ra fifîmarundî. Ranîyu asu nindou sesi kanîre-randeimbî-mayu ranai nindou nimorehî semîndîmbo-mayu ranahambo mborai mehundo.

<sup>10</sup> Ai hoafiyundowohü yahuya, “Ndani-ndani hoafühî ana nindou wain hoe aboedî boatei simîndei mburühümboanei, asu süngunamboane moaruwai ra simîndei arîhündî. Nga asu seana aboedî safî ra kikîhandîfî nîmarîfî mburamboyafî hapondanî randî sowandîfî masînfî,” mehu.

<sup>11</sup> Sisas ai Gariri hîfambe Kena ngoafîhü boatei hapünîfeimbî moatükunî ramareandî. Ai ahandî adükari ngînîndî ra nafuimayuwamboyo asu ahambo süngururü-rundeimbî

ai ahambo an+hondümbö-marüwuri.

<sup>12</sup> Ran+yo asu Sisas ai ahandi hondi, akohoandi asu süngururü-rundeimbi babidimbo Kena ngoafi hiniñgirihi hehi Kaperneam ngoafina hei ran+hü yahunümbi si man+mboei.

*Nindou ai Godindi worambe kaki semindimbo ratüpurimemonda Sisas ai hemafoareapuri*

*(Matyu 21:12-13; Mak 11:15-17; Ruk 19:45-46)*

<sup>13</sup> God ai Israerimbo Isip+hündi aboedambo-mareandüri ran adükari si Pasofa wara ra ndeara akimi tifimareandamboyu asu Sisas ai Serusarem ngoafina mahafu.

<sup>14</sup> Hafu tüküfi haya Godindi worambe kefuai hu hoeireandane, nindou ai burmakau, sipsip, ndu pemiyomonda asu kaki siseru sabupuri rundühi mamarimonda hoeimareapuri.

<sup>15</sup> Ran+yu wofi hoandari nafirihai semündü haya ran+nambo ahamumbo burmakau, sipsip, ndu napo ra kameihi bukuri-foareapurühiyu, asu nindou kaki siseruründühi mamarimo ahamundi kaki ra buburamündi pütifihiyu fondi ra hihire amoahimareandi.

<sup>16</sup> Ran+yu asükaiyu nindou ndu kakifihisauründühi maningomo ahamumbo hoafiyupurühi yahuya, "Napo ra fufuründümo houmbo moanewana ñgorügoanini homo. Asu se wandi Apendi wori ndanambe maket worimborihi hehi pemiyei asu kakifihimbo seihü arihünda?" mehuamboemo.

<sup>17</sup> Asu ahambo süngururü-rundeimbi ai hoafi Baibor-ambe mapenigo ra hohoanmomemo, 'Ro shafi wori aboedi mbifondarowa sahehea ranimboanahi afindi tinirifoayah,' meho.

18 Asu Suda ai Sisasiṁbo hoafiṁyomondowohü yahomoya, “Se nini hepünifeimbi moatükuni ramandowandi yihoeṁbo wori ranambeahindi hemoafoarowamuni ra nginind-ani yaho nafuimbohündambo?” mehomondamboyu.

19 Asu Sisasiṁbo hoafiṁyupurühi yahuya, “Ro sihamumbo hoafayahi, Godindi wori nda biriboadundani asu ro asükainda ngimi sinambo yangiri worimbondi-hamboyah,” mehuamboemo.

20 Raniyomo asu Suda ai hoafiṁyomondühi yahomoya, “Nindou ai wori nda 46 himbani worimbomarund-ane asu se ngimi sihi yangiri asükainda worimbondihi munḡundihamboyah asafi?” mehomondamboyu.

21 Sisasiṁbo ai ahandi fimboyu Godindi wori süngunambore kafaore hoafiṁmayu.

22 Raniyo Sisasiṁbo God ai honḡuambeahindi botiriri simboani ahambo süngururü-rundeimbi ai horombo ahandi fimbo hoafiṁmayu ra ngüsüfoambe pumarindümo. Raniyo horombo Sisasiṁbo hoafiṁmayu Godindi bukambe süri papimarundi raniyo ra anihondumbo-marundi.

*Sisasiṁbo ai munḡumbo nindouyei hohoanimo fiṁreandi*

23 Sisasiṁbo ai Suda-yafe adükari si Pasofa ranahambohünda Serusarem ngoafihü mamaru. Raniyo nindou afindi ranai Sisasiṁbo hepünifeimbi moatükuni ramareandi ra hoeirihü hehi anihondumbo-marihindi.

24 Nga asu Sisas ai nindou ranahei hohoanimo ra fifire hayambo-wambo moai anihondümbo-rearü.

25 Asu nindou amuri ai Sisasimbo nindouyei hohoanimo ranahambo nafuiyondürühi hoafiyondopoani, nga ai ahei ngusüfoambe hohoanimo ra munquambo fifireamboani.

### 3

#### *Sisas ai Nikodemus-dibo wataporimefani*

1 Nindou mamı Farisi-ambeahındı manıngu ahandı ndürı Nikodemus ai Suda-yafe bogoriyu.

2 Asu mamı nımbokoanı Nikodemus ai Sisas sowahı hu tüküfi hoafiyundühi yahuya, “Yamundo-randeimbi, Ro fıfıri-hunınımboanefı, seana nindou yamundo-randeimbi God koamarıhenın-anafı. Nindou ngorü ai-amboanı nğiri hepünifeimbi moatükunı se Godındı nğinındınambo rawarowandı ra randeandı,” mehuamboyu.

3 Asu Sisas ai simborı hoafiyundühi yahuya, “Ro sıhambo anihondümboanahı hoafehanını: Nindou ai simborı tüküfekoate-ayu ana, ai nğiri God hıfandarandı ranambe ngu,” mehu.

4 Nikodemus ai simborı hoafiyundühi yahuya, “Asu nindou adükarihündı ra nıngunde hondı ai wakındırımındoanı asu nımorı akıdou nahuarai tükümandıfia? Asu nğiri nindou ai hondandı furambe daguduwanı asükai wakındırımındo,” mehuamboyu.

5 Asükai Sisas ai Nikodemusimbo hoafiyundühi yahuya, “Nindou ai Yıfıafı Aboedınambo asu hoenambo simborı tükümbüfiyu-wamboane.

Refekoate-ayu ana, ŋgiri God hifandarandi ranambe gafu.

<sup>6</sup> Nindoundi fi ranana ahandi hondafindi-yafe findambo tükümeŋyuan, ŋga ahandi yifiafi ranana Yifiafi Aboedindi ŋginindinambo tükümeŋyoane.

<sup>7</sup> Ro hoafi-yahühi se simbori tükündahindi masahi hoafi ranambo se ŋgiri hepünafoandühi afindi hohoanimondafi,” mehu.

<sup>8</sup> Weri ranai ai hohoanimomayo süngu weriyo hoarandi. Asu se weri fiŋhoasi rani-yanŋir-ane himborayafi, ŋga nini-nafi tüküfe hayamboyo asu nini-nafiyo aho ra moai fiŋrowandi. Asu nindou Yifiafi Aboedinambo simbori tükehindi amboani mamı yahurai-ane,” mehu.

<sup>9</sup> Asu Nikodemus ai Sisasimbo düdufindühi yahuya, “Asu se hoafimayafi nda nüngu-nahurai tükümandifea?” mehindowamboyo.

<sup>10</sup> Asu Sisas ai simbori hoafiyundühi yahuya, “Seana Israeri-yafe yamundo-randeimb-anafi, ŋga asu seana awi moai fiŋrowandiyo?”

<sup>11</sup> Ro sihambo anihondümboanahi hoafayanini, Ro nini-moatükuniyo fiŋirimarihundi ranane wataporimborihu arihundi. Asu ro nini-moatükuniyo hoeimarihundi ranane wataporimbo-arihundi. Ŋga hoafi ro wataporimbo-arihundi ranahambo se sahümündi daboadanambo-arihindi.

<sup>12</sup> Ro siheimbo hifi ndanihündambo wataporimbo-marihandüri, ŋga asu moai se wambo anihondümbo-rihindiri. Asu ro sünambeahindi moatükunimbo wataporindahani ra nüngündühi anihondümbo-ndihindühi fiŋirimandihia?

13 Moai nindou ŋgorü hifi ndanihündambo ana sünambe hafu, ŋga Nindou Hondü sünambeahindi makusu ai yangriyu asukai mahafu.

14 Sapo horombo Moses ai amoasiri nimi wohi furikoate-reandühi semündü nimoamo botimareandi. Asu mamih yahurai-animbo Nindou Hondumbo amboani semündü nimoamo botifiamboani.

15 Rananimbo nindou ahambo anihondumbo-arihori ranai yangri koadürumbo-koadürumbo niŋgo ra mbisahümüdi-amboane.

16 God ai nimori mamübiyu hayamboyu nimorehi nindowenihihifi ndanihü aniboadei ranaheimbo ŋgusüfo pareandürühiyu asu ahandi nimori mamih ra hifina koamarisherü. Nindou muŋgu didiyei ahambo anihondumbo-arihori ai ŋgiri awandihendi, ŋga koadürumbo-koadürumbo nimboeimboyei.

17 God ai ahandi nimori hifina koamarisherü ra ai kosi nindou yibobore-randeimbi nahurai hifihüdi nindouyei hohoanimo yibobofemboyupoani. Ŋga rananimbo muŋguambo hifihüdi nindou ai ahandi süngu aboedambo-mbeahinda yahu hayamboyu koamariheira makusu.

18 Nindou Godindi nimorimbo anihondumbo-areandi ahambo ana ŋgiri yibobondirühi papi-hoafindüri, ŋga nindou ahambo anihondumbofe-koate-ayu ranahambo-animbo yibobondirühi papi-hoafindürimbui.

19 Yibobofe ranahandi nimindi ra ndahurai-ane: Sapo si aboedi ra sünambeahindi makosoyosi, ŋga asu ai moai ranahambo

yifiriyei, nga ai nimbokoani nimbı afındı pımayo ranambe niŋgomboyei yifirimayeı. Nımboe sapo ai moaruwai hohoanımo rarıhindühi wamboyei ramehindı.

<sup>20</sup> Muŋguambo nindou didıyei si ranahambo yiıboaruko-arıhindı ana, ai moaruwai hohoanımo yangrı rarıhindühani. Nindou yahurai ana ęrı si peyoanı ęgei sapo si ranai ahei moaruwai hohoanımo ramarıhindı ra nafuındandımbı sei hehimbo wambo.

<sup>21</sup> Nga nindou aboedı hohoanımo yangrı semüdü anüŋgu ranai-anımbı sıhi tüküdüfımbı. Rananımbı nındoundı ratüpurı ra si ranai Godındı ęrıniđınamboane ratüpurıyu arandı mbı sı nafuındandımbı,” mehu.

### *Son ai Sisas tüküme fiyu ni mındı ra weindahı hoafımayu*

<sup>22</sup> Asu süŋgunambo Sisas ai ahambo süŋgururü-rundeimbı babıdımbı randıhünda botıyafu houmbo Sudia hıfına mahomo. Ai homo ranıhü yahunümbı si niŋgomomboyı Sisas ai nindou hundürümarandı.

<sup>23</sup> Ainon ęgoafıhü Serim ęgoafıkımı hoe afındı mafoafusowa asu ranıhü Son ai-amboanı nımorehi nındowenihı hundürümarandı. Ranı-sımbıanı nımorehi nındowenihı afındı ranai ahambo sowana hei marıhüdamboyı ai hundürümarandı.

<sup>24</sup> Son ai karabusıfekoate nüŋguambeahiyo aheimbo hundürümarandı.

<sup>25</sup> Ranıyo asu Sudahündı mamı ai Sonındı süŋgururü-rundeimbı babıdımbı Godındı hımbıahü aboedı tüküfembo hundürü

hohoanimo ranahambo hoafina simbori  
hoafimemo.

<sup>26</sup> Raoyafu mburu hifomo Sonimbo  
hoafiyomondühi yahomoya, “Yamundo-  
randeimbi, se hohoanimoyafai nindou Sodan  
hoekimi ai-dibo nimbafanimbo se ahandi  
hoafi yihoeimbo hoafimefimumi. Nga ai  
haponda hundürümarandür-amboanei asu  
nindou ai sifeimbo sowana sifokoate ahambo  
sowanambo yangiri hüraramndo,” mehomu.

<sup>27</sup> Asu simbori Son ai hoafiyupurühi yahuya,  
“Nindou ai ngiri raranimoatükuni moani  
ndemüdu, nga God ai dagadowan-animbo  
ndemündümbui.

<sup>28</sup> Horombo se himboriyomondani ro  
sihamumbo hoafiyahapurühi sahiya, ‘Roana  
Kraisiyahipoani, nga ahandi nafi didiboado-  
fembohünda God ai kamafoareandi-  
anahi,’ masahi hoafi ra se sihamundihoari  
himborimemo.

<sup>29</sup> Asu nindou ngorü ai nimorehi asemüdu  
ana, nimorehi ra nindowenih ranahand-  
ane. Asu nindowenihambo faritherü-randeimbi  
ai ai-dibo nüngumbo nimorehi masemüdu  
ahandi hoafi himboriyuhü ai hihifi-hihifimayu.  
Yahurai-ane asu haponda hihifi-hihifi ra wandi  
fiambe amaro.

<sup>30</sup> Asu nindou ranai adükari ndürimbi-  
mbiyowamboane, nga wandi ndüri akidou-  
mbeyowamboane.

<sup>31</sup> Nindou nimoamo sünambeahindi makusu  
aiani munquambo nindou ngasüde haya  
adükari hamindayu. Nga asu nindou hifi  
ndanihündamboayu ranai ana hifinindi wambo



ai hifi ndanihündambo watapori rani yangiri semündü nüngumbo wataporiyuhani. Nga nindou sünambeahindi makusu ranai ana munguambo nindou ngasünde haya adükarî hamind-ani.

<sup>32</sup> Ranani asu ai raranî-moatükunî hoeire asu himboriyu-randeimbî ranahambo hoafiyu arandi. Nga asu nindou mamî ai-amboanî moai ahandî hoafî ra anihondümboreandi.

<sup>33</sup> Nindou düdi ahandî hoafî ranahambo kîkîharamündu ana, asu God ai anihondümborani hoafiyu arandi yahuhani.

<sup>34</sup> Nindou God koamarîheira makusu ranai ana ahandî hoafî yangir-ani hoafiyu arandi. Sapo God ai moai ahambo Yifiafî Aboedî ra bîdîfirî-bîdîfirîre sagado.

<sup>35</sup> Afindi ai Nîmorîmbo afindi hamindi ngusüfo parirühi asu mungu moatükunî hifandîmbo nginindi masagado.

<sup>36</sup> Nindou ngorü ai Nîmorî ahambo anihondümborari ana, asu ai aboedî koadürümbo-koadürümbo nüngumbui. Nga asu anihondümbofe-koate-ayu aiana ngiri yangiri koadürümbo-koadürümbo nüngu. Asu Godindi nginindi hohoanîmo ra ahambo-so koadürümbo-koadürümbo yagodîmboe.”

## 4

### *Sisas ai Sameriahündî nîmorehî-dîbo wataporîmefe*

<sup>1</sup> Rani-sîmboanî Farisi ai yaru himboriyomondane, “Sisas-ani Sonîmbo ngasündiri haya afindi nindou hundürandürî arandi,” masei.

2 (Nga moai Sisas ahandi hoari ana ngorumbo hunduranduri, nga ahandi sungururu-rundeimbi ai yangriyomo ramarundi.) Sisasindi sungufembo nindou afindi hundurumaye hoafi Farisi ai hamborimemo ra Sisas ai fifireandi.

3 Raniyu asu ai rani hoafi ra hamboriyu haya Sudia hifi hini ngire haya Garirinambo mahu.

4 Garirinambo hombo nafi ra Sisas ai Samaria-yafe hifi mbusumo nafiyu mahu.

5 Raniyu hafu adukari ngoafi Samaria-yafe hifambe ahandi nduri Sikar ranihu tukumefiyu. Ngoafi rani kimiyu Sekob ai ahandi nitori Sosepimbo hifi kikiire hini ngimareando.

6 Horombo Sekob ai hoe rambohunda kakira pumareandi ra ranihu puaroane, asu Sisas ai ndeara hifinimbo nafi gebuai ra sifu sifumbo tinambofihiyu asu foamongo rani kimimamaru.

7-8 Raniyo asu ahambo sungururu-rundeimbi ranai boatei sesi pemimbo ngoafi ranambo mahafomo. Asu nimorehi mami Samariahundi ranai hoe ra fuimindimbo makosowamboyu, Sisas ai hoafiyundowohu yahuya, "Hoe ra wambo fuisao, nga ro simindimbo samboanahi," mehuamboyo.

9 Asu nimorehi ranai hoafiyundowohu yahoya, "Seana Sudahund-anafi, asu ro Samariahund-anahi, nga asu se nimboe wambo hoe fuisao safi hawa duduwefoandira?" mehuamboyo.

10 Asu Sisas ai simbori hoafiyundowohu yahuya, "Nine-moatukuni God ai shambo saimbo mehu ranahambo fifirworuhi, hoafimbefindo-mbonana, asu hoe simindiwani

yangiri gedühi niŋgombo saganini,”  
mehuamboyo.

<sup>11</sup> Asu ni morehi ranai hoafiyondohü yahoya,  
“Adükari, hoe fuigoninimbo hipiri wani, nga  
foeamongo hoe ndanana ambeambe anguni  
ragu-ane. Asu hoe simindiwani yangiri gedühi  
niŋgombo ra naha dagüda mafuindandifa?”

<sup>12</sup> Sihefi amoao Sekob ai foeamongo ra hininigi-  
mareamunane. Hoe ra ai ahandi nimori asu  
burmakau, sipsip ra-babidimbo sümündi maran-  
dane. Nga asu se kosirihefe adükarimbofe  
niŋgombo safomboyafi?” meho.

<sup>13</sup> Asu Sisas ai simbori ahambo  
hoafiyundowohü yahuya, “Nindou hoe  
nda asimindei ranai ana asükaindei ni mai  
amindaniŋombon-ndeimboyei.

<sup>14</sup> Nga nindou didiyei ro hoe aheimbo  
asahandüri ranai ana ngiri asükaindei  
amindaniŋombonde, nga wani. Hoe ro  
aheimbo saimbo saheheamboayah ranana,  
ahei fiambe apoandihori hoe nahurai fondihoi-  
fondihoindandan asu nindou ranai yangiri  
koadürümbo-koadürümbo ni mboeimboyei,”  
mehuamboyo.

<sup>15</sup> Asu ni morehi ranai düdufendowohü ya-  
hoya, “Adükari, se wambo hoe ra sawandiri.  
Rananimbo ro ngiri asükainda sünguna hoembo  
amindaniŋombondahühi hoe nda fuimindimbo  
didihi,” mehoamboyo.

<sup>16</sup> Asu Sisas ai hoafiyundowohü yahuya, “Se  
ngüfi sihaf si nindowenihambo hoafindafindo  
mbundambo-animbo asükaindafi ndühi didifi,”  
mehundowamboyo.

17 Asu ai hoafi+yondowohü yahoya, “Roana anam+indeimbi-yah+poani, nga anam+ndi+koate-anahi,” mehondowamboyu. Asükaiyu Sisas ai hoafi+yundowohü yahundoya, “Se ‘Roana anam+ndi+koate-anahi,’ asafi ra wambo an+hondümbö-anafi hoafayaf+ndiri.”

18 Nga se nindowenihi hondahü+yafundeimbi masowapundi+fi, nga se haponda nindowenihi+di+bo an+mbafi ra si+hafi anam+ndi hondüyupoani. Nga se wambo haponda an+hondümbö-anafi hoafayaf+ndiri,” mehu.

19 Ni+morehi ranai hoafi+yondowohü yahoya, “Adükari, seana ro hoeiri+hean+na God+ndi hoafi hoafi+yafi+randeimb-anafi.

20 Yi+hoefi amoaο mamı ana hifi wafu ndani+wami+yomo rotuyomo marundi, nga asu Suda se-anemo Serusarem ngoafi rani+hü yangiri rotuyomboane ehomo,” mehoamboyu.

21 Sisas ai yahuya, “Ni+morehi, se wambo an+hondümbö-rowandiri, nga se ngiri amitata Apembo hifi wafu rani+wami asu Serusarem+hü ra rotuyo ra-koate-ndei.

22 Samariahündi seana Godimbo ndori+hori fifiri+horü+yeipoani ahambo rotuyei ar+hündi. Nga ro Suda ana God ranahambo ndori+huri fifiri+hur+mböanefi. Nga asu sapo God+ndi nendi aboedambofembo ratüpuri ra Suda yi+hoefimbo sowahi tüküme+feyoane.

23 Sapo rani si tüküfembo meho ra, ndeara haponda tüküfemboane, nga asu nindou ai an+hondümbö rotuyei ar+hündi ranai-animbo Godimbo ngusüfoambe an+hondümbö-ndi+hindühi Yifiafi Aboed+ndi ngi+n+ndi+nambo

rotundeimboyei. Rananimbo asu Ape ai nindou yahurai ranimboani ahambo rotuyondombo hohoanimoayu.

24 Nga God ana yifiafi-ani. Ranimboanimbo nindou ai Godimbo rotuyei arihündi ra ngusüfoambe anihondumbo-ndihorühi Yifiafi Aboedindi nginindinambo rotumbeyei-amboane,” mehuamboyo.

25 Asu nimorehi ranai simbori hoafiyondowohü yahoya, “Ro fifirihinimboanahi nindou God kamafoariri ra ahandi ndüri Kraisi ai-animbo kudümbui. Asu ai kusü simboani sihefimbo munju moatükuni ranahambo hoafindümunimbui,” mehoamboyo.

26 Asu Sisasi ai simbori hoafiyundowohü yahoya, “Ro ai-anahisi haponda se-dibo wataporayahi nda,” mehu.

27 Sisasi raoyahuambe ahambo süngururü-rundeimbai ai sesi pemini-poedi sümburindümo tüküme fundi. Asu ai hoeirundane Sisasi ainimorehi-dibo wataporimefea hepünime fundi, nga nindou mamai ai-amboani moai düdufinduhiya, “Se nimboeafa?” yahundo asu “Nimboe se nimorehi ra-dibo wataporefea?” yahundo, nga wani.

28-29 Ranayo asu nimorehi ranai hoe fuimindi hipiri ra ranihü sihai haya hifo nindou rani ngoafihündi ranaheimbo hoafiyondürühi yahoya, “Se naha sinei nindou geba anüngu ra hoeirihori. Ai wambo ro munju moatükuni ratüpuruya marihandi ra munju ai weindahi hoafimayundiri. Nga awi ai Kraisi animbombeyi?” mehoamboyei.

<sup>30</sup> Raniyei asu ai ngoafi ra hiniŋgirihi hehimbo Sisas sowana muŋgu mahanei.

<sup>31</sup> Raniyomo asu ahambo süngururü-rundeimbi ai Sisasimbo hüti-hoafirurühi yahomoya, “Yamundo-randeimbi, sesi akidounambo ŋgusüfo nariwori hawambo-animbo,” mehomondo.

<sup>32</sup> Nga asu Sisas ai hoafiyupurühi yahuya, “Sesi ro sesimbo asahi ra seana moai fifirundi,” mehupuramboemo.

<sup>33</sup> Asu ahamundihoi siimbori düduyomondühi yahomoya, “Nindou ŋgorü ai ahambo sesi ra semündü sün sagadomboyu?” mehomondamboyu.

<sup>34</sup> Asu Sisas ai hoafiyupurühi yahuya, “Wandi sesi ranana ndahurai-ane: God ai koamarhendira makosahane ro ahandi hoafi sünguferambo. Wandi sesi ana ahandi yifiri süngufe asu ahandi ratüpuriyora ho moendifembo makosahane.

<sup>35</sup> Se yaru hoafiyomondühiya, ‘Awi nümbürambeahindi sesi yimuŋgurimindiimboana, yimbuyimbu amoamo-ane aningomo,’ mehomo, nga asu ro hoafayah ra se himboriyomo, naha se ndoru nübüri ra samongoriyomo hoeiru, ninimindi ana ndeara ŋginindi yaŋgir-ane.

<sup>36</sup> Nindou nümbürambeahindi sesi yimuŋgurira-randeimbi-mayu ranai ndeara rani takini ahandi kaka semündü haya, asu ai sesi aboedi koadürümbo-koadürümbo niŋgombo safiyorambo-mayo gugurareandi. Rananimbo nindou sesi hifire-randeimbi asu yimuŋgurira-randeimbi ai hihifi-hihifindamboyafani.

37 Asu hoafi ndanana anihond-ane 'Nindou ngorü ai hifireandühani, nga nindou ngorü ai yimungurandühani.'

38 Ro sihamumbo sesi nümbürü ranambe homo yimungurü mbrunda sahehea koamaritheheapurü. Asu se moai hifirundü, nga amurü ai tñamboyehi hifimarhindü rani-fihindü asarimbo yahomo houmbo asowandümo," mehu.

39 Nimorehi Samariahündü ranai ranü ngoafihündü ranaheimbo nñe-moatükunü ai ramareandü ranimbo Sisas ai hoafimayundo ranahambo ho wataporimbo-marandü. Ranüyo asu muṅguambo nindou ranai Sisasimbo anihondümbomarihori.

40 Ranüyei asu Samariahündü ranai hei Sisasimbo apombo hütü-hoafimehündoa ranihü ai-babidimbo yimbu apomayu.

41 Ranühü Sisas ai wataporimbo-maranda asükai nindou afindü safi ranai himborüyei hehi anihondümbomarihindü.

42 Asu nimorehi ranahambo hoafiyahündowohü seiya, "Boatei ro se wataporimbo-maranda anihondümbomarihündü, nga se hoafimayafimunü ranimbo. Nga ro-amboani yihoeffihoari ahandü hoafi himboriyahundo hohumboanefi asu anihondümbomarihuri. Nga ranimboane nindou ndananimbo awi hifi ndanihü muṅguambo nindou aboedambo-ndeandürümbui asefi," masei.

*Sisas ai adükari bogorindî ratüpurîyu-randeimbîndî nîmorî aboedîmarirî  
(Matyu 8:5-18; Ruk 7:1-10)*

<sup>43</sup> Sisas ai ranîhü yimbu nîmbî apu mbura asu ngoafi ra hîningîre haya Gariri hîfîna mahafu.

<sup>44</sup> Asu ai ahandî fimbo hoafîyuhî yahuya, “Godîndî hoafi hoafîyu-randeimbî aiana ahandî ngoafi hondühî moai ndürî yangoro,” mehu.

<sup>45</sup> Ranîyu asu ai Gariri hîfîhü hafu tüküfiyuwane, ahambo hîhîfî-hîhîfîmayei. Ai ramehindî ra moanîyeipoanî, nga Serusarem ngoafîhü Israerîmbo God ai aboedambo-mareandürî Pasofa sei-arîhündî ranî-sîmboanî afîndî moatükunî ramareanda hoeirîhi hehimbo wamboyei tüküme fiyuwa hîhîfî-hîhîfîmayei.

<sup>46</sup> Asu Sisas ai asükaiyu Kena ngoafîna Gariri hîfambe mahu horombo ai hoe wain hoembore pureandühî. Nindou mamî adükari bogorindî ratüpurîyu-randeimbî ai Kaperneam ngoafîhü nûngu hayamboyu, asu ahandî nîmorî ranai anğünûmbomayu.

<sup>47</sup> Asu nindou ranai, Sisas Sudia hîfî hîningîre haya, Garirinambo sünûmboani hoafi ra hîmborîyu haya, hu tüküfi Sisasîmbo Kaperneam ngoafînambo hombo hütî-hütîrürühî yahuya, “Wandî nîmorî ai anğünûmbo yîfîmbo yangîr-ani, nga se didîfî aboedîndoworî,” mehindowamboyu.

<sup>48</sup> Asu Sisas ai yahuya, “Se mamîkarambo hepünîfeimbî moatükunî ra hoeifekoate-yei-mbonana, ngîrî anîhondûmbo-rîhindîrî,” mehu.

<sup>49</sup> Asu sîmborî Sisasîmbo hoafîyundowohü yahuya, “Adükari, mborai se wandî sûngu sühüfi,



nga wandi n̄morì ai yifimbo yangir-ani,” mehu.

<sup>50</sup> Asu Sisas ai simborì hoafiyundowohü yahuya, “Se ngafisi, nga s̄hafì n̄morì ana asükai yangirì n̄ngumbui,” mehuamboyu. Nindou ranai Sisasindi hoafi ra anihondümbore haya mahu.

<sup>51</sup> Nindou ranai ngoafina mahuamboyu asu ahandi ratüpuriyomo-rundeimbi ai nafini hoeirüwuri houmbo hoafiyomondowohü yahomoya, “S̄hafì n̄morì ana aboedi mbanüngu,” mehomondamboyu.

<sup>52</sup> Asu ai düdufipurühi yahuya, “Nüngu-simboaniyo ai akidou aboedi safi mamarua?” mehuamboemo, asu hoafiyomondühü yahomoya, “Hamanì n̄imbambeyo angüni hüfi afindi ra hin̄ngimareandi,” mehomo.

<sup>53</sup> Ran̄iyu asu afindi ai ngusüfo pumaramüdu Sisas ai ahambo ra-simboani hoafiyundowohüya, “Yini, s̄hafì n̄morì ana asükai yangirì n̄ngumbui,” mehu ranimbo. Ran̄iyu asu ai ahandi worambeahindi ran̄i-babidimbo anihondümbore-mar̄ihori.

<sup>54</sup> Sisas ai Sudianipoedi Gariri hifinambo sünumbo hepünifeimbi moatükuni ramareandi ra yimbu noufeimbiyo.

## 5

*Sisas ai nindou mam̄ foeamongokim̄ d̄iboadomarir̄*

<sup>1</sup> Asu ra mun̄gumayoambe Suda-yafe adükari si ra Serusarem̄ihü tüküme feyoa, Sisas ai Serusarem̄inambo mahafu.

2 Serusaremihü nafitambe adükari ahandi ndürü sipsip nafitambe ranikimí foeamongo hoe kakiru pumarundi. Foeamongo ra Hibruyei hoafi Betsada-ane. Hoe ranikimí mboasiní hon-dahüfeimbi (5) mafondarei.

3-4 Asu mboasiní raní hoarehi nindou angünümbi afindi ranai fondihü kuriyei, himboatihari, yiri moaruwaimbi, asu nindou ahei tñari yifiyoweimbi ranai ninoumayei.

5 Mboasiní ranambe nindou mamí ai 38 himbaní farasü haya angünümbo yanguru.

6 Asu Sisas ai nindou ranahambo hoeirirane angünümbo menjuruamboyu, nindou ranana gedühi angünümboyumboani yahuhaya hoafiyundühi yahundoya, “Se haponda aboedi nimandi safomboyafi?” mehunduamboyu.

7 Asu simbori nindou angünümbi-mayu ranai Sisasimbo hoafiyundühi yahundoya, “Nindou adükari, hoe ranai miminiyowaní himoni semindindiri ho hiniñgífendirimbo roana nindou waní. Hoe ranai miminiyowaní gadi sahehea raoyaheandaní asu bidifiri ai boatei-anei horombo kosiríhehi hanei rihündanane asu ro moani nimari aríhandí,” mehundo.

8 Asu Sisas ai hoafiyundühi yahundoya, “Botiyafo, síhafi hoaparí ra sowandífi hawa hafí,” mehunduamboyu.

9 Raníyu nindou ranai nímai hoafi niñgoambe botífi ahandí hoaparí ra semündü haya mahu.

Raní si ra moaní ratüpuríkoate ngoafimbo nímarimbo siyo.

10 Raníyomo asu Suda ai nindou Sisas díboadomarira botímefiyu, ranahambo

hoafiyomondowohü yahomondoya, “Hapoana moani ratüpurikoate ngoafimbo nımarambeane. Asu nımboe se sıhafi hoaparı ra sowandıfi hawa ahafa?” mehomondamboyu.

<sup>11</sup> Asu simbori hoafiyupurühi yahuya, “Nindou wambo aboedimareandiri ranai hoafiyundirühi yahuya, ‘Botıyafı, sıhafi hoaparı ra sowandıfi hawa hafi,’ mehuamboanahi sahamındi ahahi,” mehupuri.

<sup>12</sup> Raniyo asu simbori ahambo düdururühi yahomondoya, “Düdi nımori sıhambo hoafiyunınühi, ‘Sıhafi hoaparı ra sowandıfi hawa hafi,’ mehunını rana?” mehomondamboyu.

<sup>13</sup> Asu nindou anğünümbi aboedimefiyu ranai nımorehi nindowenihi afındi ambewambo Sisas ai sıhai hımarımındo ra moai nindou ranahambo fıfiriri.

<sup>14</sup> Asükaiyu Sisas ai nindou ranahambo Godındi worambe mamaruwa hoeiriri haya, hoafiyundühi yahuya, “Se hımborıyafi, se ndeara sıhafi fı ra aboedıyafımboanafi. Nga se asükaindafi moaruwai hohoanımondamboyafi. Nga asükaindo raranı-moatükunı ngınındi safı sıhafıfıhi mbundamındoanı se mamıkarındamboyafi,” mehundowamboyu.

<sup>15</sup> Raniyu asu nindou-mayu ranai hu Sudambo hoafiyupurühi yahuya, “Nindou wambo aboedimareandiri ranana Sisasiyu,” mehupuramboyo.

<sup>16</sup> Asu raniyomo Suda ai Sisasımbo moanı hapoadümbo nou piyomo houmbo moruwaimbo-maruwaimbo-maruri homo. Nımboe asu Sisas

ai moaniŋ ngoafiŋmbo niŋmarombo sihiŋ nindou ranahambo aboediŋmaririŋ yahomo houmbo.

<sup>17</sup> Raniŋyu asu Sisas ai ahamumbo hoafiŋyupurühiŋ yahuya, “Wandiŋ Ape ai ratüpurüŋyu humbo hapondan-amboa, ratüpurüŋyuhani, ranimboane asu ro-amboa ratüpurayahiŋ,” mehupuramboemo.

<sup>18</sup> Suda ai hoafiŋ ra hiŋmboriŋyomo houmbo ahamundiŋ ŋgüsüfoambe ŋginiŋmboaniŋmbo-mareapura Sisasimbo hiŋfokoeffimbo yahomo houmbo raraomemo. Asu moaniŋ ngoafiŋmbo niŋmarambe ratüpurümayu ranimbo yangiriŋyomopoaniŋ. Nga ai hoafiŋyupurühiŋ, “God ana wandiŋ Ape hondaniŋ,” mehu ranimboemo hoafiŋ ranana Sisas ai ‘Ro God nahurai-anahiŋ’ mehu yahomo houmbo kameihiyomo ahambo hiŋfokoeffimbo raraomemo.

*Godindiŋ niŋmoriŋ ai ratüpurüŋmbo ŋginiŋindeimbanani*

<sup>19</sup> Raniŋyu Sisas ai siŋmboriŋ hoafiŋyupurühiŋ yahupuriŋya, “Ro aniŋhondümbonanahiŋ siŋhamumbo hoafayahapuriŋ: Nindou niŋmoriŋ ra ŋgiriŋ raranimbatükunüŋ aimbo hohoaniŋmondu haya ranimbondandiŋ, nga waniŋ. Ai raranimbatükunüŋ ratüpurayü ra Afindiŋ ai ratüpurayü ra hoeire hayamboani, asu niŋmoriŋ ai ra-süŋgure ratüpurayü. Muŋgu raranimbatükunüŋ Afindiŋ ai ranimborandan-ani asu niŋmoriŋ ai yare ranimboarandiŋ.

<sup>20</sup> Afindiŋ ai ahandiŋ niŋmoriŋ ranahambo hohoaniŋmoyuhü asu ai muŋgu ratüpurüŋyumbü ra niŋmoriŋmbo nafuimefuendo. Nga asu awi Afindiŋ ai adükariŋ ŋginiŋindiŋ ratüpurüŋ

safi amboani n̄morimbo nafuindundumbui. Haponda nafuimendu ranana ak̄douyo, nga se hep̄nifembohündambo sünguna nafuiyondomboayu ranana adükari nḡn̄ndi saf̄ndimboe.

<sup>21</sup> Af̄ndi ai nindou yif̄yeimb̄hündi bot̄reandür̄ mbura asu yanḡr̄ n̄ngo sagadür̄ arand̄. Ranani asu n̄mor̄ ai-amboani ahand̄ hohoan̄momayu süngureandüh̄ nindou bot̄reir̄ h̄n̄nḡrearü arand̄.

<sup>22</sup> Moai Af̄ndi aiana nindou-yafe hohoan̄mo ȳborore rand̄, nga wani. Mun̄gu ran̄ ratüpuri ra n̄mor̄ndi war̄h̄mareandane.

<sup>23</sup> Ran̄mboan̄imbo asu nindou ai n̄mor̄imbo ah̄n̄ndeihī aboedī hohoan̄mondeimboyei Af̄ndambo rawar̄hor̄ nou. Asu nindou ai n̄mor̄imbo ah̄n̄yohü aboedī hohoan̄mokoate-aye ana, asu Af̄ndi ai n̄mor̄ koamar̄herü ranahambo amboani nḡr̄ ah̄n̄ndeihī aboedī hohoan̄mondei.

<sup>24</sup> Ro siheimbo an̄hondümbaan̄hi hoafayahi, nindou düdi wand̄ hoafī nda h̄mbor̄yuhü asu wambo h̄f̄na koamar̄hend̄r̄ ranahambo an̄hondümba-arir̄ ana, nindou ranai yanḡr̄ koadür̄umbo-koadür̄umbo n̄ngumbui. Asu nindou ranai nḡr̄ God̄ndī papi-hoafī ranambe tükünd̄fiyu. Nindou ranai yif̄iyorambo nafī h̄n̄nḡire haya yanḡr̄ n̄ngombo ra süngure arand̄.

<sup>25</sup> Ȳni, sapa si tüküfembo-mayo ra ndeara haponda tüküfemboane. Nga asu ranan̄imbo nindou yif̄imaye ranai God̄ndī N̄mor̄ndī yafambe h̄mbor̄ndahindüh̄ asu nindou did̄yei ahand̄ hoafī ndor̄hi h̄mbor̄imaye ranai aboedī

yangiri yifikoate nimboeimboyei.

<sup>26</sup> Ranimboani asu Afindi ai ahandihoari aboedi yangiri yifikoate ningombo ra nimindi yuhuyu, asu rani-sungunambo noure Nimorimbo yangiri yifikoate ningombo nimindimboriri hiningimariri.

<sup>27</sup> Ai Nindou Hond-ani, ranyu asu Afindi ai ahandi Nimorimbo nindoumbo yibobofendurrambo hohoanimo ra masagado.

<sup>28</sup> Asu se ndanahambo hepunahinduhi afindi hohoanimondeimboyei, nga ngiri amitata muṅguambo nindou yifiyeimbihundi honguambeahindi ranai ahandi yafambe ra himborindei.

<sup>29</sup> Asu rananimbo ai honguambeahindi tukundahimboyei. Asu nindou ahandi hoafi aboedi himboriyehi sungurahi arihundi ranai aboedi yangiri yifikoate tukundahi burindeimboyei. Nga asu nindou ahandi hoafi himborikoate-yehi moaruwai hohoanimombo ratupuri ratupuriyei arihundi ai-animbo tukundahinda God ai aheimbo se huti-anei mbusumbui.”

*Nindou bidifiri amboani rani-moatukuni nafuimaramuni ra Sisas ai Godindi nimor-ani masei*

<sup>30</sup> “Rarani-moatukuni ra roana ngiri rombondihe hohoanimonda hehea ratupurindahi. Ro nindou aheimbo yiboborthe arihandi ra God ai hoafiyuwan yangir-ane yiboborthe arihandi. Wand yibobofe ra mbumundanesi, nga ropoanimbo yifiriya hehea yibobortheandurühi-yahipoani, nga Ape wambo

hifina koamarihendiri ranai yifiriyu haya hoafimayundir-amboyahi ro rarihe marihandi.

<sup>31</sup> Asu ro wandihoari yangiri wandi fimbo anihondumbo hoafayah ana, asu nindou ai ro wandi fimbo hoafayah ra ngiri anihondumbo-ndihindi.

<sup>32</sup> Nga asu ngoru ai wambohunda anihondumbo hoafiyu arandi ahandi hoafi ra anihondumboani hoafiyu arandi ra ro fifirihendi.

<sup>33</sup> Se horombo Sonimbo sowana nindou dudufimbo koamarihhipura asu ai siheimbo anihondü hoafi hoafimayu.

<sup>34</sup> Nga nindou yangiri wambo anihondumbo hoafayu ana, ahandi hoafi ranahambo ro ngiri hohoanimondahi, nga wani. Nga God siheimbo aboedambo-mbireandura saheheamboanahi Sonindi hoafi anihond-ane asahi.

<sup>35</sup> Son ana ram hai siayo nou yahurai siyuhuyu asu sihei fiambe si ranai boaki-mafoa-reiramboyei asu bodifohu yangiri ahandi si ranimbo hihifi-hihifimbo masei.

<sup>36</sup> Nga ngoru-moatukuni siheimbo nafuim-bohunda ra Sonindi hoafi ngasundeandeimb-ane. Rarani ratupuri ro ratipurayah ra wandi Ape ai sendirühi 'ratupurindafi' mehuamboanahi ro rarihe ratipurayah. Rani ratupuri ranai siheimbo anihondumbo nafuimaranduri ra Ape ai wambo koamarihendira makosahi.

<sup>37</sup> Asu Ape wambo hifina koamarihendiri aiyu wandi fimbo weindah hoafimayu. Asu se moai horombo ahandi hoafi himboriyeyi asu ahambo hoeirihori raraorihori.

38 Nga asu se moai ahandi hoafi ra sihei ngusüfoambe nimarondüri, nimboe sapo Ape ai koamar+hend+ra makosahi wambo anihondümbafe-koate-mayei ranimbo.

39 Se rarihi hohoan+moyeihiya, “Godindi bukambe hoafi apeniŋgo ranai yangiri koadürümbo-koadürümbo niŋgombo sei hehi buk ranambe muŋguambo hoafi apeniŋgo ranahambo türar+hündi. Nga bukambeahindi hoafi ra wambo fifirifendiriimbo hoaf-ane apeniŋgo.

40 Nga asu se aboedi yangiri niŋgomböhündambo wambo sowana moai sifombo hohoan+moyei.

41 Nindou ai wambo seana nindou adükaranafi mb+seimboyei saheheamboanahi ro moi asahi.

42 Nga ro siheimbo fifiri-hearümboanahi, asu sihei ngusüfoambe Godindi ngusüfo pefe hohoan+mo ra moai nimarondüri.

43 Ro wandi Apembo sowahindiyahi makosahi, nga asu se moai wandi hoafi himboriyei. Asu seana nindou ngorü ai aipoanimo hohoan+moyu haya ahandi nginindi ranambo huan-anei ahandi hoafi himboraye.

44 Asu seana siheihoar-anei nindou hond-anafi nindou hond-anafaye. Nga God mam+ yangirani ai siheimbo nindou hond-anafi yahombo ra se moi ase. Nga asu se nüngund+hi ahambo anihondümbo-mandihora?

45 Nga asu se ngiri wambo rand+hi hohoan+mondei, ‘Ai y+hoefombo Afindandi himboahü papi-hoafindamuni mb+sei,’ nga



wanî. Nindou siheimbo papi-hoafi-marandürî ranana Mosesiyu. Asu se nindou ranahamboyei aiana yihoefimbo fandihemunümbui masei.

<sup>46</sup> Se Mosesindî hoafi anihondumbo-mbarihimbonana, asu se wandî hoafi amboanî anihondumbo-rîhi. Nîmboe sapo ai wambo hoafi sürü papi-marandî ranîmbo-hündambo wambo.

<sup>47</sup> Asu ai sürü papi-randeimbî hoafi ra anihondumbofe-koate-ayei ana, asu nüngundîhi se wandî hoafi ra anihondumbo-mandîhia?" mehu.

## 6

### *Sisas ai 5,000 nindumbo sesi masagadürî (Matyu 14:13-21; Mak 6:30-44; Ruk 9:10-17)*

<sup>1</sup> Sisas ai raraofi mbura ranîhünda asükaiyu Gariri kurîhoe sei asu Taiberius sei arîhündî ra barîhei haya gogoasürünî mahu.

<sup>2</sup> Asu nîmorehî nindowenihî afîndî ranai Sisasîmbo hoeirîhoranî hepünîfeimbî moatükunî ratüpurîyuhü nindou anğünümboyeimbîmbo aboedîrearü marandamboyei, asu ahandî süngu mahei.

<sup>3</sup> Asu ai ahambo süngururü-rundeimbî babîdîmbo hafu hîfî wafu wamî mamaru.

<sup>4</sup> God ai Israer Isipîhündî aboedambo-mareandürî ranî adükarî si Pasofa ra ndeara akîmî tüküfembo yangîrîyowanîyo.

<sup>5</sup> Sisas ai hîmboarîyu wakîreand-ane nindou afîndî ranai ahambo sowana masühüsiamboyu asu Firipîmbo hoafîyundühi yahuya, "Dagüdambo sîhîrî sesi afîndî ra pemîndefî

mbundi+humbo nindou afindi asihüsi aheimbo mandahundüra?” mehundo.

<sup>6</sup> (Sisas ai yare hoafi+mayu ra Firipindi ho-hoanimo refe hoeifembo-hündamboyu, nga ai sesi aheimbo segudürimbo ra fifire hayamboyu.)

<sup>7</sup> Asu simbori Firip ai ahambo hoafi+yunduhü yahuya, “Nindou ranai sesi ra akidou-amboani ngusüfonambiri+horu mbisefombo ana, sihiri 1200 kina nahurainambo-animbo sesi ra pemindefi koandi+hehumboyefi,” mehu.

<sup>8-9</sup> Ahambo sünguriri-randeimbi nindou ngorü Andru, Saimon Pitandi akidi ai hoafi+yuhü yahuya, “Nindou mamü hoarifi ndanai bari bret hondahüyafundeimb-anemo asu kinü yimbu-anafanü ra sihaiamboani. Nga sesi ranana ngiri nindou afindi ra simongorindei,” mehuamboyu.

<sup>10</sup> Asu Sisas ai hoafi+yupurühi yahuya, “Nindou aheimbo sowandümondündürü si+fomo hoafi+yomonda mbimari,” mehu. Ranühi wohi afindi ra furimayowamboyei raniwami ninoumayei. Nindou ra 5,000-yei.

<sup>11</sup> Ranüyu Sisas ai bret ra semündühaya Godimbo hihifirüri mbura asu nindou afindi ninoumayei aheimbo yimbumare-andürü. Asükaiyu kinü ra ranou-ranou-mareandüramboyei asu sesi ra ai sesimbo hohoanimomayei simogodühi masahüsi.

<sup>12</sup> Ai sesi ra sahüsimbo ndeara bodomayeamboyu, Sisas ai ahandü süngururü-rundeimbimbo hoafi+yupurühi yahuya, “Ai sahüsimbü bidifiri-bidifiri kurayo ra fufuründümo, nga akidou bidifiri amboani+yeimbipoani,” mehuamboemo.

13 Raniyomo asu ai bari bret hon-dahüyafundeimbi akidibou-mayo ranahan-dambo ai sahüsimbü bidifiri kurimayo ra fufuründümo 12 wambüri tütükuru manindundi.

14 Raniyei asu nindou afindi ninou-mayei ranai Sisas hepünifeimbi moatükunî ramare-andî ra hoeirîhi hehi hoafîyeihî seiya, “Yinî, anîhond-ane, sapo nindou ndanana Godindî hoafi hoafiyu-randeimbi hifîna kosombo-mayu ranîmbai,” maseiamboyu.

15 Asu nindou ranai ndeara ahambo sifo semündü hefimbo adükari bogorîmbofi hütîhütîfi hîniñgîfimbo maseiamboyu Sisas ai fîfire haya asükaiyu hifî wafu ranîwamî nîmarîmbo ahand-amboanî mahafu.

*Sisas ai hoe hanjifowamî mahu  
(Matyu 14:22-27; Mak 6:45-52)*

16 Raniyomo asu nîmbambe ahambo süngururü-rundeimbi ai Gariri kurîhoe ranînambo mahanîmo.

17 Asu nîmbîmareandamboyu Sisas ai moai ahamumbo sowahî tüküfiyu. Ai hanîmo botambe kefou houmbo gogoanîni barîhou houmbo Kaperneam ñgoafi nanjowaneimbi mahafomo.

18 Raoyafundane asu werî afindi ranai werîyowohüyo hoe ranai fondamindî hanî hafo marandî.

19 Raniyomo süngururü-rundeimbi ai ahamund-amboanî botî-mayo ranambe purînambo puru hîfomombo 5-mbayo asu 6-mbayo kiromita sîmogodühîyomondühî asu hîmboyomondane, Sisas ai bot ranîkimî

nimoamo hoe hanḡifo wami pūhiyu mara sūnūwamboemo asu ai afindī yihimbomemo.

<sup>20</sup> Asu Sisas ai hoafiyupurūhī yahuya, “Se nīmboe yihimboemoa, ḡga roanahī ndanana,” mehupuramboemo.

<sup>21</sup> Asu ran+yomo ai ahambo botambe semündū hīn+ḡḡifimbo yahomo houmbo ramefundamboyo asu bot ranai ai hombomemo raninambo nīmai ho tükūmefeyo.

*Nimorehī nindowenihī ai Sisasimbo kokomarihorī*

<sup>22</sup> Asūkaiyei siambe nindow afindī ranai Gariri kurīhoe gogoan+nī mamarei. Ai fifirīhindī hamani bot mamī yanḡirī ran+hū menḡoro asu Sisas ana moai ahambo sūḡgururū-rundeimbi babidimbo bot ranambe hūfu, ḡga ahambo hīn+ḡḡirūwurī houmbo ai yanḡir+yomo mahifomo sei hehi mamarei.

<sup>23</sup> Asu bot bidifirī Taibiriasī-yafe-mayo ranai Sisas Godimbo hīhīfirūrī mbura bret sahūsihī sīnei tükūmehindī.

<sup>24</sup> Asu ai himboyeiane Sisas ai ahambo sūḡgururū-rundeimbi babidimbo ran+hū nīmarīkoate-memondamboyei asu ai bot ranambe farīyahi hehi Kaperneam ḡgoafīna Sisasimbo kokombo mahūsi.

*Sisas ai yanḡirī nīḡgombo bret nahurai-ani*

<sup>25</sup> Asu nindow afindīmayei ranai Sisasimbo kurīhoe gogoasūrūnī manūḡgua hoeirīhorī hehi, hoafīyahūndowohū seiya, “Yamundo-randeimbi, se nūḡgu-simboanī ndan+hū sūhūfīmboyafa?” maseiamboyo.

26 Asu sɪmborɪ Sisas ai aheimbo hoafiyundürühɪ yahuya, “Se nɪmboe wambo kokoarɪhündɪra? Se bret afɪndɪ sahüsɪmbo sɪmongori-marɪhümündi ranɪmboyei wambo kokomarɪhündɪrɪ sühüsi. Nɟa asu se ro hepünɪfeimbɪ moatükunɪ ramarɪheandɪ ranɪmbo fɪfɪrɪhi hoeirɪhi hehimboyeipoanɪ wambo kokomarɪhündɪrɪ sühüsi nda.

27 Se sesɪ sümburüyo arandɪ ranahambo hohoanɪmondeihɪ ratüpurɪ-ndeimboyei, nɟa se yangɪrɪ koadürümbo-koadürümbo nɪngombo sesɪ ranahambo-anɪmbo hohoanɪmondeihɪ ratüpurɪndei ndühündɪ. Sesɪ ra sɪheimbo Nindou Hondü ai dagadürɪmbui, sapo God ai ranɪ ranɪmbo-hündä ahambo nɟɪnɪndɪ masagado-ane,” mehuamboyei.

28 Asu nindou ranai ahambo düdurɪhorühɪ seiya, “Asu ro nüngundɪhu ratüpurɪmandefɪ Godɪndɪ ratüpurɪ yangɪrɪ ratüpurɪmbo rana?” masahündowamboyu.

29 Asu sɪmborɪ Sisas ai hoafiyundürühɪ yahuya, “God ai sɪheimbo ratüpurɪ ndanɪmboyu ndandɪhi ratüpurɪndei mehu: Nindou ndanahambo hɪfɪna koamarɪhehinɪ ahambo anambo anɪhondümbo-ndɪhorɪ,” mehundüramboyei.

30 Asu sɪmborɪ düdurohorühɪ sahündoya, “Se nɪnɪ hepünɪfeimbɪ moatükunɪ randowandani hoeindɪhunɪnɪ houhumbo God koamarɪhenɪ-ane mbɪsefɪ sɪhambo anɪhondümbo-mandɪhunɪna? Asu se nɪnɪ ratüpurɪ ratüpurɪmbo safomboyafa?

31 Sɪhefɪ amoa horombo sesɪ mana masahüsi nɪmɪ wohɪ furɪkoate-reandühɪ. Baiborambe yare hoafiyowohü yahoya, ‘Ai sesɪ nɪmoamo

sünambeahindi semündü haya sesimbo masagadüri' meho nou," maseiamboyu.

<sup>32</sup> Asu Sisas ai hoafiyundürühi yahuya, "Yinisi, nga ro siheimbo anihondümboanahi hoafayahi, Moses ai moai siheimbo sünambeahindi sesi sagadüri, nga wandi Ape aiyu sesi hondü sünambeahindi ra masagadüri.

<sup>33</sup> Sesi God ai masendi ranana sünambeahindi kosi hifi ndanihü nindoumbo yangiri niñgombo segödürimboane," mehuamboyei.

<sup>34</sup> Asu nindou-mayei ranai Sisasimbo hoafiyahündowohü sahündoya, "Adükari, muñguambo si yihoeñimbo sesi rananimbo ndawamuni ndandi," maseiamboyu.

<sup>35</sup> Asu Sisas ai hoafiyundürühi yahuya, "Ro sesi yangiri niñgombo nimind-anahi. Nindou ai wambo anihondümbo-reandürühi asünu ana, ngiri wembombondu asu amindaniñombondu ndandi, nga wani.

<sup>36</sup> Ro siheimbo horombo hoafimayahandüri, se wambo hoeirihindiri, nga asu moai anihondümbo-rihindiri.

<sup>37</sup> Muñguambo nindou wandi Ape ai wandi warihümareandüri ranai ana wambo sowana dügüsimboyei. Asu nindou düdi wambo sowanambo asüfu ranahambo ro ngiri yowani mbisahi.

<sup>38</sup> Ro sünambeahindi makosahi nda wandi hohoanimo süngufembo-yahipoani. Nga ro makosahi nda nine hohoanimo Ape yifirayu rani hohoanimo süngufemboyahi makosahi.

<sup>39</sup> Ai wambo koamarihendira makosahi ahandi hohoanimo ra ndahurai-ane. Muñguambo nindou Ape ai wandi

warihümareandürü ra ngiri mam-amboani bodiboadihini, nga bidifirani si tüküfeyoambe munguambo botindihendürimboyahi.

<sup>40</sup> Apendi hohoanimo ai ndahurai-ane, munguambo nindou ranai Nimori ranahambo hoeirihorühi ahambo anihondumbo-arihori ana, asu ai yangiri koadürumbo-koadürumbo niboadeimboyei. Asu rananimbo ro nindou ranahambo bidirifani si tüküfeyoambe botindihiniimboyahi,” mehu.

<sup>41</sup> Raneyei asu Suda ai Sisasimbo nginindirihorühi tehümarihori ai hoafiyuhuya, ‘Roana yangiri niingombo sesi nimind-anahi sünambeahindi makosahi,’ mehu ranimbo.

<sup>42</sup> Raneyei asu hoafiyahündowohü seiya, “Nindou ndanana Sisas Sosepindi nimorani. Ahandi hondafindi ana ro fifirihupirimboanefisi. Asu ai ninüngufi hayamboyou ro sünambeahindi makosah-anahi mehua?” maseiamboyou.

<sup>43</sup> Asu Sisas ai hoafiyundürühi yahuya, “Ngiri se siheihori tehündihündi, nga se hiningindihihimbo moani nimandei.

<sup>44</sup> Nindou mamai ai-amboani ngiri aimbo hohoanimodu haya wambo sowana ngu. Nga wandi Ape wambo koamarhendiri ai ahambo wambo sowana koandihirani nguwan asu ro ahambo hifi nda munguyoambe aboedi yangiri niingombohünda botindihiniimboyahi.

<sup>45</sup> Horombo Godindi hoafi hoafiyomorundeimbi ai yaru bukambe sürü papirundühi yahomoya, ‘God ai nindou munguambo yamundeandürimbui,’ mehomo. Asu mungu

ai Apendi hoafi himboriyehi ahandi warambeahindi fifirife ra asahümüdi ana, ai wambo sowana dügüsimboyei.

<sup>46</sup> Asu nindou mamî ai-amboanî moai Godimbo ahandi himboarînambo hoeirirî, nga nindou Godîndî-mayu makusu ranî yangîrîyu Godimbo hoeimarirî.

<sup>47</sup> Ro sihamumbo anîhondümböanahî hoafayahapurî, nindou düdi wambo anîhondümbö-areandîrî ana, ai yangîrî koadürümbo-koadürümbo nüngumbui.

<sup>48</sup> Roana yangîrî nîngombo sesi ra nîmînd-anahî.

<sup>49</sup> Horombo sihei amoao sesi ahandi ndürî mana ra nîmî wohî furîkoate-yowohü masahüsi, nga asu ai moai nîboadei, nga ranî sesi ra sahüsi mburîhümbo yîfîmayei.

<sup>50</sup> Nga roana sesi sünambeahîndî makosah-ane, nindou düdi asesu aiana ngîrî yîfîndu, nga aboedî nüngumbui.

<sup>51</sup> Roana sesi koadürümbo nîngo-randeimbi sünambeahîndî makoso rananahî nda. Asu nindou ai sesi nda asesu ana, ai yangîrî koadürümbo koadürümbo nüngumbui. Sesi nda ro ndahandürîmboyahî ra wandî fi safî ranane, nindou hîfî ndanîhü anîboadei ai aboedî yangîrî koadürümbo koadürümbo mbînîboadeia samboanahî," mehu.

<sup>52</sup> Ranîmboyei asu Suda ai aheihoarî ngînîndî yîfiarîmbo hoafi tîmonîmarîhündî. Asu ai hoafîyehî seiya, "Nüngunde nindou ndanai ahandî fi safî ra ndenda madagudifa?" ma-seiamboyu.

<sup>53</sup> Asu Sisas ai aheimbo hoafîyundürühî



yahuya, “Yini, asu se Nindou Hondündi-mayo fisafi ra sesi asu ahandi hori ra simindi ra koate-ayei ana, ngiri sihei fiambe koadürümbo-koadürümbo niŋgombo ra ni mandondüri.

<sup>54</sup> Nindou ranai wandi safi asu hori ra sesü sümündi arandi ana, ai yangiri koadürümbo-koadürümbo nunguwan, asu ro ahambo hifi nda munguyowambe botindihinimboyah.

<sup>55</sup> Wandi safi nda aboedi sesi hond-ane, asu wandi hori nda aboedi simindi hoe hond-ane.

<sup>56</sup> Nindou ranai wandi safi sesü asu wandi hori sümündi arandi ana, ro ai-dibo ni mandihan asu ai ro-dibo ni mandümbui.

<sup>57</sup> Ape koadürümbo nungumbü ai wambo koamarihendirambo kosi ahandi nginindinambo animboahi ra ai ni mindüh-ani. Rani süngunamboane asu nindou ranai wambo asesundiri aiana wandi-mayo yangiri niŋgombo ra ndemündümbui.

<sup>58</sup> Ranimboane asu, sesi ndanana sünambeahindi makoso-ane. Nga sesi ra horombo sihei amoamo sahüsi hehimbo yifimayei yahuraiyopoani, nga wan. Nga sesi hapondadidi nda nindou ai asesu ana, ai aboedi yangiri koadürümbo-koadürümbo nungumboani,” mehu.

<sup>59</sup> Hoafi nda Sisas ai Kaperneam ngoafihü Sundayei rotu worambe nindou yamundeandürühi hoafimayu.

### *Yangiri niŋgombo hoafi*

<sup>60</sup> Raniyo asu ahambo süngururü-rundeimbi afindi ranai hoafi ra himboriyomo houmbo hoafiyomondühi yahomoya, “Hoafi ndanana

awi afindi tungümb-ane. Hoafi ra didi himborimandü rana?" mehomondamboyu.

<sup>61</sup> Asu Sisas aimbo ngusüfoambe hohoanimoju fifire haya hoafiyuhi yahuya ndanana hoafi ndanahamboanemo teihümarundi yahu haya, hoafiyupurühi yahuya, "Hoafi nda sihamundi anihondümböfe ra mamikari-marapuramboemo?"

<sup>62</sup> Asu Nindou Hondü sünambeahindi makusu ranai hoeindüraní asükaindu horombo namaruwanambo gafuwaní ra se nüngundahumbo yahomomboemo?

<sup>63</sup> Yifiafi Aboedi ranane yangiri niñgombo sai arandi. Nga nindou-yafe nginindi ranana moai yangiri niñgombo sai randi. Hoafi siheimbo hoafimayahandüri ranana Yifiafi yangiri niñgo sai-randeimbi ranahamboyahí hoafimayahí.

<sup>64</sup> Rananemo asu moai bidifiri se-amboani hoafi ranahambo anihondümbö-rundi," mehu. (Sisas ai nindou horombo ahambo anihondümböfe-koate-mayei ra fifireandi. Asu ai fifireandi nindou ranai-animbo ahambo hürütümbi nindou-yomondi warihündirümbui.)

<sup>65</sup> Ranaju asu hoafiyuhi yahuya, "Hoafi nimindi ndanahamboyahí ro sihamumbo hoafimayahapuri, 'Ape ai nindou ranahambo wambo sowanambo sifombo yini yahokoate-ayu ana, asu nindou ranai ngiri wambo sowana düfu,' " mehu.

<sup>66</sup> Hoafi ra himboriyomo mburumboemo asu ahambo süngururü-rundeimbi bidifiri ai ahandi süngu hokoate hininngirüwuri houmbo hihiriyafu mahomo.

<sup>67</sup> Raniyu asu Sisas ai ahambo süngururü-rundeimbi 12 ahamumbo hoafi-yupurühi yahuya, “Asu se-amboani wambo hiniñgifiendiri hefe hombo yahomomboemo?” mehuamboemo.

<sup>68</sup> Asu Saimon Pita ai simbori hoafi-yuhi yahuya, “Adükari, asu ro dabo sowana mangefa? Seana sapo aboedi yangiri koadürümbo-koadürümbo niñgombo hoafi ra sowandifi-mboanafisi.

<sup>69</sup> Asu ro haponda sihambo anihondümbo-rihu fifiri-huninimboanefi, seana Nindou sürühoeimbi Godindi-mayafi makosaf-anafi,” mehuamboyu.

<sup>70</sup> Asu simbori Sisas ai yahuya, “Nimboe sapo sünguru-rundeimbi 12 sihamumbo ro kamafoariheapur-ane. Nga sihamundi mbusümo nindou mamí ranai ana moaruwai hohoanimoyumb-ani,” mehu.

<sup>71</sup> Hoafi nda Sisas ai Sudas Saimon Iskariotindi nimori ahamboyu yare hürühai hoafimayu. Aiana Sisasimbo süngurüri-randeimbiyusi, nga asu sünguna humboyu Sisasimbo hürütümbi-yomondi warihündirümbui.

## 7

*Sisasindi akidi mamí ai moai ahambo anihondümbo-rüwuri*

<sup>1</sup> Refehayamboyoane, Sisas ai Gariri hifambe hoahoangu wakimareandi. Suda-yafe bogori ai ahambo hifokoeffimbo yahomo houmbo raraomemondamboyu asu ai ahei hifambe hombo moei mehu.

<sup>2</sup> Asu Suda-yafe rotumbo si adükari dagoambe nimarimbo sei arihündi ranai ndeara akimi tifi mareandamboemo.

<sup>3</sup> Asu Sisasindi akohoandi mamai ai ahambo hoafiyomondowohü yahomoya, “Hifi nda hini ngiro hawambo Suda-yafe hifinambo hahüfuh-animbo, se shafi hepünifeimbi moatükuni rarowandani shafi süngurininirundeimbi ranai hoeimbirundamboane.

<sup>4</sup> Nindou ranai munju ahambo fifirimbirihindiramboane yahumbo ana, moai dibo raraniraturipuri ratupuriyu randi, nga weindahani ahei himboahü ratupuriyu arandi. Asu se hepünifeimbi moatükuni ratupurayafi ramunjuambo nindou hifi-hifi afindi burayei ahei himboahü weindahi nimbafan-animbo, asu ai shambo hoeimbirihinin-amboane,” mehomo.

<sup>5</sup> Ahandi akidimami amboani ahambo anihondümbofe-koate-wamboemo ai yaru hoafimemondo.

<sup>6</sup> Raniyu asu Sisas ai hoafiyupurühi yahuya, “Awi ro hafombo si ranana moai tüküfeyo. Nga ninisimboaniyo se ahafomo ra wanjei-ane.

<sup>7</sup> Nindou hifi ndanihu aniboadei aiana ngiri shamumbo hürütündühupuri, nga wambo hürütarihündiri ro aheimbo moaruwai hohoanimoeyei arihündi ranimbo weindahi hoafiyahandüri arihandi ranimbo.

<sup>8</sup> Seana Suda-yafe adükari si Serusaremi hü tükefeyo ranimbo gafomo. Nga roana wandi hafombo si ra awi tüküfekoate-mayowambo, asu ngiri haponda ngahi,” mehu.

<sup>9</sup> Ai ahamumbo yare hoafiyupuri mbura Garirihimamaru.

10 Ahandi akohoandi mamai ai adukari si ra hoeifembo mahomondamboyu, asu ai-amboani sunguna mahu. Asu ai moai weindahi tukufi haya hu, nga dibo ahamundi sungu mahu.

11 Asu Sudahundi nindou bogori-memo ranai Sisasiambo adukari si ranihu kokorurui yahomoya, "Nindou ra nahu nungua?" mehomomoya.

12 Raniyei nindou afindi mengoro ransiamboani Sisasiambo-dibo teihumarihoru. Bidifiri ai seiya, "Aiana nindou aboed-ani," asu bidifiri ai seiya, "Wani, aiana aboedyupoani, nga aheimbo wosihofori hoafiyu-randeimb-ani," masahundo.

13 Nga Suda-yafe bogori nindou ranahamumbo yihimborihupuruhi asu moai ahambo weindahi yafambe farhi hoafiyei.

14 Adukari si mbusumondui Sisai tukufi hafu Godindi worikimi nungumbo nimorehi nindowenih aheimbo yamundi-mareanduri.

15 Asu Suda ai ahandi hoafi ranahambo hepunafu afindi hohoanimojomondui yahomoya, "Nimboe nindou nda nindou ngoru ai yamundifikoate asu ai moani hoafi nda fifirareanda?" mehomondamboyu.

16 Asu simbori ahamumbo hoafiyuhi yahuya "Ro haponda yamundariheanduri hoafi nda wandi-mayo yamundife hoafiyopoani, nga Nindou wambo hifina koamarihendiri ahandi-mayo-ane.

17 Asu nindou ranai Godindi hoafi sungumbo yifirayei ana, ro hoafi hoafiya arihandi nimindi nda fifirindihimboyei. Asu ai hoafi nda Godindi-mayo-mbayo asu ro wandi hohoanimonambo

hohoan+moya hehea hoafiyahühi-mbayahiyo ra fifir+indeambui.

<sup>18</sup> Nindou ai moan+ ahandi hohoan+monambo hohoan+moyu haya hoafayu ranana ai adükar+ ndürümb+inda yahumboani. Nga asu nindou ngorü ahambo koamar+herü ranahambo 'ndür+ adükarümb+mbiyu' ehu ranai ana aboed+ mbu-mund+ saf-ani, nga moai tikai hoaf+yu randi.

<sup>19</sup> Horombo sihefi amoaombo Moses ai ah+nümb+ hohoan+mo ra masagadür+. Nga asu moai se mam-amboani hohoan+mo ra süngur+hindi. Asu nimboe se wambo hifokoefen+d+r+imbo yahomo houmbo rarawemoa?" mehuamboyei.

<sup>20</sup> Asu nindou af+indi bur+mayei ranai seiya, "Moaruwai nendi sihaf+ fiambe mafar+feyowamboya+ rani hoafi ra hoafayafi. Düdi sihambo hifokoefen+n+imbo yahuhaya raraomayua?" maseiamboyei.

<sup>21</sup> Asu Sisas ai simbor+ hoaf+yundürüh+ yahuya, "Ro ngoaf+imbo n+mar+imbo sihi ratüpur+yahühi nindou di+boadomar+hina ran+imboyei se muñguambo mahepünehindi.

<sup>22</sup> Horombo siheimbo Moses ai hoeari kefe tir+heferambo hohoan+mo ra nafuimarandür+. (Rani hohoan+mo ranana Moses+indi-mayo hohoan+moyopoani. Nga ranana sihei amoaoyafe hohoan+moane.) Ran+imboane asu seana ngoaf+imbo n+mar+imbo si ran+fih+ nindowenih+ n+imoak+di+bou-yomondi fi hoeari karu tir+hoemo arundi.

<sup>23</sup> Seana Moses+indi hoafi rani yang+ane rani-süngurundüh+ asu se ngoaf+imbo n+mar+imbo sihi n+imoak+di+bou-yomondi hoeari

karu tirihapuri arundi. Asu ro ngoafimbo nimarimbo sihi nindou angunumbo-mayu ahandi fi didiboado-marhina, asu se nimboe wambo nginindimarundira?

24 Asu nindou ngorundi hohoanimo ra se himboarinambo yangiri hoeindu houmbo yibobondumboemo, nga se mbumundi hohoanimo sungunduh ndondu yibobondundi,” mehupuri.

*Nindou ranai nda Kraisiyu dudi masei*

25 Asu nindou bidifiri Serusaremhundi ai dduyahinduhi seiya, “Sapo nindou ndanahambo bogori nindou ai hifokoefimbo yahomo houmbo raraomaruwura?

26 Nindou ra ai weindahi ahamundi himboaruhi hoafimayuwambo hoeirihori asu himboriyei arihundi, nga ai moai ahambo hoafi karuwuri. Awi nindou ranahambo bogori nindou ai Kraisi-ani yahomo hohoanimo moyomo houbombemoyo?

27 Nindou God ai diboniyu hiningimariri Kraisi ra tukefiyu ana, ngiri nindou ai ahandi ngoafi ra fifirindhindi. Nga roana nindou ndanahandi ngoafi hondu ra fifirihurumboanefi ranimboyu ai Kraisiyupoani,” masei.

28 Asu Sisasi Godindi worambe aheimbo yamundeanduruhi pukuna hoafiyuhi yahuya, “Se wambo asu wandi ngoafi ro masihuhi ra ndorhi fifirihindiri. Nga ro, wandi poanimbo hohoanimo ya hehea kosamboyahipoani, nga Ape wambo koamarhendira makosahane. Seana moai ahambo fifirihori.

29 Nga roana ahambo sowahindi koamarihendira kosiheheambo wambo fifirihinimboanahi,” mehu.

30 Raniyomo asu bidifiri ai ahambo kikihimundimbo yahomo houmbo raraomaruri. Nga asu nindou ngoru ai moai ahambo kikihirumundu sapo ahambo hifokoefimbo si ra awi tukufekoate-mayowambo.

31 Raniyei nimorehi nindowenih afindi ranai ahambo anihondumbo-rhoruhi hoafiyehi seiya, “Krais tukefiyu ana, ngiri Sisas hepunifeimbi moatukuni ramareandi nda ngasundiri. Nga ai Kraisimbeyu?” masei.

*Sisasimbo kikihimindimbo prisman koamarihoupuri*

32 Farisi ai nimorehi nindowenih Sisasimbo rani wataporimayei ra himboriyomo houmbo Godimbo sesi sihou-rundeimbi bogori-babidimbo prisman bidifirambo koamarihoupura Sisasimbo kikihimindimbo mahifomo.

33 Asu Sisas ai hoafiyupuruhi yahuya, “Awi seabidimbo akidou geduhi safi niingo-niingondahe heambo-animbo asu ro nindou wambo koamarihendiri ahambo sowana gagumboyahi.

34 Rananimbo se wambo kokondihundirimbeyeisi, nga asu ngiri hoeindihindiri. Asu ro nimarimboayah ranambe se ngiri didei,” mehu.

35 Raniyomo Sudahundi bogori nindou-memo ranai ahamundihoi simbori hoafuruyomonduhi yahomoya, “Nindou ra ai nahanafi nguan kokondihurimbo hoiefekoate-mandefa? Asu ai Griki-yomondi ngoafi adukari



ranihü ngu sihefi nendi nimateihü Grikimbo  
hoafi yamundi-mandeanduriyo?

<sup>36</sup> Ai yare hoafiyuhi yahuya, 'Se wambo  
kokondi-hündirimboyei, nga asu se ngiri  
hoeindihindiri,' asu 'Se ro nimarimboayah  
ranambe ngiri ngei,' mehu, ra nimboe yare  
hoafimayua?" mehomo.

### *Yangiri ningombo hoe*

<sup>37</sup> Suda-yafe amoaoyomondi dagoambe  
nimarimbo hohoanmombo si ranahandi  
bidifirani si ra adukari hamind-ane. Rani  
sihi Sisas ai botifi pukuna hoafiyundurühi  
yahuya, "Nindou didiyei ai hoe simindimbo  
amindaninombondeihi ana, wambo sowana  
didei ndimindei.

<sup>38</sup> Ai Godindi bukambe yare hoafiyowohü  
yahoya, 'Nindou ranai wambo anihondumbo-  
arihindiri ana, asu ahei ngusüfoambeahindi  
yangiri ningombo hoe ranai afindi tükündife  
haya ngomoe,' " mehu.

<sup>39</sup> Sisas ai yare hoafimayu ra hoe  
hondümbuyuponi, nga Yifiafi Aboedi  
ranahamboyu hoafimayu. Nindou ai ahambo  
anihondumbo-arihori ai-animbo Yifiafi Aboedi  
ra ndahümündimboyei. Nga rani simboani ana  
Yifiafi Aboedi ra awi moai sahümundi Sisas ai  
yifiyo mburumbo sünambe hafokoate wambo.

### *Nimorehi nindowenih ai simbori hoafiyehi yibobomehindi*

<sup>40</sup> Nindou afindi mafandihindi ranambe nin-  
dou bidifiri ai Sisas hoafimayu ra himboriyei  
hehi hoafiyehi seiya, "Anihond-ane, nindou

ndanana Godɪndɪ hoafi hoafiyu-randeimb-ani,” masei.

<sup>41</sup> Asu bɪdɪfɪrɪ ai hoafiyeyihɪ seiya, “Aiana Krai nindou aboedambo-fembo God kafaorirɪ hɪnɪŋgɪmarir-ani,” sei, ŋga asu bɪdɪfɪrɪ ai hoafiyeyihɪ seiya, “Ai Kraisyupoanɪ, ŋga Krai ana ŋgɪrɪ Gariri hɪfɪnɪpoedɪ düfu!

<sup>42</sup> Baiborambe yare hoafiyowohü yahoya, ‘Krai ana adükari bogorɪ Defitɪndɪ sɪrambeahɪndɪndu hayambo-anɪmbo asu ai horombo Defit nŋguhü Betrethem ŋgoafɪhü nɪmorɪmbondüfi tükündüfimbui,’ meho,” masei.

<sup>43</sup> Ranɪmboyei asu nindou ranai Sisasɪmbo hohoanɪmo yimbumbo-yimbumborɪhindühɪ asu nindou ranai yimbumbore yɪbobomareandɪ.

<sup>44</sup> Ranɪyei asu bɪdɪfɪrɪ ai ahambo kɪkɪhimündɪmbo yahomo houmbo raraomarürɪ, ŋga asu moai kɪkɪhɪruründümo.

### *Suda-yafe bogorɪ nindou ai moai Sisasɪmbo anɪhondümborɪwuri*

<sup>45</sup> Ranɪyomo asu prisman Sisasɪmbo kɪkɪhimündümborɪ koamarɪhoupurɪ ranai hɪhɪrɪyafu bogorɪ nindouyomo asu Farisi ahamumbo sowana mahomo. Asu ai düdurüpurühɪ yahomoya, “Se nɪmboe ahambo semündü sɪnɪkoate-memoa?” mehomondamboemo.

<sup>46</sup> Asu prisman ai sɪmborɪ hoafiyomopurühɪ yahomoya, “Horombo moai nindou ŋgorü ai haponda hoafiyu arandɪ nahurai hoafiyu, ŋga wanɪ!” mehomondamboemo.

47 Asu simbori Farisi ai ahamumbo düduyafupurühi yahomoya, “Asu ai sihamumbo wosihoafori hoaftrapurai wanıyo?

48 Farisi-anemo asu bogori nindou roanefi hoeirumuna nindou roambeahindi mamai-amboani anihondumbo-rirai asu wanıyo?

49 Nimorehi nindowenihı aiana moai Mosesindi ahınümbi hohoanımo fifirihindi, nga ranıamboanei ai Godindi himboahü moaruwai niıngoayei! Ai yangiri Sisasimbo anihondumbo-marıhori,” mehomo.

50-51 Nikodemus ai Suda-yafe bogoriyu haya horombo Sisas sowana mahu. Ranımboyu ai yare hoafıyupurühi yahuya, “Sihefi ahınümbi hohoanımo ana nindoumbo moanı hoangirife hefe papi-hoafiri-hundürühiyefi asu wanıyo? Ahandi hoafi boatei wudıpoapondıhu himborındefi mbundıhumbo-anımbı asu ratüpurı ai rawareandi ra fifirındıhumboyefi,” mehuamboemo.

52 Asu simbori ahambo hoafıyomondühi yahomoya, “Asu se kameihı amboanı Garirihündıwamboyafi? Bukambeahindi hoafi ra se ndoro fifirındowandi, nga moai Godindi hoafi hoafıyu-randeimbı ana Garirihündı süfu randı,” mehomo.

53 [Ranıyei asu nindou ranai ahei ngoafınambo bukürümehindi.

## 8

*Anamındıhoandı bırabıreimbı nımorehı  
Sisasimbo sowana sowandümo masınımo*

<sup>1</sup> Ran+yei asu nindou ranai ahei ngoaf+nambo bukür+mehindamboyo, asu Sisas ai asükaiyu Orif Wafunambo mahafu.

<sup>2</sup> Hapoadümbö siambe asükaiyu God+ndi wor+nambo mahu. Ai hu tüküfi n+maruane, asu n+morehi nindowenih+ ranai ahambo sowana maheiamboyo yamund+mareandür+.

<sup>3</sup> Ah+nümbi hohoan+mo fifirundeimbi asu Farisi bid+firiyo mo ai n+morehi mam+ hoeirundane nindowenih+di bo ser+m+ndi mahoamboemo asu ai ahambo sowandümo nindou h+amboahü mbusümo h+n+ng+marund+.

<sup>4</sup> Ran+yomo asu ai Sisas+ambo hoafiyomondühi yahomoya, “Yamundo-randeimbi, n+morehi ranai nindou ngorü-di bo meñgorafea asu hoeimarup+ri+.

<sup>5</sup> Moses+ndi ah+nümbi hohoan+mo yare hoafimayo ranana yahurai-ane, ‘N+morehi yahurai refewani ana, n+moeinambo h+fokoefendür+amboane.’ Nga asu se haponda nüngundo hoafimandafa?” mehomo.

<sup>6</sup> Ai hoafi yaru hoafimemo ra moani Sisas+ambo yürümo mbo nahurayomo ran+süngund+huran+ ai nüngu mbüsuwan+ papi+hoaf+nd+huri yahomo houmbo.

Nga Sisas ai hifini yim+nd+ho yimbunambo n+marümbö hif+fil+ war+imbuif+nambo sür+sürümarand+.

<sup>7</sup> Nindou ranai ran+hü n+ngomombo Sisas+ambo düdu-düdupomaruramboyo asu ai bot+fi hoafiyupurühi yahuya, “Nindou sihamund+ mbusümo moaruwai hohoan+mokoate-mayu ranai boatei-an+ambo n+moeinambo har+mbindowamboane.”

<sup>8</sup> Yare hoafiyupuri mbura asükaiyu hifini piyu yimindihoyimbunambo nimarumbo hifihihisürü-sürümarandi.

<sup>9</sup> Nindou ranai Sisas rani hoafi hoafimayura himboryomo houmbo ahambo hiningiruwuri houmbo mamai kikefoefe mamai kikefoefeyomombo ndamefundu. Amongohoandiboateiyomo ndamefundu. Asu Sisas yangiri nunguane nimorehi ranai ahandi himboahü maningo.

<sup>10</sup> Raniyu asu ai botifi hoafiyundühi yahuya, “E, nindou nda mungu bukürimefoendi. Asu nindou sishambo papi-hoafiyoninimbo ra mamamboani nunguai?” mehuamboyo.

<sup>11</sup> Asu nimorehi ranai Sisasimbo hoafiyondowohü yahoya, “Adükari, moai nindou mamamboani nungu.” Asu Sisas ai hoafiyuhi yahuya, “Ro-amboani ngiri sishambo papi-hoafindihanini. Se ngafi, nga yowani asükaiyo moaruwai hohoanimoypoi,” mehu.]

### *Sisas ai hifinindi nindou-yafe siani*

<sup>12</sup> Asu ngörü-simboani Sisas ai aheimbo hoafiyundürühi yahuya, “Roana hifi ndanahandi si nimind-anahi. Nindou ai wandi süngu ahu ana, ai ngiri nimbokoani hoahoangu wakindeandi, nga wani. Nindou ranai koadürumbo-koadürumbo yangiri ningo ranahandi si ra ndemündübui,” mehu.

<sup>13</sup> Raniyomo asu Farisi ai Sisasimbo hoafiyomondühi yahomoya, “Seana sifahifi fimbo-anafi hoafi ra weindahi hoafiyafi

arandi. Ranimboane asu sihafî hoafi ra ngiri anihondümbö-ndifeyo,” mehomondamboyu.

14 Asu Sisas ai simborî hoafiyupurühi yahuya, “Yini, anihond-ane rananasi, roana wandi fimbo-anahi weindahî siheimbo hoafiya arihandî. Nga asu wandi hoafi ranana anihondü hoaf-ane. Asu wandi hoafi ra nimboe anihondü hoafayo? E! Hoafi ra yahurai-ane. Ro fifirihendi nahaninipoediyahi tükümeheandi asu nahanamboyo homboayahî ra. Nga asu seana moai wandi ngoafi hondü ana fifirundi. Asu ro nahanafiyö homboayahî ranamboani se moai fifirundi.

15 Asu se hifinindi hohoanimo süngurundühi nindoumbo yiboboru-rundeimb-anemo, nga roana moai nindou mamimbo amboani yiboborihendi.

16 Nga asu, ro nindou daboe yiboboarihendi ana, wandi yibobofe ra anihondü hondündömbö. Asu roana ro yangiriyahipoani, nga wani. Ape wambo koamarihendirî ai ro-dibo rani-moatükuni ratüpuriyuhani.

17 Sihei ahinümbi hohoanimo yare megoro. Nindou yimbu ai hoafi mamî ranahambo yibobo hoafefandi ana, ra anihond-ane.

18 Asu ro wandi fimbo anihondümbö hoafiyahanane Ape wambo koamarihendirî ranai wambo anihondümbö hoafiyu arandi,” mehuamboyei.

19 Asu ai Sisasimbo hoafiyahündowöhü seiya, “Sihafi ape nahi anüngua?” maseiamboyu. Raniyu asu Sisas ai simborî hoafiyundürühi yahuya, “Seana moai wambo fifirihindirî asu

wandi Apembo fifirihori raraorihori. Asu se wambo fifirihindiri-mbonana, wandi Apembo amboani fifirihori,” mehu.

<sup>20</sup> Hoafi Sisas ai yare hoafimayu ra Godindi worikimi aheimbo yamundearühüyu hoafimayu, kaki foarhi-rihündeimbi hpiri ningo fikimi. Sisasimbo kikihimindimbo si ra awi tüküfekoate-mayoa asu nindou mamai-amboani ngiri Sisasimbo kikihindürimüdu.

*Sisas ai nimorehi nindowenihimbo ro ahahi ranambe ngiri ngei mehu*

<sup>21</sup> Asükaiyu Sisas ai aheimbo hoafiyundürühi yahuya, “Roana ndeara ndefembo samboanahi, nga asu se wambo kokondihündirimboyei. Nga asu se sihei moaruwai hohoanimo ranamboanimbo ngei ngeimbo yifindeimboyei. Asu seana ngiri ro ahahi ranambe ngei,” mehu.

<sup>22</sup> Raniyomo asu Suda-yomondi bogori nindou ranai hoafiyomondühi yahomoya, “Sisas ai yare hoafiyuhuya, ‘Seana ngiri ro ahahi ranambe ngei,’ mehu. Ai hoafi yare hoafimayu ra ahandihoari hifokoefe yanggrombo yahumboyu?” mehomo.

<sup>23</sup> Asu Sisas ai hoafiyuhi yahuya, “Seana hifinindi poed-anei, nga roana nimoamo sünambeahindi tükümeheand-anahi. Seana hifindanihünda tükümehind-ane, nga roana hifindanihünda tüküyaheambo-yahipoani.

<sup>24</sup> Ranimboanahi asu ro siheimbo hoafiyahühi, seana sihei moaruwai hohoanimo ranamboanimbo ngei-ngeimbo yifindeimboyei masahi. Asu ro dideahi se wambo anihondümbofekoate-ayei ana, se sihei moaruwai hohoanimo

ranambo-animbo ngei-ngeimbo yifindeimboyei,” mehuamboyei.

<sup>25</sup> Asu ai düduyahindühi seiya, “Asu se didiyafi nimora?” maseiamboyu. Asu Sisas ai aheimbo hoafiyundürühi yahuya, “Ro sapo siheimbo horombo hoafimayahandürü ran-anahi nda. Nga se wambo moai anihondumbo-rihindiri.

<sup>26</sup> Ro sihei hohoanimo ranahambo afindi hoafinda samboanahi. Süngunambo sihei hohoanimo yibobondiheamboyahahi. Nindou ai wambo hifina koamarihendiri aiana anihondanisi. Asu ro nimorehi nindowenihahi aheimbo hoafayahahi ra ro ahandi-mayo hoafi himboriya heheamboanahi hoafayahahi,” mehu.

<sup>27</sup> Asu Sisas ai ahandi Afindambo aheimbo hoafimayundürü ranimbo moai fifirihindi.

<sup>28</sup> Ranimboyu asu Sisas ai hoafiyuhahi yahuya, “Se Nindou Hondü ranahambo nimoamo sahorimindei botirihorühi nimi keimbi karihendeimbi fihahi pararihorühi ana, asu se rani-simboan-animbo fifirindi-horimboyei. Ranimbo asu ropoanimbofe hohoanimooyo hefembo ratüpurikoate-ya arihandahi ra se fifirindihimboyei. Ro hoafi hoafiya arihandahi ra Ape ai nafuiyundiranane siheimbo rani-süngurithe hoafayahandürühi.

<sup>29</sup> Nindou wambo hifina koamarihendiri ranai ngirühi wambo hinngindeandiri, nga ai wandi fikimi nüngumboani, nine-moatükunahi ai yifiriyu haya hohoanimoayu ra muñguambo si ratüpurिया arihandahi,” mehu

<sup>30</sup> Nimorehi nindowenihahi afindi ranai Sisasindi hoafi himbori-yei hehi ahambo anihondumbo-marihorühi.



*Sisas ai moaruwai hohoanimo ambeahindi  
aboedambofembo hoafimayu*

<sup>31</sup> Raniyu asu Sisas ai nindou Sudahündi ahambo anihondümbö-marihori aheimbo hoafiyundürühi yahuya, “Asu se ro yamundiri-hendüreimbi hoafi ranahambo himboriyeyihi rani-sünguarihindi ana, asu se wandi anihondü süngurihindi-reimböndeimboyei.

<sup>32</sup> Asu se anihondü hohoanimo ra fifirihindihindani asu hohoanimo ranai siheimbo aboedi koandihaira ngeimboyei,” mehu.

<sup>33</sup> Asu Sisasimbo hoafiyahündowohü seiya, “Roana Abrahamindi ahuir-anefi. Asu roana moai nindou ngoründi moani hefi ratüpuriyefi rihundi. Nimboeafi se yihoefimbo hoafiyafimunühi hoafi ranai ‘siheimbo aboedi koandihaira ngeimboyei,’ masafa?” maseiamboyu.

<sup>34</sup> Raniyu asu Sisas ai aheimbo hoafiyundürühi yahuya, “Yini, nindou muñguambo moaruwai hohoanimoyei arihündi ranai moaruwai hohoanimo ranahandi moani ratüpuriyeyi-rihündeimb-anei. Nga ranimboyo ro ramasahi.

<sup>35</sup> Nindou moani ratüpuriyu arandi ranai moai fikiminindi babidi worambe nimarü randi, nga wani. Nga nindou ahandi nimori aianimbo ahandi fikiminindi babidi worambe nimandümbui.

<sup>36</sup> Ranimboane asu Godindi Nimori ranai siheimbo aboedi nimarimbohünda fandihendürani asu se aboedi hamindi nimandeimboyei.

<sup>37</sup> Ro siheimbo fifirihearümboanahi se Abrahamindi ahuir-anei. Nga wandi hoafana

moai sihei hohoanimoambe nimarondüri. Ranimboanei asu se wambo hifokoefendirimbo sei hehimbo raraoayei.

38 Nini-moatükunî ra ro wandî Apendimayo hoeirihe heheamboanahi siheimbo hoafiyahandüri arihandî. Nga asu seana raranimoatükunî ratüpurîyei arihündî ra sihei apendimayo-ane sahümündi hehimbo rani-süngurîhi ratüpurîyei arihündî,” mehu.

39 Asu simborî ahambo hoafiyahündowohü seiya, “Yihoefî ape ana Abraham-ani,” maseiamboyu. Asu Sisas ai simborî hoafiyundürühî yahuya, “Asu se Abrahamîndî nîmorî hondümbeyei-mbonana, asu Abrahamîndî hohoanimo ra süngurîhi.

40 Ro siheimbo hoafî hondü Apendimayo himborîmayahi raniyo weindahî hoafîmayahandüri. Rananei asu se wambo haponda hifokoefendirimbo sei hehimbo rarawarîhündîri. Abraham ana moai yare rani hohoanimoyu randî. Nga se yangîr-anei rarîhi moaruwai hohoanimoayei.

41 Asu seana raranimoatükunî ra sihei apemami-yomondî hohoanimo yangîrî süngurîhündühanei,” mehuamboyei. Asu Suda ai Sisasimbo hoafiyahündowohü sahündoya, “Roana boagîrî fifîrîfekoate nafî mbusümonîndî nîmorîyefîpoanî. Roana yihoefî ape mamî God ai yangîr-ani anüngu asu ro ahandî nîmorî hondanefî,” maseiamboyu.

42 Asu Sisas ai hoafiyundürühî yahuya, “God ai anîhondü sihei apembei-mbonana, asu se wambo aboedî hohoanimo-rîhündîrîsi. Nga ro

Godi-dibo nĩmboa heheamboyahĩ asu makosahĩ. Ro makosahĩ ra ropoanĩmbo hohoanĩmoya hehea kosamboyahĩpoanĩ, nga God ai wambo koamarĩ-hendĩramboyahĩ makosahĩ.

<sup>43</sup> Asu se nĩmboyei wandĩ hoafi ndofe fifirifekoate-mayeia? Asu seana ngĩrĩ wandĩ hoafi ra awi hĩmborĩndei.

<sup>44</sup> Sihei ape ana Satan-ani. Rananei asu se sihei apendĩ hohoanĩmo ranĩ yangĩrĩ sahũmũndi anĩboadei. Horombo hondũ aiana nindou hĩfokoare-randeimbĩyu manũngu. Ranĩyu asu ai moai anĩhondũ hohoanĩmo sũngure randĩ sapo anĩhondũ hohoanĩmo ra ahandĩ fiambe nĩmarĩkoate-wambo. Tikai hoafi ai hoafĩyu arandĩ ra ahandĩ hoafi hond-ane. Aiana nindou tikai hoafĩyu-randeimb-ani, nga ranĩmboani asu tikai hoafi ranahandĩ nĩmĩndũhani.

<sup>45</sup> Nga ro siheimbo anĩhondũmbo hoaf-ane hoafayahandũrĩ. Ranane asu se wandĩ hoafi ra anĩhondũmbofe-koate-ayeĩ.

<sup>46</sup> Sihei mbusũmo nindou mamĩ ranai wandĩ hohoanĩmo-ambeahĩndĩ hohoanĩmo moaruwai weindahĩmandeyo wanĩmandĩyo? Asu ro anĩhondũ hoafi hoafĩya arĩhandĩ ana, asu se nĩmboe wandĩ hoafi anĩhondũmbofe-koate-mayeia?

<sup>47</sup> Godĩndĩ nĩmorĩ ana Godĩndĩ hoafi mũngu ra hĩmborĩyeihanei. Seana Godĩndĩ nĩmorĩyeipoanĩ. Ranĩmboanei asu se ahandĩ hoafi hĩmborĩkoate-yeĩ arĩhũndĩ,” mehu

### *Sisas asu Abraham*

<sup>48</sup> Asu Suda ai Sisasĩmbo sĩmborĩ tĩrĩfoarĩhorĩ hoafĩyeihĩ seiya, “Roana sĩhambo rarĩhu

hoafiyahun+nühanefi: ‘Seana Samariahünd-anafi asu sihafî fiambe moaruwai nendi mamî mbamari,’ asefi. Ra anihondüyo?” maseiamboyu.

49 Asu Sisas ai aheimbo yare hoafiyuhî yahuya, “Wandi fiambe ana moai moaruwai nendi nîmaro, nga wani. Roana wandi Ape ranahambo, adükar-ani sahühanahi, nga se wambo moaruwaimbo-arîhindîri.

50 Ro wandi fimbo ndürümbanahî yahomboyahîpoani. Nga Nindou mamî wambo ndürümbani yahombo hoafi yîbobore-randeimbi mbanüngu.

51 Ro siheimbo anihondümbanahî hoafayahî, nindou ngorü ai wandi hoafi ra süngwareandi ana, ai ngîri yîfîndu, nga wani,” mehuamboyei.

52 Asu Suda ai hoafiyahüindowohü seiya, “Haponda ro sihambo anihondü fifiri-hunî+nîmboanefî, sihafî fiambe moaruwai nendi amaronîni. Abraham yîfiyu asu Godîndî hoafi hoafiyomo-rundeimbi amboani yîfisafîmemo. Ranane asu se hoafiyafühîya ‘Nindou mamî ai wandi hoafi rani-süngwareandi ana, ngîri yîfîndu,’ masafi.

53 Se yaro hohoanîmoyafühî sihefi amoa Abrahamîmbo ngasündîworîmboyafi? Aiana sapo yîfîmayu rasi. Asu Godîndî hoafi hoafiyomo-rundeimbi amboani ai yîfîmemo rasi. Asu se didîyafa?” maseiamboyu.

54 Asu Sisas ai simborî hoafiyundürühî yahuya, “Asu ro wandîhoari wandî fimbo ‘adükar-anahî’ mbasahî-mbonana, asu ro moan-anahî. Nga wandî Ape aiani wambo ‘adükar-ani,’ yahu

arandi, nga se hoafiyeihî ‘ai yihoeŋi God-ani,’ asei.

<sup>55</sup> Asu seana moai ahambo fîfîrîhori. Nga roana ahambo fîfîrîhinimboanahî. Asu ro hoafiyaöhühi, ‘Roana moai fîfîrîhini,’ mbasahimbonana, asu ro se rawehindi nou tikai hoafiya. Nga roana ahambo ndorîhinî fîfîrîhinî hehea asu ahandî hoafi ra süngurîheandühanahî.

<sup>56</sup> Horombo sihei amoa Abraham ai ro tüküfembo-mayahî ra hoeifembo hohanîmoyuhü hîhîfi-hîhîfi mayu. Ai ra hoeire hayamboyu asu ahandî ngusüfo ndore küre mamaru,” mehu.

<sup>57</sup> Ranîmboyei asu Suda ai Sisasimbo hoafiyeihî seiya, “Seana awi moai 50 hîmbaniyafîpoanî, nga se Abrahamimbo hoeimarîhinî asafi?” maseiamboyu.

<sup>58</sup> Asu Sisas ai asükaiyu aheimbo hoafi yuhî yahuya, “Yîni, ro siheimbo anîhondümboanahî hoafehandürî horombo hondü Abraham ai tüküfekoate-yuambeahiyahî ro boatei manîmboahî,” mehuamboyei

<sup>59</sup> Ranîyei asu Suda ai nîmoei hüründümo houmbo Sisasimbo nîmoeinambombo mehomo, nga asu ai Godîndî worî hîningîre haya dîbo ndamefiyu.

## 9

### *Sisas ai nindou hîmboatîharî dîboadomarîrî*

<sup>1</sup> Sisas ai nafi-süngu huhündamboyu nindou hîmboatîharî hoeimarîrî. Nindou ra hondî ai hîmboatîharî yahurai wakîmarîmîndo.

<sup>2</sup> Ran+yomo asu ahambo süngururü-rundeimbi ai hoafi+yomondowohü yahomoya, “Yamundo-randeimbi, dade moaruwai hohoan+mo nindou ndanahambo ramarera asu ai h+amboati+harayua? Ahandi moaruwai hohoan+moyo, asu hondafi+ndi-yafe-mayoyo?” mehomondamboyu.

<sup>3</sup> Asu Sisas ai ahamumbo s+imbori yahuya, “Nindou ndanahandi h+amboati+hari ra ahandi-mayo, asu hondafi+ndi-yafe-mayo moaruwai hohoan+mo ranambo rareran+ refimboyupoani. Nga nindou ai yare h+amboati+hari-mayu ra God+ndi hepüni+feimbi moatükuni refewani hoeifembohündamboyu yare h+amboati+hari-mayu.

<sup>4</sup> God ai wambo koamar+hendi+ra makosahane, nga hüfi+ham+ndi ndare nünguambe si+hiri ahandi ratüpuri ratüpuri+ndefomboane. Nga n+imbi p+rayo ana, asu ng+r+ nindou ngorü ai-amboani ratüpuri+ndu.

<sup>5</sup> Ro hifi ndani+hü ni+amboahambe ana ro ni+morehi nindowenihi-yafe si-anahi,” mehu.

<sup>6</sup> Ran+yu Sisas ai yare hoafi+yu mbura, hifi+fihi nguri tifi+fi fandeamunde mbura, nindou h+amboati+hari-mayu ahandi h+amboarambe pamareandi.

<sup>7</sup> Ran+yu ahambo hoafi+yundühi yahuya, “Se ngafi Siroam kakimar+hündi hoeambe si+hafi h+amboari ra popoaindandi,” mehu. (Hoafi Siroam ra ‘koari+hefeyoa ho’ hoafi-ane.) Ran+yu asu nindou ranai hu ran+hü ahandi ngusü+amboari ra popoaira mbura, hi+hiri+fi süfumbo aboedi h+amboari+mayu.

<sup>8</sup> Ran+yei asu nindou aki+mi wori

yimbur+hi n+mareimbi+ asu ahambo horombo hoeir+horeimbi+, ai horombo n+morehi+ nindowenih+imbo kak+napombo moako-moakoyu marandi+ ran+imbo hoeir+hor+ hehimbo hoafi+yeih+ seiya, “Awi sapo nindou ndan+mbaiyu n+mar+ yang+r+ n+mar+umbo aheimbo moako-moakoyu marandi+?” masei.

<sup>9</sup> Bi+di+fi+r+ ai hoafi+yeih+ seiya, “Yi+n+, nindou aiyu refi marandi+.” Asu bi+di+fi+r+ ai hoafi+yeih+ seiya, “Wan+. Ai nindou yahuraisy+, nga ai-yupoan+, nga nindou ngorüyu,” masei. Nindou amuri+ ai rani+ watapor+mayeiamboyu asu ahandi+hoari+ yahuya, “Ro-anahi,” mehu.

<sup>10</sup> Asu ai ahambo düduyahindowohü seiya, “Asu si+hafi+ hi+amboari+ ra nüngure bi+r+hoaimboyoa?” maseiamboyu.

<sup>11</sup> Asu ranai si+mbori+ yahuya, “Nindou Sisas sei-ar+hünd+ ranai hüburukonambo wandi+ hi+amboarambe fandi+foareand+rühi+ yahuya, ‘Se ngafi+ Siroam kak+mar+hünd+ hoe ranambe hi+amboari+ si+hafi+ ra popoaindandi+,’ mehuamboyah+ ro ha popoair+hand+ asu wandi+ hi+amboari+ ra aboedi+ hi+amboari+mayahi+,’ mehuamboyei.

<sup>12</sup> Asu ai düdur+horühi+ seiya, “Nindou ra nahi amarua?” maseiamboyu. Asu nindou ranai yahuya, “Nahümübei amaru ra moai fi+fi+r+hini+,’ mehuamboyei.

<sup>13</sup> Rani+yei ai nindou hi+mbokat+hari+mayu Sisas aboedi+marir+ ranahambo Farisimbo sowana sa-hor+i+m+ndei+mahei.

<sup>14</sup> Ngoafi+imbo n+mar+imbo si rani+si+mboani+yu Sisas ai nindou ranahandi+ hi+amboari+

aboedimareandi.

<sup>15</sup> Asu Farisi ai nindou-mayu rana-hambo düdururühi yahomoya “Sihafi himboari ra nüngure aboediyomboyoa?” mehomondamboyu. Asu ai hoafiyupurühi yahuya, “Sisas ai hüburuko wandi himboarambe pamareandiramboyahi asu ro ha popoaimarhandamboyo wandi himboari ra aboedimayo,” mehu.

<sup>16</sup> Ranimboemo asu Farisi bidifiri ai yahomoya, “Nindou ndanahambo God ai koarheira kusumboyupoani, nga ai moai moani ngoafimbo nimarimbo hohoanimo ra süngureandi,” mehomo. Asu bidifiri ai hoafiyomondühi yahomoya, “Asu nindou moaruwai hohoanimoyumbü ai ngiri hepünifeimbi moatükuni yahurai ratüpurindu?” mehomo. Raniyomo asu bidifiri ai ngörü hohoanimoyomo asu bidifiri ai ngörü hohoanimoyomo marundi.

<sup>17</sup> Raniyomo asu nindou himboatihari-mayu ahambo hihiriyafu asükaiyomo hoafiyomondowohü yahomoya, “Nindou sihafihimboari aboedimareanini ranahambo se nünguro hoafiyafindoa?” mehomondamboyu. Asu ai hoafiyupurühi yahuya, “Aiana Godindi hoafi hoafiyu-randeimb-ani,” mehu.

<sup>18</sup> Nindou ra ai horombo himboatihari-mayuanisi, nga asu ai ranahambo anihondümbofembo moi mehomo. Ranimboemo asu nindou himboatihari-mayu ahandi hondafindambo rani hoafi ra fifirifembohünda mingiyomo hümarihauptiri.



19 Asu ai ahafembo düdurüpürühi yahomoya, “Nindou nda sihafe ni moriyu? Asu se safeya ro himboatihari yahurai wakimari-horimindehane masafe, nga asu nimboe ai haponda aboedi himboarayua?” mehomom.

20 Asu ahandi hondafindi ai safeya, “Yini, ro ahambo fifirihori ai yihoehi ni mor-ani asu ai horombo himboatihari wakimari-horimindehi.

21 Nga haponda moai ahambo fifirihori ai nününgufimbombi ahandi himboari ra aboedi himboarayu. Asu ro moai fifirihori nindou ahandi himboari aboedimariri ranahambo. Düduyafundosi, ai adükariwambo sihamumbo ahandi fimbo hoafindüpurimbui,” masafe.

22 Hondafindi ai Sudambo yihimborinapurühiyafe ai ahamumbo rarine hoafimefe. Horombo Suda ai yaru hoafiyomondühi yahomoya: “Nindou ai weindahi hoafiyehi, ‘Sisas ra nindou God ai ahandi nendambo aboedifembo kifoariri hiningimari Krais-ani,’ seiani ana, asu aheimbo rotu worambeahindi hihaiboandüra ngiri ai-babidi rotunde,” mehomom.

23 Ranimboyafe asu hondafindi ai hoafiyafeihü “Ahambo düduyafundosi, nga ai adükariwambo sihamumbo ahandi fimbo hoafindüpurimbui,” masafe.

24 Raniyomo asukai nindou himboatihari mayu ranahambo mingimemonda masünu. Asu ahambo hoafiyomondühi yahomoya, “Se Godimbo ndüri adükarümb-ani mbisafindowohü anihondumbo hoafindafi. Ro fifirihumboanefi nindou ndanana moaruwai hohoanimoयर- randeimb-ani,” mehomom.

25 Asu nindou ranai hoafi-yuhi yahuya, “Ro moai ahambo fifirihini, nga awi ai moaruwai hoan+mo-yumbümbeyo asu wan+mbeyo. Mami moatükuni ro fifirimar+heandi ana, yini ro horombo himboat+hari man+amboah+yahi, nga hapondanana ro aboedi himboarayahi,” mehu.

26 Asu Suda ai düduyafundowohü yahomoya, “Sihambo nününgurean+n+mboyua? Sihaft himboari ra nününgure aboedi+rean+n+mboyua?” mehomondamboyu.

27 Asu ahamumbo hoafi-yupurühi yahuya, “Ro sihamumbo hoafi-mayahapur+yo, nga asu se hoafi ranahambo moai himbor+yomo. Asukai se himbor+ambo yahomomboemo? Se-amboa ahambo süngururü-rundeimb+ambo tüküfembo yahomomboemo?” mehu.

28 Asu Suda ai nindou ranahambo ngin+ind+rurühi moaruwai hoafi-yomondowohü yahomoya, “Seana Sisas+ambo süngur+i-randeimb-anafi. Nga roana Moses+ambo süngur+ihu-r+hundeimb-anefi.

29 God ai Moses+ambo hoafi-mayundo ra ro fifir+hundi. Nga nindou ranan+ambo ai dagüdambaia? Roana moai ahambo fifir+huri,” mehomo.

30 Asu nindou ranai ahamumbo simbor+i hoafi-yupurühi yahuya, “Ndanana wambo ran+poan+ambo moatükun-ane! Aiyu wandi himboari aboedi+mareanda asu ro aboedi himboarayahi. Nga n+amboemo se hoafi-yomondühiya, ai nahan+n+poediyu ro moai fifir+huri ehomoa?

31 Ro fifir+humboanefi, nga God ana moai moaruwai hohan+moyomo-rundeimb+yomondi

hoafi ana himboriyu randi, nga wani. Nga nindou ranai Godimbo hohoanimo yuhü asu ahandi hoafi süngumareandi ranahandi hoaf-ane God ai himboriyu arandi.

<sup>32</sup> Moai horombo nindou mamai hondi ai himboatihari wakirimindoani asu nindou ngorü ai ahandi himboari aboedi-mariri hoafi ra yangoro, nga wani.

<sup>33</sup> Asu God ai nindou nda koehefikoate-mbeimbonana, asu ngiri rarani-moatükuni hifi ndanihu ratüpuriyu,” mehu.

<sup>34</sup> Asu simbori ahambo hoafiyomondowohü yahomoya, “Horombo me ai sihambo moaruwai hohoanimo ranambo wakimaramindinini asu se himboatiharimayafi ranimboanefi ro fifirarihunini. Se nindou moaruwai hohoanimo-yafeimb-anafi. Asu se yihoeombo yamundifemunimbo safomboyafi?” Ai ahambo yaru hoafiyomondowohüyomo rotu worambeahindi hihaifoarüwuri weindani hiningimarüwuri.

*Nindou anihondümbofe-koate-ayei ai himboatihari nahurai-anei*

<sup>35</sup> Sisas ai ranimbo himboriyu haya, kokorüri hu hoerirühi yahuya, “Se Nindou Hondü rana-hambo anihondümboroworai waniyo?” mehundowamboyu.

<sup>36</sup> Asu nindou ranai simbori hoafiyundowohü yahuya, “Adükari, Nindou Hondü ra düdia? Se wambo hoafiyafi-ndiran-animbo ro ahambo anihondümborandihini.”

37 Asu Sisas ai hoafi+yundühi yahuya, “Se ahambo hoeimar+worî. Aiani se-dîbo watapora-yu nda,” mehuamboyu.

38 Asu nindou ranai hoafi+yuhî yahuya, “Adükari, ro an+hondümbö-ar+heanîni.” Ai yahu mbura Sisas+mbö yim+ndîho yimbu pusîre nîmarümbö hohoanîmomayundo.

39 Asu Sisas ai yahuya, “Ro nindouyei hohoanîmo yîbobofemboyahî hîfî ndanîhü makosahî. Ranîmboane asu nindou Godîndî hoafi fîfîrî+fekoate-yeimbî ai nindou himboatîharî aboedehindî nahurai fîfîrî+ndîhimboyei asu Godîndî hoafi fîfîrî+hundeimb-ane fî aseî ai himboatîharî nahurai fîfîrî+fekoate-ndeimboyei,” mehu.

40 Farisi bîdîfîrî ai ahandî fikîmî nîngomombö ahandî hoafi ra himborî+yomo houmbö yahomoya, “Asu ro-amboa himboatîharî+yefî?” mehomondamboyu.

41 Asu Sisas ai hoafi+yupurühi yahuya, “Asu se himboatîharî+mbemo-mbonana, hohoanîmo moaruwai ra moai sîhamundî fiambe nîmaropurî. Nga se hoafi+yomondühi, ‘Yîhoefî himboarana aboed-ane,’ yahomo arundî, ranîmboane asu hohoanîmo moaruwai ra awi sîhamundî fiambe amaropurî,” mehu.

## 10

### *Sisas ai sipsip hîfanda-randeimb-ani*

1 Sisas ai hoafi+yuhî yahuya, “Ro an+hondümböanahî sîhamumbo hoafayahî, nindou ai moai sipsipi-yafe ginîrî yipurî nafî kefuai randî, nga amurî himborî nafî kefuai

arandi, nindou ranai ana hümbuhün+kor+ napo fufuramündü-randeimb-ani.

<sup>2</sup> Asu nindou yipur+ naf+tambe naf+ karefuendi ranai ana sipsip ahei afind-ani.

<sup>3</sup> Nindou yipur+ hifanda-randeimb+ ai-animbo nindou ahu ranahambo yipur+ ra tind+hembui. Rananei asu sipsip ai ahand+ yafambe ra h+mbor+yei ar+hünd+. Ranani asu ai ahei ndür+ ra dükarearü y+s+boas+yuh+ asu ai aheimbo gin+rambeah+nd+ semündündür+ moanambüh+ tüküfi ahu.

<sup>4</sup> Asu ai ahand+ sipsip ra muŋgu gin+rambeah+nd+ semündündür+ moanambüh+ tüküfi hayambo asu ai horombofi huan+ ahand+ süngu ahei. Sapo sipsip ranai ahand+ yafambe h+mbor+yeih+ ran+imboane ahand+ süngu ahei.

<sup>5</sup> Aiana ŋg+r+ nindou amur+nd+ süngu ŋgei, ŋga wan+. Nindou amur+ ai huan+ ana, ai ahambo y+h+mbor+horüh+ fefoehindühanei. Ahand+ yafambe h+mbor+koate-aye+ ran+imbo wambo.”

<sup>6</sup> Sisas ai aheimbo kafoefe hoafi ra yare hoafi+mayundür+, ŋga asu moai kafoefe hoafi ranahand+ n+m+nd+ ra fif+r+hind+.

### *Sisas ai sipsip hifand+randeimb+ aboed-ani*

<sup>7</sup> Ran+yu Sisas ai asükaiyu hoafi+yuh+ yahuya, “Ro s+hamumbo an+hondümboanah+ hoafayah+. Roanah+ sipsip+yafe yipurayah+.

<sup>8</sup> Asu nindou ai ro sünguyahan+ horomboyahi ahei aiana hümbuhün+yeih+ raran+ napo moan+ fufurühümüdi r+hündühanei. Asu sipsip ai-amboan+ moai ahei hoafi h+mbor+yei r+hünd+.

9 Ro-anahî yipurayahî. Asu nindou dîdiyei wambo sowanambo sinei ginîrî ranambe karefoehindî ana, God ai aheimbo aboedampondeandürümbui. Rananîmbo asu ai keboehi tükündahi ndühündühî asu ai ginîrî ranambe sesîmbo amboanî keboehi tükündahimboyei.

10 Nindou hümbuhünîyu-randeimbî ginîrî ranambe karefuendî ra moanîyupoanî karefuendî. Nindou karefuendî ra ai kefoefe hefe hîfo sipsip hümbuhünîmbo hîfokoefindürümbu yahumboani. Nga roana keboeheadühî sipsip aboedî yangîrî dîboadeimbî asu ahei fiambe aboedî hohoanîmo yangîrî nîngombo afîndî mbîmarîndüra samboanahî asîhühî.

11 Roana sipsip hîfandîrî-handeimbî nindou aboedî saf-anahî. Nindou sipsip hîfandîra-randeimbî aboedî ranai ana aheimbo farîhefendürîmbohünda yîfîndümbui.

12 Nindou kakî semîndîmbo ratüpurîyu arandî aiana sipsipîyei afîndîyupoanî. Asu ai sipsip aheimbo hîfandîrarü-randeimbîyupoanî. Asu aiana nîmambeahîndî yaforî moaruwai howanî hoeimareandî ra fiboembui. Rananîmbo asu yaforî ranai sipsip ranaheimbo warîbadarü wakîndeandüra buküründeimboyei.

13 Nindou ranai ana moanî kakî semîndîmbo yangîrî hohoanîmoyuhü wambo ngîrî sipsip ranaheimbo hîfandîyondürîmbo hohoanîmondu.

14 Nga roana sipsipîyei hîfandî-hîfandîyondürîrambo nindou aboedî saf-anahî. Ro ana wandî sipsip ranaheimbo fîfîrîheandüranî asu ai-amboanî wambo fîfîrîhindîrîmboanei.

15 Hoafi ra yahurai-ane, ro wandi Apembo fifiri+hinani asu Ape ai wambo fifirareandiri nou. Rananimbo asu ro sipsipimbo farihendurimbohünda yifindamboyah.

16 Asu wandi sipsip bidifiri mbaniboadei ranana ndani ginirambeahi moai niboadei. Aheimbo amboani giniri ndanambe semündündürü koafoefendürimbo samboanahi. Rananimbo asu ai ro hoafiyaheimbi wandi yafambehüندی ra himboringimboyeyi. Rananimbo sipsip ranai mamambe niboadeiya asu nindou aheimbo hifandiyondürimbo ra mam yangiri nüngumbui.

17 Ro yifiyoye hefe asukai botifemboayah ranimboane Ape ai wambo ngusüfo parareandiri.

18 Ngiri wambo nindou mamai-amboani hifokoefendirimbo hohoanimöndu. Nga ro hohoanimomayah süngu wandi yangiri ningo ra hifokoefe-ndirimbohünda hiningindiheamboyah. Asükainda ro hohoanimomayah süngu wandi yangiri ningo ra hihindihe ndahamindimboyah wandi Ape ai randafoandi mehu süngu,” mehu.

19 Suda ai rani hoafi ra himboringimbo asukai yimbömböru yibobomefund.

20 Ranyimo asu bidifiri ai yahomoya, “Moaruwai nendi ahandi fiambe mamaroamboani ai yare wunünümbo-wunünümboayu. Asu se nimboemo ahandi hoafi ra himboringimbo?” mehomo.

21 Asu bidifiri ai yahomoya, “Hoafi ndanana nindou moaruwai nendi nimarümbindi

hoafiyo poani. Asu moaruwai nendi ranai ngiri nindou himboatiharindeiani ahei himboari ra aboedindeandi,” mehomomo.

*Suda ai moai Sisasindi hoafi himboriyomo*

<sup>22</sup> Serusarem ngoafihü horombo Godindi wori ahandhoar-ane masei ranahambo asukai hihifi-hihifimbo si tüküme feyo. Rani si ra ngisihariyowambeyo tüküfe marandi.

<sup>23</sup> Raniyu asu Sisas ai Godindi worambe Soromonindi weindani yibadiwami mahüfu.

<sup>24</sup> Raniyomo asu Suda ai sifomo ahambo wakirurü ni ngomombo yahomoya, “Ro yimbu hohoani moayefi hefi ra asu nüngüsümboani se hoafimandafimuna? Asu se Krais-ayafana yihoefombo weindahi hoafiyafan-animbo ro himborindefosi,” mehomondamboyu.

<sup>25</sup> Asu Sisas ai ahamumbo hoafiyupurühi yahuya, “Ro sishamumbo hoafi ra hoafimayahapuriyosi, nga asu se moai wandi hoafi ranahambo anihondumbo-rundi. Mungu hepünifeimbi moatükuni wandi Apendi nginindinambo ratüpurayahi ranai ro didimbayahi ra nafuiyoarandi.

<sup>26</sup> Nga asu seana wandi sipsip rani diborihindi-yomopoani. Ranimboanemo asu se wandi hoafi anihondümbofe-koate-yomo arundi.

<sup>27</sup> Asu wandi sipsip ranana ro hoafiyaheimbi ra himboriyeihü asu ro aheimbo fifirihandürananei asu ai wandi süngu hei arihündü.

<sup>28</sup> Asu ro aheimbo yangiri koadürümbo-koadürümbo ni ngombo asahandüri ra ai ngiri



yifindei. Asu ngiri nindou mamai-amboani wandi warambeahindi hündamündündüri.

<sup>29</sup> Wandi Ape ai sipsip wandi ra wambo masendür-anei. Asu ai munḡambo moatükuni ranahei nginindi ngasünde haya nginindi safani. Asu ngiri nindou mamai-amboani Apendi warambeahindi hündamündündüri.

<sup>30</sup> Ape-ani asu roanahi roana mamanehi," mehu.

<sup>31</sup> Raniyomo asu Suda ai nimoiei hümaründümo Sisasimbo pifendombo yahomombo.

<sup>32</sup> Raniyu asu Sisas ai yahuya, "Ro sihamumbo Apendi ratüpuri afindi nafuimehapuri. Asu se nini ratüpuri aboedi ranahambo hohoanimo-yomondühiyomo wambo nimoeinambo hifokoefendirimbo yahomo houmbo rawefunda?" mehuamboemo.

<sup>33</sup> Asu simbori Suda ai ahambo hoafiyomondowohü yahomoya, "Roana sihafı ratüpuri aboedi ramarowandi ranimboyefipoani nimoeinambo hifokoefeninimbo asefi, nga wani. Se moani nindou yangir-anafi asu Godimbo moaruwaimbofe hoafirirühi, 'Roana God-anahi' masafi ranimboanefi," mehomondamboyu.

<sup>34</sup> Asükaiyu Sisas ai ahamumbo simbori hoafiyupurühi yahuya, "Hoafi nda sihamundi ahinümbi hohoanimo Bukambe ndare meḡoro: God ai yahuya, 'Ro siheimbo hoafimayahi, seana god-anei,' meho.

<sup>35</sup> Nindou God ai ahandi hoafi masagadüri ranaheimboyo ai god-anei mehondüri. Asu ngiri Baiborambeahindi hoafi ranana ḡorüsüngunde hoafindo.

<sup>36</sup> Nga Ape aiyu ahandihoari wambo kafoare-andiri mbura, asu hifina koamarihendira makosahi. Ranimboyahi ro hoafiyahühi, 'Roana Godindi nimor-anahi,' masahi asu nimboe se wambo hoafiyomo-ndirühiya, 'Nimboe se Godimbo gogonimbo-rihaworühi hoafayafi,' mehomoa?

<sup>37</sup> Asu ro Apendi ratüpurü ratüpurükoate-ndahani ana, asu se wandi hoafi ra yowani anihondumbo-ndumboemo.

<sup>38</sup> Nga asu ro ahandi ratüpurü ratüpurüyahani se wandi hoafi ranahambo anihondumbofembo moeimbo ana, asu ratüpurü rani yangiri anihondumbo-ndundi. Rananimbo asu se hohoanimo ra ndondu hohoanimo-ndimondühi fifindumboemo Ape ai ro-dibo mam-anehi amarehi," mehu.

<sup>39</sup> Asükaiyomo Suda ai hoafi ra himboriyomo houmbo ahambo kikhimündumbo yahomo houmbo ramefundü, nga asu Sisas ai aboedambo mahu.

<sup>40</sup> Sisas ai asükaiyu hihirifi hanü Sodan himo horombo Son hundürüRARÜ randühi manüngu.

<sup>41</sup> Ai nünquane, nindou ranai ahambo sowana sühüsihü seiya, "Horombo Son ai moai hepünifeimbi moatükunü ratüpurüyu. Nga mungu rarani-moatükunü hoafi nindou ndanahambo hoafimayu ranana anihond-ane," masei.

<sup>42</sup> Raniyei asu nindou afindi ranihü ranai ahambo anihondumbo-marihori.

## 11

*Sisas ai Rasarus yifihündi botimariri*

<sup>1</sup> Nindou mamî ahandî ndürî Rasarus Betani ngoafîhündî ranai anğünimbo mamaru. Betani ra Maria asu Mata apodoho nîmari-feimbi ngoaf-ane.

<sup>2</sup> Maria aiyo werî fişînarümbî Sisasîndî tînarîwamî kafoare mbura, asu ahandî mbîrînanînambo gedümarîhendî. Nîmorehî mamî ranahandî ranîhîyu Rasarus anğünimbo Betani ngoafîhü meŋuru.

<sup>3</sup> Ranîyafe asu apodoho ranai Sisasîmbo hoafîmbo nindou koarîhenerühî safeya, “Adükarî, nindou se ŋgusüfo pamarîworî ranai anğünümboani,” masafeamboyu.

<sup>4</sup> Ranîyu asu Sisas ai ahafe hoafî ra hîmborîyu haya hoafîyuhî yahuya, “Anğünî ranana yîfîmbo anğünüyopoanî, ŋga wanî. Ranana moanî Godîmbo ndürî adükarî segodîmbo-hündamboane tükefeyo asu ranî-süŋgumboanîmbo Godîndî Nîmorî amboanî ndürî adükarî ndemündümbui,” mehu.

<sup>5</sup> Sisas ai Mata apondoho asu Rasarus aheimbo ŋgusüfo pareandürî marandî.

<sup>6</sup> Ŋga asu Sisas ai Rasarus anğünümboayü hoafî ra hîmborîyu haya, ranîhü yimbu si mamaru.

<sup>7</sup> Asükaiyu süŋguna nîmarümbo ahambo süŋgururü-rundeimbîmbo yahuya, “Asükai mborai, Suda-yafe hîfînambo ŋgefombo,” mehuamboemo.

<sup>8</sup> Asu sîmborî hoafîyomondowohü yahomoya, “Yamundo-randeimbî, sapo hapondanîyomo Suda ai sîhambo nîmoeinambo hîfîkoefenînimbo yahomo houmbo rarao-marünînişî. Asu se asükai Suda-yafe hîfînambo

hi fombo safomboyafi?" mehomondamboyu.

<sup>9</sup> Asu simbori Sisas ai ahamumbo hoafiyupurühi yahuya, "Mami si ra gebuai-ane aningo. Nindou ai sirühi ana ngiri pindu si ra hoeireambowambo.

<sup>10</sup> Nga asu nindou ai nimbokoani ahu ana, piyu arandi si yangorikoate wambo."

<sup>11</sup> Ahamumbo yare hoafiyupuri mbura asukaiyu hoafiyupurühi yahuya, "Sihafi wandafi Rasarus ai mapuamboanahi awi ro ngu ahambo botindihini samboanahi," mehuamboemo.

<sup>12</sup> Asu ahambo sungururü-rundeimbi ai hoafiyomondühi yahomoya, "Adükari, nindou ra apo yangiri apu ana, asukai ahandi angünü ra aboedindümbui," mehomondamboyu.

<sup>13</sup> Sisas ai hoafimayupuri ra, Rasarus ana yifimayu yahumboyu, nga ahambo sungururü-rundeimbi ana moani apo hondü mapu-amboani yare hoafayu mehomo.

<sup>14</sup> Raniyu asu Sisas ai ahamumbo di boadire hoafiyupurühi yahuya, "Rasarus ana munguna yifimayu.

<sup>15</sup> Rani-simboani ro moai ai-di bo nimarhi, nga ro ranimbo-hündambo hihifi-hihifayahi. Rani-imbo asu se wambo anihondümbondundiri. Nga hapondani shiri ahambo sowana ngefimboane," mehupuri.

<sup>16</sup> Raniyu asu Tomas ahambo Didimas sahündo-rihündeimbi ai Sisasimbo sungururü-rundeimbi ahamumbo yahuya, "Wai shiri andai ngifi, Sisas-babidimbo Sudiahü yifindefo," mehu.

*Sisas ai yangiri ni ngombo ni minduhani*

17 Sisas ai ahambo süngururü-rundeimbi babidimbo hifomo Betanihi tüküyafundühiyomo Rasarus ai yifimayua honguambe masihehorira yimbuyimbu si homboane hoafi ra himborimayu.

18 Betani ngoafi ana Serusaremihündi anguniyopoani. Betani ngoafihündi botife hefe Serusarem ngoafina aho ra ngim kiromita-ane.

19 Rasarus yifimayua raniei asu Sudahündi afindi ranai Mata Mariambo kikimifoefepiri nimarواني ngusufu aboedi küri ne mbimarifeya sei hehimbo masühüsi.

20 Mata ai Sisas masüfu hoafi ra himboriyo haya, ahambo nafaarimbo ho, nga asu Maria ai worambeahi nimarou.

21 Mata ai Sisasimbo hoafiyondowohü yahoya, “Adükari, asu se ndanihü mbanimbafi-mbonana, wandi ranihi ai ngiri yifyu.

22 Nga ro fifirtheamboanahi, asu se hapondani amboani Godimbo ninimbo didibafefoando ana, sihambo daganinimbui,” mehoamboyo.

23 Asu Sisas ai ahambo hoafiyundowohü yahoya, “Sihafi ranihi ana yangiri aboedi hifambe-ambeahindi botindufimbui,” mehundowamboyo.

24 Asu Mata ai ahambo asükaiyo hoafiyowohü yahoya, “Ro ranimbo fifirtheamboanahi, nga ai asükaindu süngunambo hifi nda muḡuyowambe yangiri aboedi botindifimbui,” mehoamboyo.

25 Asu Sisas ai yahoya, “Yifihündi yangiri botife ningo ra ro nimind-anahi. Nindou ai wambo anihondumbo-reandiri haya yifayu ana, ai asükaindu yifihündi botindüfi nungumbui.

26 Nga nindou munḡu yangiri nimbœimbo wambo anihondũmbo-arihindirĩ ana, ḡgiri yifindei, ḡga ai koadũrũmbo-koadũrũmbo yangiri nīboadeimboyei. Asu se hoafi ndanahambo anihondũmbo-rowandai waniyo?" mehuamboyo.

27 Asu Mata ai yahoya, "Yini, Adũkarĩ, ro sihambo anihondũmbo-rĩheaninimboanahi seana God kafaore hinĩḡm̄mareaninī Kraisanafi. Seana Godindī nĩmorĩ horombo hifinambo nindou kudũmbui mehu ran-anafi," meho.

### *Sisas ai aranĩmayu*

28 Mata ai yare hoafiyo haya, ahandi akidambo hifo hinĩḡgĩrou himboambeambe hoafiyondowohũ yahoya, "Yamunde-randeimbī ana ndanĩhũ sũfumboani sihambo dũdumefininī," mehoamboyo.

29 Asu Maria ai ranī hoafi ra himboriyo haya, nimehũnou botife haya Sisasimbo sowana maħo.

30 Sisas ai awi moai ḡgoafīhũ tũkũfiyu, ḡga nafinī Mata ho hoeirerũhī ranĩhũ manũḡu.

31 Raniyo Maria ai nĩmai botife haya pipinambo mahowamboyei asu Suda Maria-babīdimbo worambe ahafembo kikīmĩfoarīhipirī mamarei ranai ahandi sũḡgu mahei ndanana Rasarus yangurũhī ho aranī hoafimboane aħo sei hehi.

32 Maria ai ho Sisas nũḡguhũ tũkũfe ahambo hoeirerũhiyo ahandi fikimī yirī yimbu pusire yimĩndīho yimbunambo nĩmarimbo hoafiyowohũ yahoya, "Adũkarĩ, se ndanĩhũ

mbanimbafi-mbonana, wandi ranihi ai ngiri yifiyu,” mehoamboyu.

<sup>33</sup> Sisas ai Mariambo hoeireandane arani-hoafimaranda, asu Suda ahandi sungu masinei ranai kameihi arani-hoafimarihündamboyu. Asu Sisas ai ahandi ngusüfoambe moaruwaimariri.

<sup>34</sup> Asu Sisas ai aheimbo düdufindürühi yahuya, “Se ahambo nahü sihehora?” mehuamboyei. Asu ai seiya, “Adükari, naha se sühüfi hoeiro,” maseiamboyu.

<sup>35</sup> Asu Sisas ai aranimayundo.

<sup>36</sup> Asu Suda ai hoafiyehi seiya, “Hoeirühi. Sisas ana nindou ranahambo afindi hamindi ngusüfo parirühi wamboani,” masei.

<sup>37</sup> Nga bidifiri ai hoafiyehi seiya, “Sisas ai nindou himboatihari aboedimariri. Nga asu ai nimboe Rasarusimbo fehefiyua yangiri ningombo ra wanimayua?” masei.

### *Sisas ai Rasarus botimariri*

<sup>38</sup> Asükaiyu Sisas ai ahandi ngusüfoambe moaruwai mahafowamboyu hu honguambe tükumefiyu. Hongu ra nimoei nimaroweimbi wowondimarihündiyo raniyo nimoeiambe nafitambe ra nimoei ngorünambo gürühi pamarihindi.

<sup>39</sup> Asu Sisas ai yahuya, “Nimoei ambembo gürühi pamarihindi ra farihehi,” mehuamboyu. Asu Mata nindou yifimayu ranahandi reh ai yahoya, “Adükari, Rasarus ana yimbuyimbu si honguambe yangurimb-ani. Nga fisijirümbei nawe,” mehoamboyu.

40 Asu Sisas ai yahuya, “Sapo hapoasungu hoafiya-hanineimb-ane. Asu se wambo anihondumbo-arowandiri ana, se Godindi nginindi ra hoeindowamboyafi,” mehuamboyei.

41 Raniyei asu ai nimo ei ra mafarihendamboyu, Sisas ai nimoamo himboariyuhü yahuya, “Ape, ro sihambo hihifarihanini. Se wandi hoafi himboriyafomboanafi.

42 Ro fifirihendi ro hoafiya arihandi ra se afindimbo himboriyafi randühanafi. Nga nindou ndanihü maniboadei-amboanahi ro ndarihe hoafayahi. Rananimbo se wambo koamarihawandira makosahi ra anihondumbo-mbirihindi-ramboane.”

43 Raweyahu haya puküna mingingiyuhü yahuya, “Rasarus, se weindana tüküyafosi nifi,” mehuamboyu.

44 Raniyu asu Rasarus ai honguambeahindi tüküfi haya masünu. Ahandi yitinari watinari ra hoeari goesürinambo hüputüpurühümündi hiningimarihindiyo, asu ahandi ngusumboari hoearinambo gabudi-mafoarihindiyo rani-kameih tüküme fiyu. Raniyu asu Sisas ai hoafi yuhü yahuya, “Hoeari ra fufurihendoananimbo ai mbühu,” mehundüri.

*Suda-yafe bogori ai Sisasimbo hifokoeffimbo hohoanimomemo*

*(Matyu 26:1-5; Mak 14:1-2; Ruk 22:1-2)*

45 Raniyei asu Suda bidiriri ranihü Mariambo hoeifembo masühüsi ranai rani-moatükuni Sisas ai ramareandi ranimbo hoerihhi hehi asu ahambo anihondumbo-marihori.



46 Nga asu bidifiri ai Farisi sowana hei, Sisas ratüpurimayu ranahambo ahamumbo hoafimehüpurî.

47 Raniyomo asu nindou Godimbo sihou-rundeimbi bogori ai Farisi bidifiri-babidimbo kansirimbo gugurüpurî houmbo hoafiyomopurühi yahomoya, “Sihiri nda nüngumandahua? Nindou ndanani ai hepünifeimbi moatükunî afindî ratüpurîyu arandî.

48 Sihiri ahambo moanî rarîhurî hinîngîrîhuranî ai hepünifeimbi moatükunî ratüpurîyu randanî nindou afindî ai ahambo anihondumbo-arîhori ana, Rom bogori sihefimbo hifandarîmunî ai difomo sihefimbo moaruwaimbo-ndîmunühi asu sihefi Godindî worî ra birîboadumboemo,” mehomo.

49 Ranîyo asu ranî himbanîfihî nindou mamî ahandî ndürî Kaiafas ai Godimbo sihai-randeimbi adükarî bogorîmbofi manüngu. Ai hoafiyupurühi yahuya, “Seana moai raranî-moatükunî fifîrundî!

50 Se ndoru fifîrundai? Nindou mamî ai nindou amurî aheimbohünda yîfayu ranana aboed-ane, nga Suda sihefimbo munnguambo moaruwaimbofofe ana, moaruwai-ane,” mehu.

51 Kaiafas ai yare hoafîmayu ra ahandî hohoanîmonambo yangîriyupoanî. Nga ranî himbanîfihî Godimbo sihai-randeimbi adükarî bogorîmbofi nîmarümbowambo Sisas ai aheimbohünda yîfimboayu ranîmbo horombo hoafîreandühiyu.

52 Ai Sudambo farîhefembo yangîriyupoanî yîfayu ra, nga Godindî nîmorî mungua hîfîhü

burıyei wakarıhındı aheimbo semündündürı  
 mamambefendüranı mamısrımboyahi  
 mbınıboadeia mbüsı hayambo-anımbı  
 yıfındümbui.

<sup>53</sup> Asu ranıyomo ranı-sımboanı piyomo  
 houmbo, Suda-yomondı bogorı ai Sisasımbo  
 hıfokoefımbo yahomo houmbo hoafı  
 fıfırımarundı.

<sup>54</sup> Ranımboyu asu Sisas ai moai Suda-yomondı  
 hımboahü weindahı tüküfiyu. Ranıyu ai Sudia  
 hıfı ra hınıngıre haya, ıgorü hıfı nımı wohı  
 furıkoate-reandühi ıgoafı ıgorü ahandı ndürı  
 Efraim ranıhü hu ahambo süngururü-rundeımbı  
 babıdımbı manüıgu.

<sup>55</sup> God ai Sudambo Isipıhündı  
 aboedımareandürı si Pasofa ra awı tüküfekoate  
 akımı tüküfembo yangrııyoambe nındou ıgorü  
 ıgoafıhündı ıgorü ıgoafıhündı ranai Serusarem  
 ıgoafınambo ahei fı Godındı hımboahü aboedı  
 tüküfembohünda mafandıhındı.

<sup>56</sup> Ranıyei asu ai Sisasımbo kokorıhorı  
 wakırıhora mayoa Godındı worambe  
 nımboeimbo aheihoarı wataporıyeihı seiya,  
 “Se nüıgurühi hohoanımoayeia? Sisas ai  
 adükarı si tükefeyo nda hoiefembo madüfuyo  
 wanımandüyo?” masei.

<sup>57</sup> Nındou Godımbı sıhou-rundeımbı bogorı  
 ai Farisi-babıdımbı yaru hoafımemo: ‘Nin-  
 dou mamı ai Sisasımbo hoeiriranı anüııgu ana,  
 asu ahamumbo ranıh-anı anüııgu yahopuran-  
 anımbı ahambo papi-hoafıyumbıhünda kıkıhı-  
 mbırundümo-ndamboane,’ mehomo.

# 12

*Maria ai Sisasindî tîjarîwamî werî kamafoare-andî*

*(Matyu 26:6-13; Mak 14:3-9)*

<sup>1</sup> Adükari si ra tüküfembo awi 6 si niñgowane, asu Sisas ai Betani ngoafînambo mahu. Ngoafî ra Rasarusindî ngoaf-ane. Rasarus ranahamborürî Sisas ai honguambeahindî yîfîhündî botîmarirî.

<sup>2</sup> Rani ngoafîhündî ai Sisasimbo sindîrühündühi mamarei. Mata ai sesi kakîreandî, nga Rasarus ai nindou Sisababîdimbo nîmarei masahüsi ra-babîdimbo nîmaru.

<sup>3</sup> Maria ai werî fîsîjarümbî hipîrî mbuisamonngo-ramîndeimbi kaki afîndîfihî sahümündimbi ra semîndî haya Sisasindî tîjarîwamî kare mbura, asu ahandî mbîrînanjînambo gedümarîhendî. Ranîyo asu werî ranahandî fîsîjarü aboedî ranai worambe kikîhimayo.

<sup>4</sup> Nga asu nindou mamî ahambo süngurürî-randeimbi ahandî ndürî Sudas Iskariot ai-amboani ranîhü nîmaru. Nindou ranai-anîmbo Sisasimbo nderümündü ahandî hürütümbî ahamundî warîwamîndîrûmbui. Ai moai Maria ramareandî ranahambo hîhîfi-hîhîfîyu.

<sup>5</sup> Nindou ranai hoafîyuhî yahuya, “Nîmboe werî aboedî nda nindou ai sahümündîhi asu ranîfihî 300 kaki semîndî mburîmbo nindou napokoateimbi aheimbo segudürîmbomayoa?” mehu.

<sup>6</sup> Nga nindou napo-koateimbi aheimbo hohoanîmoyundürî haya hoafîyumboyupoanî, nga wani. Nindou ranai hûmbuhünîyurandeimb-ani ranîmboane asu ai yare

hoafimayu. Aiyu kaki hipiri ahamundi ra hifandimarandi raniyu asu ai kaki foarhi marihundi ra bidifiri humbuhuniyu marandi.

<sup>7</sup> Ranimboyu asu Sisas ai yahuya, “Nimorehi ranahambo se hiningindihindi. Ai wandi yifi si ranahambo horombonambo noure rarenduhane fisigarumbi moatukuni aboedi ra afandifoareandiri.

<sup>8</sup> Nindou napo-koateimbi ai-animbo se-babidimbo koadurumbo-koadurumbo nimboeimboyei asu se aheimbo fandihendi, nga roana ngiri se-babidimbo koadurumbo-koadurumbo nimboahi,” mehu.

<sup>9</sup> Suda ai Sisas Betani ngoafihu aningu hoafi hamboriyei hehimboyei, raninambo mahusi. Ai mahusi ra Sisasimbo hoeifimbo yangriyeipoani, nga Sisas Rasarusimbo yifihundi honguambeahindi botimariri ranimbo hoeifimbo kameihiyeyi mahusi.

<sup>10</sup> Raniyu asu Godimbo shou-rundeimbi bogori ranai Rasarusimbo kameihi hifokoeffimbo yahomo houmbo hoafi didiboado-marundi.

<sup>11</sup> Nimboe sapo Suda bidifiri ai Sisas Rasarus yifihundi botimariri ranahambo hohoanimoyeiyi asu ahei bogori-yomondi ratupuri ra hiningirihy hehimbo Sisasimbo yangri anihondumbo-marihora ranimbo wambo.

*Sisas ai Serusarem ngoafihu adukari bogori nahurai tukimefiyuwa mungu ai hihifi-hihifimayeyi (Matyu 21:1-11; Mak 11:1-11; Ruk 19:28-40)*

<sup>12</sup> Nimohoafirehi nindoweniyi afindi ranai adukari si ra hoefembo masuhusi ranai ranihu

nĩmareiane. Asu ŋgorü sihi Sisas ai Serusarem ŋgoafĩnambo asũfu hoafĩ ra hĩmborĩmayei.

<sup>13</sup> Raniyei asu ai mbe emũndĩ nahurai hutei sahũmũndi hehi, nafĩna nafaorĩhorĩ hehũ hoafĩ afĩndĩ-afĩndĩyeihĩyeihĩ seiya,

“Godĩmbo hĩhĩfĩ-hĩhĩfĩndefo!

Nĩdou Adũkarĩndĩ sũŋgu tũkefiyu ranahambo ‘aboed-ani’ mbĩsefomboane.

Israeri-yafe adũkarĩ bogorĩmbo aboed-ani mbĩsefomboane,” *Buk Song 118:25-26*

masei.

<sup>14</sup> Sisas ai doŋgi semũndũ haya ranĩwamĩ masũfu Baiborambe hoafĩmayo sũŋgu.

<sup>15</sup> Ai yare hoafiyowohũ yahoya,

“Saion ŋgoafĩ, se yĩhĩmbondamboyafĩ!

Sĩhafĩ Adũkarĩ bogorĩ asũfu ra hoeirĩworĩ.

Aiana doŋgi nĩmorĩ ranĩ wamani nĩmarũmbo asũfu,” *Sekaraia 9:9*

meho.

<sup>16</sup> Horombo ana ahambo sũŋgururũ-rundeimbĩ ai ranani moatũkunĩ moai wudĩpoaporu fĩfĩrũndĩ. Ŋga sũŋguna Sisas ai sũnambe hafuane, rasĩmboani ai hohoanĩmomemo Baibor ahambo hoafĩmayo ra. Raniyomo asu nĩdou ai Sisasĩmbo raraorĩhorĩ marĩhũndĩ ranahambo fĩfĩrĩmarũndĩ.

<sup>17</sup> Horombo Rasarus ai yĩfiyu haya hoŋguambeahi yaŋguruane, asu Sisas ai ahambo mĩŋgĩmayua hoŋguambeahĩndĩ tũkũmefiyu ra nĩdou afĩndĩ ranai ai-dĩbo nĩboadeimbo hoeimarĩhorĩ. Asu nĩdou afĩndĩ ranai Rasarusĩmbo hoŋguambeahĩndĩ botĩmarirĩ hoafĩ ra sahũmũndi hehimbo, weindahĩ wataporĩyei wakĩmarĩhĩndĩ.

18 Nindou afindi ranai Sisas hepuni+feimbi moatukuni ramareandi hoafi ra himboriyei hehi nafini nifoamarihori hei.

19 Raniyomo asu Farisi ai ahamundihoari wataporiyomondühi yahomoya, “Haponda shiri ra hoerihumboanefti. Nimorehi nindowenihimungu ahandi hoafi süngurihindühi wambo ngiri nine hohoanimo shiri hohoanimomefti ra aboedindo,” mehomo.

*Grik ai Sisasimbo kokomaruri*

20 Nimorehi nindowenihai ai Pasofa adükari si ra Serusaremnambo Godimbo hohoanimombo masühüsi. Asu raniyei Grik bidifiri Sudayafe rotu hohoanimo süngurihindeimbi ai Suda babidimbo masühüsi.

21 Nindou Griki-mayei ranai Firip Betsaidahündi Gariri hifambeahindi ahambo sowahi sinei düduyahindowohü seiya, “Ritifo, ro Sisasimbo hoeindihuri sefimboanefti,” maseiamboyu.

22 Asu Firip ai hu Andrumbo hoafiyundo haya, hafani Sisasimbo hoafimefinando.

23 Raniyu asu Sisas ai ahafanimbo hoafiyupirühi yahuya, “Ndeara ndani simboani ana Nindou Hondü ai ndüri adükari ndemündümbui.

24 Ro shahafanimbo anihondümboanahi hoafayahapiri: Wit mangiri ra hifini pirikoateyo haya nimbayo ana, asu mamani rani yangiranimbo ningomoe. Nga asu wit mangiri ra hifini peyo haya nimbayo ana, asu aboedi tükündifehü hisi aboedi hisindimboe.

25 Asu nindou ai ahandi fi ranahambo yangiri afindi hohoanimoayu ana, awandihoemboe.

Nga asu nindou ranai hifi ndanihü ahandi yangiri niŋgo hohoanimo ra daboadanambo-areandi ana, koadürümbo-koadürümbo nüngumbui.

<sup>26</sup> Nindou mamî ai wandi ratüpurî asemündu ana, asu ai moanî wandi hohoanimo süngu yangiri süngumbi-randamboane. Ro ŋgoafi animboahi ranîh-animbo nindou wandi ratüpurîyu-randeimbi ai ro-diibo nüngumbui. Nindou ra wandi ratüpurî ranî yangiri semündü anüngu ana, asu wandi Ape ai ahambo ndürî adükari dagadombui,” mehu.

*Sisas ai yifimbomayu ranahambo hoafimayu*

<sup>27</sup> Sisas ai yahuya, “Haponda wandi ŋgusüfoambe moaruwai-arandiri. Asu ro nüngumambisaha? Asu ro hoafindahühi, ‘Ape wandi fiambe nini-moatükuniyo tüküfembo yahohaya rarawayo nda sowandifi piro,’ mambisahiyoy? Roana ŋgiri randihe hoafindahî, ŋga wanî. Nga ro wambo rambifeyowambo saheheamboanahî ndanihü tükeheandi.

<sup>28</sup> O Ape, sîhafî ndürî ra adükari-mbeyowamboane.” Sisas ai yare hoafimayuwamboyo asu hoafi mamî sünambeahîndî ndahurai kosîwohü yahoya, “Ro wandi ndürî ra adükari-mbo-rîheamboanahî, ŋga wandi ndürî ra randîheandani asükai adükari safî tükündîfemboe,” meho.

<sup>29</sup> Nîmorehî nindowenihi akimî manîboadei ranai hoafi ra hîmborîyei hehi hoafiyeihî seiya, “Nîmoamondîhoafi bürügoayo,” masei. Asu bidîfirî ai seiya, “Sünambeahîndî nend-ani ahambo hoafeindo,” maseiamboyu.

30 Asu Sisas ai sɨmborɨ hoafɨyuhɨ yahuya, “Hoafɨ se hɨmborɨmayei ranana wambo farɨhefendɨrɨmbo tüküfehüyopoanɨ, ŋga wanɨ. Ranana sɨheimbo farɨhefe-ndürɨmboane tükefeyo.

31 Haponda God ai nindou hɨfɨ ndanɨhü anɨboadei ranaheimbo yɨbobo-ndearümbui. Rananɨmbo asu ai Satan ndanɨ hɨfɨ ndanɨhü bogorɨmbofi anüngu ra nderümündü pindirümbui.

32 Rananɨmbo ai wambo botɨndɨhindɨra, asu ro randɨheandüra nindou afɨndɨ ai wambo sowana ŋgeimboyei.”

33 Sisas ai ranɨ hoafɨ hoafɨmayu ra, nindou ai ahambo nɨmɨ keimbɨ karɨhendeimbɨfihɨ panduwuranɨ yɨfɨndümbui.

34 Ranɨmboyei nindou ai ahambo sɨmborɨ hoafɨyahündowohü seiya, “Krais ai yangɨrɨ koadürümbo-koadürümbo nüngumbui, ahɨnümbɨ hohoanɨmo Bukambe ranɨmbo hoafɨmayoa hɨmborɨmayefɨ. Asu se nɨmboeafɨ haponda hoafɨyafühɨ, ‘Nindou Hondü ahambo nɨmoamo ndahorɨmɨndei botɨndɨhora yɨfɨndɨmbui,’ masafa? Asu Nindou Hondü ra düdia?” maseiamboyu.

35 Asu sɨmborɨ Sisas ai yahuya, “Si ra se-babɨdɨmbo akɨdoumbo anɨmbo nɨŋgomboe. Si yagodowanɨ nɨmbɨ tüküfekoate-yoambe-anɨmbo si ra-dɨbo ŋgei. Nindou ai si wanɨyowanɨ nɨmbokoanɨ ahu ana, ai moai nafɨ hombo ra fɨfɨreandɨ.

36 Haponda si ra sɨheimbo sowahɨ manɨŋgowa hɨfandɨhümboanei, ŋga se si ranahambo



an+hondümbö-nd+hindüh-an+mbö, asu ahandi n+mor+ndei,” mehu.

*Suda af+ndi ai moai Sisas+ndi hoafi an+hondümbö-r+hind+*

Sisas+ ran+ hoafi ra rare hoafi+yu mbura asu ai ahei h+mböar+hü hu d+bonap+mefiyu.

<sup>37</sup> Ai hoeir+hora hepün+feimb+ moatükun+ af+ndi ahei h+mböahü ratüpur+yu marand+yosi, nga asu ai moai ahambo an+hondümbö-r+hor+.

<sup>38</sup> Ran+mböyo asu God+ndi hoafi hoafi+yu-randeimb+ Aisaiand+ hoafi ra an+hondü tüküme Feyo. Ai hoafi+yuh+ yahuya,

“Adükari, düdi nindou y+hoef+ hoafi ranahambo an+hondümbö-areanda?

Asu Adükari ranai daboe nga+n+ndi hohöan+mo ra nafuiayundöa?” *Aisaia 53:1* mehu.

<sup>39-40</sup> Aisaia ai ngörü hoafi+nambo yare sürü pap+randüh+ yahuya,

“God ai ahei h+mböar+ ra gabudear+ümboani.

Ran+mböanei asu ai ng+r+ raran+ moatükun+ ahei h+mböar+nambo ndond+hi hoeind+hind+.

Ahei ngusüfoambe ragu God ai n+moai nahurai nga+n+ndi ramareandüra tüküme Feyo.

Ranamboane asu ai ng+r+ ngusüfoambe ndond+hi hohöan+mondeih+ wambo sowana h+hindhahi dügüsian+ d+boadond+hearü, nga want+,” *Aisaia 6:10*

mehu. Aisaia ai ra-mehu ran+mböanei Suda ai Sisas+mbö ng+r+ an+hondümbö-nd+hor+.

<sup>41</sup> Horombo hondü Sisas h+fin+ n+ngökoate-yuambe Aisaia ai ahandi-mayo

hĩmboamupuimbo-randeimbi hoeire hayamboyu ahambo hoafi ra yare hoafimayundo.

<sup>42</sup> Nindou afĩndi bogorĩmboyafu mamarĩmo ai-amboa Sisasĩmbo anĩhondũmbo-arũwuri. Nga Farisimbo yĩhĩmboyomondũhi wambo ai anĩhondũmbo-arũwuri hoafi ra moai weindahĩ hoafiyomo. Ai hohoanĩmoyomondũhi yahomoya “Weindahĩ hoafĩndefanĩ yĩhoefĩmbo rotu worambeahĩndi hĩhaiboadi-munĩmboemo,” mehomo.

<sup>43</sup> Nindou ranahamumbo nindou ai aboedanemo mbĩseiya yahomo hohoanĩmomemo, nga God ai ahamumbo ‘aboedanemo’ yahombo moai yifiriyomo.

*Sisasĩndi hoafi ranai nindouyei hohoanĩmo yĩbobondeamboe*

<sup>44</sup> Raniyu Sisas ai pukũna hoafiyuhi yahuya, “Nindou wambo anĩhondũmbo-areandĩri aiana wambo yangĩri anĩhondũmbo-reandĩrũhiyupoani. Nga ai Ape wambo koamarĩhendĩra makosahĩ ahambo kameihani anĩhondũmbo-ariri.

<sup>45</sup> Asu nindou wambo hoeiareandĩri ranai Ape wambo koamarĩhendĩra makosahĩ ahambo kameihani hoeariri.

<sup>46</sup> Roana, hĩfi ndanĩhũ si nahurai, nindou ai wambo anĩhondũmbo-rĩhindĩrũhi nĩmbi nĩmaroambe nĩngokoate-mbeyeia saheheambo makosah-anahi.

<sup>47</sup> Asu nindou mamĩ ai wandi hoafi hĩmborĩyuhũ, sũngufekoate-ayu ana, ro ngĩri ahandi hohoanĩmo yĩbobondĩhini. Roana hĩfi ndanĩhũ nindou aheimbo yĩbobofendũrimbo

kosamboyahipoani, nga wani. Roana aheimbo aboedambo-fendürimbo makosah-anahi.

<sup>48</sup> Asu nindou ai wambo daboadi hihireandirühi wandi hoafi semindikoate-ayu ana, ahambo ahandi hohoanimo yibobofe hoafi ra yagododomböe. Hoafi ro hoafimayahi rananimbo bidifirani si tüküfeyoambe yibobondeirimboe.

<sup>49</sup> Hoafi nda ropoanimbo hohoanimo hehea hoafiyahühi-yahipoani, nga wani. Ape wambo koamarihendirä makosahi ranai mungu moatükuni Se hoafindafindürü, mehuamboanahi hoafayahi.

<sup>50</sup> Ro hoafi ra fifirihamboanahi. Apendi hoafana aboedi yangiri koadürümbo-koadürümbo ningo-randeimb-ane. Ranimboanahi Ape ai wambo hoafimayundira asu mungu hoafi nda sheimbo hoafayahi," mehu.

## 13

*Sisas ai ahambo süngururü-rundeimbi-yomondi yitijari popoaimarapuri*

<sup>1</sup> Sudayei mam adükari si Pasofa sei-arihündi ranai tüküfembo yangiriyambe Sisas ai hifi nda hinigife hefe, ahandi Afindi sowanambo hafombo si ra tüküfeyoa fifirimareandi. Ai ahandi nendi afindi hifi ndanihö burayei aheimbo afindi ngusüfo pamareandüri. Ai aheimbo horombo piyu haya ngusüfo pareandüri huhumbo ndeara yifimbo yangiriyuhü afindi hamindi ngusüfo pamareandüri.

<sup>2</sup> Sapo Sisas ai ahambo süngururü-rundeimbi babidiimbo sowasümondühi nimarimondane asu Satan ai Saimonindi nimir Sudas Iskariot ahandi fiambe hohoanimo moaruwai masagadowa Sisasimbo ahandi hürütümbi-yafe warihüfimbo mehu.

<sup>3</sup> Sisas ai fifireandi Afindi ai ahambo munguambo moatükunü hifandiimbo nginindi adükari masagado ra. Asu Godimbo sowahindi makusu ra fifireandi ranimbo ai Ahambo sowana gafumbui.

<sup>4</sup> Ranimboyu asu ai sesi sesambeahindi hiniñgire botifi, ngisihari hoeari yimündamündü mbura, tawor mamü semündü ahandi mbusümondühi hühüre hiniñgimareandi.

<sup>5</sup> Raniyu asu ai hoe semündü disambe kare mbura, ahambo süngururü-rundeimbiimbo ahamundi tñari ra popoairapurühi tawor mbusümondühi hühümareandi ranambo gedümarapurü.

<sup>6</sup> Raniyu asu Sisas ai Saimon Pitambo sowana masünuwamboyu, asu Pita ai hepünifi hoafiyundühi yahuya, “Adükari, se wandi tñari popoaimbo safimboyafi?” mehuamboyu.

<sup>7</sup> Asu Sisas ai simbori hoafiyundühi yahuya, “Ro haponda ratüpurayahi ndanana se moai fifirowandi. Nga süngunambo-animbo rana-hambo fifirindowamboyafi,” mehuamboyu.

<sup>8</sup> Asu Pita ai yahuya, “Se wandana tñari ra popoaindamboyafi, nga yowanü,” mehuamboyu. Asu Sisas ai simbori kifoare hoafiyunduhü yahuya, “Asu ro sñhambo popoaiyoninikoate-ayahü ana, asu se ngiri wandi sünguro-

randeimbindafoandi,” mehundowamboyu.

<sup>9</sup> Asu Saimon Pita ai simbori yahuya, “Adükari, ambe, wandi tɪɲari yangiri popoaiyondiri ana. Nga wandi watɪɲari ngusumboari ra kameihi amboani popoaindandiri,” mehuamboyu.

<sup>10</sup> Asu Sisas ai ahambo yahuya, “Nindou ai ahandi fi ra mungu hunduriyu hayamboayu ana, asu asükaindu ngiri hundürumbo hohoanimondu. Ai tɪɲari yangiri amboani popoiaifoareandi ra afisaho paiarikoate aboediyuhani. Se afisaho-koate aboedi aningomo, nga se munguamboemopoani,” mehu.

<sup>11</sup> (Sisas ai nindou mamih ahambo ahandi hürütümbi-yomondi warihüfimbo mehu ahambo fifiriri. Ranimboyu ai ahamumbo hoafiyupurühi, “Seana moai munguambo afisaho-koate ningomo,” mehupuri.)

<sup>12</sup> Sisas ai ahamundi tɪɲari popoairapuri mburamboyu, asu asükaiyu ahandi ngisihari hoeari ra güde haya, sesi yangoro fondani mahu. Hunimarumbo ahamumbo düdufipurühi yahuya, “Haponda sihamundi tɪɲari popoaimarihandi. Se wandi ratupuri nda fifirundai?”

<sup>13</sup> Se wambo dükarundürühi ‘Yamundo-randeimbi,’ asu ‘Adükari,’ yahomo arundi, ranana anihond-anesi, nga ro ran-anahi.

<sup>14</sup> Roana sihamundi Adükarimboya asu Yamundiherihandeimb-anahi. Raniyahi asu ro sihamundi tɪɲari popoaimarihapuri. Asu yahurai se-amboani sihamundihoari ngoründi hoarehindimondühi simbori fehefirindimo.

<sup>15</sup> Ro sihamumbo nafuimbohünda

ramar+heandi nou, se nindou ŋgorümbo rani-süngundundi.

16 Ro an+hondümboanahi hoafayahapuri: Ratüpur+yu-randeimbi nindou ai ahandi bogorimbo ŋgasündirümboyupoani. Asu nindou ratüpur+imbo ahu ranai nindou ahambo koamar+herü ahandi nimoamoyupoani.

17 Asu se rani-moatükun+ ranahambo an+hond-ane yahomo fifirundühi, rani-sünguarund+ ana, se ran+imbo hihifi-hihifindimboemo.

18 Ro sihamumbo muŋguambo hoafi+yahapurüh+yahipoani. Ro sihamumbo dibonimehapuri fifiri+heapuri-mboanahi. Nga sehündi mam+ wambo refendiri+mbo-mayu ranahandi hoafi Baiborambe hoafimayo ra an+hondü tükündifemboe. Hoafi ra yare hoafi+yohü yahoya, “Nindou sesi mamühi asahoasehi ranai wand+ hürütümbi tükündüfimbui,” meho.

19 Awi ndan+ moatükun+ ra moai haponda tüküfeyoani+yahipoani ranahambo hoafayah+. Ranan+imbo ndan+ moatükun+ ra süngunambo tükündifeyoani, asu se wambo an+hondümbo-ndundiri ro God ai siheimbo aboedambo-fembohünda koamar+hendir-anahi.

20 Ro an+hondümboanahi sihamumbo hoafayah+: Nindou düdi ro nindou koarar+hehin+ ranahambo aserümüdu ana, ai wambo kameihi semündündirühani. Asu nindou düdi wambo asemündündiri ranai nindou wambo koamar+hendiri ahambo amboani serümüdühani,” mehu.

*Sudas ai Sisasimbo ahandi hürütümbi-yomondi warihündirimbui*

*(Matyu 26:20-25; Mak 14:17-21; Ruk 22:21-23)*

<sup>21</sup> Sisas ai yare hoafiyuwane asu ahandi ngusüfoambe moaruwai-mariri. Asu ai hoafiyuhi yahuya, “Ro anihondümboanahi sishamumbo hoafayahapuri: Nindou mamisishamundi mbusümo anüngu ai-animbo wambo hürütümbi-yomondi warihünda-ndirimbui,” mehu.

<sup>22</sup> Sisas ai yare hoafimayumboemo asu aisimbori himboapefirümemo. Asu ai moaififirundi Sisas ai nindou dabombeiyare hoafimayura.

<sup>23</sup> Nindou Sisasimbo süngururü-rundeimbi ahandi ngusüfoahündi ai ahandi fikimi mamaru.

<sup>24</sup> Raniyu asu Saimon Pita ai ahambo mbiro kareandühi yahuya, “Se Sisasimbo düduriwori, ai nindou daboe yare hoafayu rana,” mehuamboyu.

<sup>25</sup> Asu ai Sisasimbo sowana sühüfi hüfuhü düdufinduhü yahuya, “Adükari, nindou ra düdia?” mehundowamboyu.

<sup>26</sup> Asu Sisas ai simbori yahuya, “Awi ro bret bidifiri sesi hoeambe foandihe hehea ndahandomboyah. Ro sesi asahando nindou aiani,” mehu. Raniyu asu ai bret bidifiri ra sesi hoeambe foare mbura, Sudas Iskariot, Saimonindi nimori-mayu, ahambo masagado.

<sup>27</sup> Sudas ai Sisasindi hürütümbi-yomondi warihüfimbo hohoanimoyuhü sesi ra semündü hayamboyuwane asu Satan ranai ahandi fiambe mafarifiyu.

Raniyu asu Sisas ai ahambo yahuya, “Se rani-moatükunî ratüpurimbo ana, nîmai ratüpuriyafisî,” mehu.

<sup>28</sup> Nindou sesi fikimî nînoumemo ai mamai-amboanî moai Sisas hoafimayu ranahambo fifireandî.

<sup>29</sup> Nindou bîdîfirî ai Sudas ahamundî kakihipirî hîfandarandî ai adükarî si sesesimbo hoafimayundowambo sesi pemimboani yahomo asu nindou kakikoate-mayei aheimbo saimboani yahomo raraomarundî.

<sup>30</sup> Nîmbî mamarowamboyu Sudas ai bret bîdîfirî Sisas masagado ra semündü haya hîfînambo makusifoendî.

*Sisas ai ahambo süngururü-rundeimbimbo simborî ahînümbî hohoanîmo masagapurî*

<sup>31</sup> Sudas ai hîfîna makusifoendamboyu, asu Sisas ai yahuya, “Haponda Nindou Hondü ai ndürümb-ani yahombo ra weindahî tükündîfemboe. Rananimbo asu Nindou Hondü ai God ndürümbayu ra weindahîndirîmbui.

<sup>32</sup> Asu Nindou Hondü ai God ndürümbayu ra weindaharirî ana, asu God ai ahandî süngu Nindou Hondü ndürümbayu ra nîmehünou weindahîndirîmbui.

<sup>33</sup> Nîmoakîdîbou, ro ngîrî se-babîdimbo gedühî nîmboahî. Se wambo kokondundîrimboemo, nga se ngîrî hoeindundîrî. Horombo Sudambo hoafimayahî ro homboayahî ngoafî ranambe se ngîrî ngei.

<sup>34</sup> Ro sîhamumbo simborî hohoanîmo asahapurî. Wandafî mamî, se sîhamundîhoarî



sĩmborĩ ngusũfo pefirĩndĩmo, ro sĩhamumbo ngusũfo pararĩheapurĩ nou.

<sup>35</sup> Asu se sĩhamundĩhoarĩ sĩmborĩ ngusũfo pefirĩndĩmondan-anĩmbo nindou ai sĩhamumbo amboa ‘ahambo sũngururũ-rundeimb-anemo’ mbĩseimboyei,” mehu.

*Sisas ai Pitamboya, ro moai ahambo fifirĩhinĩ mbũsũmbui mehu*

*(Matyu 26:31-35; Mak 14:27-31; Ruk 22:31-34)*

<sup>36</sup> Saimon Pita ai hoafiyunduhũ yahuya, “Adũkarĩ, se nahanamboya?” mehundowamboyu. Asu Sisas ai ahambo sĩmborĩ yahuya, “Ro nahanafiyõ ahahĩ ra-nafĩ ana se ngĩrĩ wandĩ sũngu ngafĩ. Nga sũngunambo-anĩmbo ra-nafĩ wandĩ sũngu ngamboya,” mehundowamboyu.

<sup>37</sup> Asu Pita ai asũkaiyu sĩmborĩ hoafiyunduhũ yahuya, “Asu nĩmboe ro haponda sĩhafĩ sũngu sĩnĩkoate-ayaha. Sĩhambondũnĩnĩ asu wambondũndĩrĩ ndũmboemo,” mehuamboyu.

<sup>38</sup> Asu Sisas ai ahambo sĩmborĩ hoafiyundũhĩ yahuya, “Se wamboyonĩrĩ asu sĩhamboyonĩnĩ rambo hoafayafĩsĩ, nga ro sĩhambo anĩhondũmboanahĩ hoafayahanĩnĩ: Kakaro hoafĩkoate-yuambe-anĩmbo se ngĩmĩmbo hoafĩndafũhĩ anĩmboya ‘Ro moai Sisasĩmbo fifirĩhinĩ,’ mbĩsamboya,” mehu.

## 14

*Sisas ai Ape God sowanambo ho naf-ani*

1 Sisas ai hoafiyupurühi yahuya, “Se ngusüfoambe hepünafundühi afindi hohoanimo-ndimboemo. Nga se Godimbo-animbo anihondumbo-ndüwuri. Asu se wambo amboani anihondumbo-ndundiri.

2 Wandı Apendı worı ana fondi afınd-ane. Nga roana sıhamumbo fondi dıboadıfembo kameihı hahühühanahı. Asu ranımoatükunı ra tıkaimbembonana, ro ngırı sıhamumbo hoafıyahapurı.

3 Ro nga sıhamumbo fondi dıboadondıhe hınıngındıhe heambo-animbo, asükainda sıhamumbo sepurımandımo kodamboyahı. Asu rananimbo se ngoafı ro amarıhı ranıhü se-amboanı nımandımoemo.

4 Ro ahahı nafı ho ra se fıfırumboanemo,” mehuamboemo.

5 Asu Tomas ai hoafıyundühi yahuya, “Adükari, roana moai fıfırıhundı se hombo asafı ranana. Nüngundıhu ro fıfırımandıhu ra-nafı ho rana?” mehuamboyu.

6 Asu Sisas ai sımborı hoafıyunduhü yahuya, “Roanahı nafayahı, anihondü hoafı, asu yanğırı nıngombo ra nımandıhayahı. Nındou mamai-amboanı ngırı ngorü nafındüfi Ape sowahı tükündıfiyu, nga roanahı nafayahı.

7 Asu se wambo fıfırarundırı ana, wandı Apembo amboanı fıfırındü-wurımoemo. Nga hapoadumbo se hoeirüwuri houmbo fıfırarüwuri,” mehuamboemo.

8 Asu Firip ai hoafıyunduhü yahuya, “Adükari, se yıhoefımo Ape ra nafıyafımunı. Rananimbo yıhoefımo wanğeimbeyowamboane,” mehuamboyu.

<sup>9</sup> Asu Sisas ai sɨmborɨ hoafɨyunduhü yahuya, “Firip, ro se-babɨdɨmbo gedühɨ manɨmboahɨ ranane asu se wambo fɨfɨrɨfendɨrɨ-koate-ayafɨ? Düdi wambo hoeimareandɨrɨ ranai ana Apembo-amboanɨ hoeirirɨ. Asu se ŋgɨrɨ hoafɨndafühɨ, ‘yɨhoefɨmbo Ape ra nafuiyafɨmuni,’ mbɨsafɨ.

<sup>10</sup> Seana moai anɨhondümbo-mbaropoanɨ ro Ape sowahɨ anɨmboahɨ asu Ape ai wambo sowahɨ anüngu ra? Hoafɨ ro masahapurɨ ra ropoanɨmbo hohoanɨmoya hehea sahapurɨmbo-yahɨpoanɨ. Ŋga Ape ro dɨbofihani ai ahandɨ ratüpuri ra ratüpuriyu arandɨ.

<sup>11</sup> Se hoafɨ ndanahambo anɨhondümbo-ndundɨ: Ro Ape-dɨbo-anahɨ asu Ape ai ro-dɨbo-ani. Ra wanɨndoanɨ ana, asu se ro muŋgu hepünɨfeimbɨ moatükunɨ ratüpuriya marɨhandɨ ranahambo hohoanɨmondɨmondühɨ anɨhondümbo-ndundɨrɨ.

<sup>12</sup> Ro sɨhamumbo anɨhondümboanahɨ hoafaya-hapurɨ: Nindou ai wambo anɨhondümbo-areandɨrɨ ana, ai-amboanɨ hepünɨfeimbɨ moatükunɨ rande ratüpuriɨndümbui. Rananɨmbo asu ai wandɨ ratüpuri ŋgasündeandeimbɨ ratüpuriɨndümbui sapo ro Ape sowana hahühühɨ wambo.

<sup>13</sup> Asu se muŋgu moatükunɨ wandɨ ndürɨ sünguna dɨdɨbafefundɨ ana, ro randɨheamboyahɨ Ape ai wandɨ süngu ndürɨ adükarɨ semɨndɨmbohünda.

<sup>14</sup> Asu muŋgu moatükunɨ se wandɨ ndürɨna dɨdɨbafefundɨ ana, ro randɨheamboyahɨ.”

*Sisas ai Yɨfɨafɨ Aboedɨ dagadürɨmbui*

<sup>15</sup> “Asu se wambo ŋgusüfo pararundɨrɨ ana, se wandɨ-mayo hohoanɨmo ra süngundumboemo.

16 Asu ro Apembo didibafi-ndaheandani ai sihamumbo ngorü farifehe-mbohünda dagapurimbui. Asu ai se-babidimbo koadürümbo-koadürümbo niñgomboe.

17 Farife-randeimbi ndanana anihondü hoafiyo-randeimbi Yifiafi Aboedi ranane. Hifinindi nindou aiana ngiri Yifiafi Aboedi ndanahambo ndahümüdi. Asu ai moai Yifiafi hoeirihififirihiraraorihündi, nga wani. Nga se ahambo fifirundi asu aiana se-babidimbo sihamundi mbusümo niñgomboe.

18 Ngiri ro hininigi-ndiheapurani asühi nimori nahurai niñgomo, nga sihamumbo sowana kodamboyahi.

19 Nindou hifi ndanihündambo ai ngiri amitata wambo hoeife-ndirikoate-ndei, nga seana wambo hoeindundirimboemo. Ro hifi ndanihü yangiri nimboahambo wambo asu se-amboani yangiri niñgomboemo.

20 Ro yifihündi botindaheandani rani-simboani ro wandi Ape-dibo nimboahani asu se ro-dibo niñgomondani asu ro se-babidimbo animboahi ra fifirindumboemo.

21 Nindou wandi hohoanimo ra süngwareandi ranai ana wambo ngüsüfo pareandirühani. Nindou wambo ngüsüfo parareandiri ranahambo wandi Ape ai ngüsüfo parirühani. Asu ro-amboani, ahandi himboahü weindahi tükündaheandühi, asu ahambo ngüsüfo pandihinimboyahi, ”mehuamboyu.

22 Asu Sudas, (Sudas Iskarioti-yupoani, nga ngorü Sudas,) ai Sisasimbo hoafiyundühi yahuya, “Adükari, se nimboeafi yihoe fi himboahü wein-

dahî tükündaföandühî asu nindou hîfî ndanîhü anîboadei ahei hîmboahü weindahî tüküfekoate-ayafa?” mehuamboyu.

<sup>23</sup> Asu Sisas ai sîmborî ahambo hoafîyundühî yahuya, “Nindou ranai wambo ñgusüfo parare-andîrî ana, ai wandî hoafî ranî-süngundeambui. Rananîmbo asu wandî Ape ai ahambo ñgusüfo pandirümbui. Rananîmbo asu ro Ape-dîbo ahambo sowahî ñge ai-babîdî koadürümbo-koadürümbo nîmboemboyehî.

<sup>24</sup> Nindou wambo ñgusüfo pefendîrîkoateyu-randeimbi-mayu ranana wandî yamundîfe hoafî moai süngureandî. Hoafî haponda se hîmborayomo nda wandî hoafî yangîrîyopoanî, ñga wanî. Wambo Ape koarîhendîra makosahî ahandî-mayo-ane hoafî nda.

<sup>25</sup> Awi ro se-babîdîmbo nîmboamboanahî asu ro sîhamumbo ndanî moatükunî hoafî nda hoafayahapurî.

<sup>26</sup> Ñga Farîhai-randeimbi ranana Yifiafî Aboed-ane. Asu wandî ndürî süngunambo-anîmbo ahambo Ape ai koandîhendani kodîmboe. Ai-anîmbo sîhamumbo mungu moatükunî ranahambo yamundeapurîmboe. Asu ai sîhamumbo ñgusüfoambe horîndeapura sîhamumbo ro hoafîyahapureimbi ra asükaindîmo hohoanîmondîmboemo.

<sup>27</sup> Ro sîhamumbo randîheapuranî se ñgusüfo afurîndu kündumboemo. Ñgusüfo afurîfe kife hohoanîmo wandî-mayo ra asahapurî. Ro ñgusüfo afurîfe kife hohoanîmo asahapurî nda nindou hîfî ndanîhündambo asahüpurî nahurai-yopoanî, ñga wanî. Se ñgusüfo sîhamundî ra afîndî ho-

hoanimo-ndimondühi yhimbondimboemo.

<sup>28</sup> Ro rani hoafi sihamumbo masahapuri ra se fifirundi: 'Roana ndearambo sihamumbo hiniŋgiri-heapurühanahi, nga asükainda tükündaheamboyahi.' Se wambo ŋgusüfo pambarundi-mbonana, asu ro haponda Ape sowana ahahühi ndanimbo hihifi-hihifiyomo. Nimboe sapo Ape ai adükarı saf-ani asu wambo ŋgasündeandiri-mboani.

<sup>29</sup> Yifiafi Aboedi kosowani-yahıpoani hoafiyahapuri. Rananimbo asu süngunambo ra tükündıfeyoani ranahambo anihondümbondundiri.

<sup>30</sup> Hifi ndanihündambo hifandi-randeimbi Sattan ai ndeara haponda tükümeŋiyuwambo ro ŋgiri se-babıdimbo afuri gedühi wataporındahi. Sattan ai ŋgiri wambo hibadandiri.

<sup>31</sup> Nga nindou hifi ndanihü anıboadei ranai ro Apembo ŋgusüfo parihini arıhandı ranimbo fifiri-mbirıhindamboane. Ranimboane asu Ape ai hoafımayundırambo ratüpurıya arıhandı. Se botıyafu houmbo, mborai sıhiri ŋgefombo," mehu.

## 15

### *Sisas ai wain nımındı hond-ani*

<sup>1</sup> "Roana wain nımındı hond-anahi. Asu wandı Ape ai wain nümbürı ranı aharambür-ani.

<sup>2</sup> Wandı düdüdü ra hisıkoate-yowanı, asu nümbürı aharambürı ranai düdüdü ra hifitiri-hairandühani. Düdüdü hisıyo-randeimbi ranana Ape ai afındı hisımbeyowa yahuhaya diboadore-randühani.

<sup>3</sup> Seana ro hoafi hoafi+mayahapuri ranambo ndeara afindi hisimbohünda hifitiri+hoemombo nahurai-anemo aningomo.

<sup>4</sup> Asu se wandi hoafi sünguarund-animbo, se ro-dibo ningomboemo asu ro-amboani se-babidimbo nimboamboyahi. Asu wain düdүdү ra nimindi ranifihifepekoate-ayo ana, ngiri nimi ra hisindo ndandi. Ranimboane asu se-amboani ro-dibo ningokoate-ayomo ana, ngiri hiseimbi nimi nou ningomo.

<sup>5</sup> Ro wain bogori nimind-anahi, nga asu se wain nimindi ranahandambo düdүd-anemo. Nindou ranai ro-dibo nunguan asu ro ai-dibo animboahi ana, ai hisi afindi hisiyu randuhani. Nga se wambo hiningarundiri ana, asu se ngiri raran moatükunirandundi.

<sup>6</sup> Asu nindou mami ai ro-dibo ningokoate-ayu ana, ai wain düdү rawefeyo nou kandi+aurani asu yaparindumbui. Ranimbo nindou ai düdүdү ra gugundu mbundumbo, haimbo mandifembohünda haiambe pitindafumboemo.

<sup>7</sup> Asu se ro-babidimbo ningomombo wandi hoafi sünguarundi ana, se nini-moatükunimboyo hohanimoemo ranahambo didibafindafundi. Ranimbo se nini-moatükunimboyo didibafimefundi ra sihamumbo sowahi tükündifemboe.

<sup>8</sup> Asu se nimi nou afindi hisi hisemo ana, se wandi süngu-rundeimbindafu ningomboemo. Ranimbo asu wandi Ape ai ndüreimbindumbui.

<sup>9</sup> Asu ro sihamumbo ngusüfo pamarheapuri Ape ai wambo ngusüfo pamareandiri nou. Se koadürumbo-koadürumbo ngusüfo pefe

hohoanimo wandi-mayo ndani mbusümo niŋgomo.

<sup>10</sup> Asu se wandi hoafi rani yangiri sünguarundi ana, se wandi ŋusüfo pefe hohoanimo rani mbusümo niŋgomboemo. Ro-amboani wandi Apendi hoafi rani-süngurihe hehea, asu ahandi ŋusüfo pefe hohoanimo rani mbusümo animboahi.

<sup>11</sup> Asu se ro hihifi-hihifayahi nou hihifi-hihifimbeyomonda sahehea hoafi muŋgu ra hoafimayahapuri. Asu hihifi-hihifi ra sihamundi ŋusüfoambe afindi safi tükümbifeyoa sambanahi.

<sup>12</sup> Wandi hoafi ndanana ndahurai-ane: Ro sihamumbo ŋusüfo parariheapuri nou-animbo se-amboani sihamundi wandafi mamimbo ŋusüfo pandüpurü.

<sup>13</sup> Asu nindou mami ai ahandi ŋgunindi fehefembohünda yifayu ana, moai nindou ŋgorumbo ŋusüfo pefe hohoanimo ranahambo ŋgasündeandi, nga wani.

<sup>14</sup> Asu se ro hoafayahi ra süngurundühi rawarundi ana, se wandi wandafi mam-anemo.

<sup>15</sup> Haponda ro ŋgiri sihamumbo wandi ratüpurüyomo-rundeimbi mbisa dükandiheapuri, nga wani. Sapo ratüpurüyurandeimbi ai ana ahandi bogorindi hohoanimo ra ŋgiri fifirindeandi. Nga asu ro haponda sihamumbo 'wandafi mam-anemo' asahapuri. Nimboe ro muŋgu moatükuni wandi Apendi-mayo hoafi himboriya heheambo wamboanahi rawasahi.

<sup>16</sup> Seana moai wambo 'ai yihof-ani' yahomo



diboni+yomondiri, nga wani. Nga simbori s'hamumboyahi ro 'ai wand-anemo' sa diboniya hiniŋgi-mar'heapuri. Ran+yahi ro s'hamumbo ratüpurifihî tümar'heapuri nimi nou hisiyomondühi, asu mare hisi yangiri mbiniŋgowa sahehea. Ranimbo-hündambo-animbo se Apembo wandi ndürinambo didibafi-ndafundanî raranî-moatükunî se didibafimefundî ra dagapurümbui.

17 Hoafi nda ro s'hamumbo randundi asahapuri, se s'hamundihoari simbori ŋgusüfo pefendürindimo," mehu.

*Hifi ndanihündambo nindou ai Sisasimbo süngururü-rundeimbimbo yi'boarukon'dihipurimboyei*

18 "Asu nindou hifi ndanihündambo ai s'hamumbo yi'boaruko-ar'hipuri ana, se fifirindundi horombo wambo boatei yi'boarukomar'hindirane.

19 Asu se hifi ndanihündambombemo-mbonana, nindou hifi ndanihündambo s'hamumbo, 'y'hoefi wandafi mam-anemo' mbiseihü ŋgusüfo pand'hipurimboyei. Nga ro s'hamumbo hifi ndanihündambo fih'mar'hapuri-mindühane, nga seana hifi ndanihündambo-yomopoani. Nga ranimboanei asu nindou hifi ndanihündambo ai s'hamumbo yi'boaruko-ar'hipuri.

20 Ro s'hamumbo hoafayahapuri nda ndondu hohoanimondimo: Ratüpuriyurandeimbi nindou ai ahandi bogori ranahambo ŋgasündirumbo-yupoani. Wambo moaruwaimbo-ar'hindiri nou-animbo

asu sihamumbo amboani moaruwaimbo-ndihipurimboyei. Asu ai wandi hoafi süngumbarihi-mbonana, sihamundi hoafi amboani süngundihimboyei.

21 Asu aiana moai Ape wambo koarihendira makosahi ranahambo fifirihori. Se ro daborihindi-memondambo wambo sihamumbo raran moatükunimbo moaruwai randihipurimboyei.

22 Asu ro kosti aheimbo rani hoafi ra hoafikoate-mbayahi-mbonana ahei moaruwai hohoanimo ranahambo ngiri hütieyi. Nga hapondanana ro hoafiyahandüri heheambo wambo ai ngiri ahei moaruwai hohoanimo ra ngörü-süngundihimboyei.

23 Nindou ranai wambo yi boaruko-areandiri ana, asu ai wandi Apembo amboani yi boarukoriruhani.

24 Ro raran ratüpur nindou amuri ai ratüpurikoate-mayei raniyo ahei mbusümo ratüpurimayahi. Asu ro rani ratüpur refekoate-mbehi-mbonana ai ahei moaruwai hohoanimo ranahambo hütieipoani. Nga haponda ro ratüpurimayahi ra hoeirihimboaneisi, nga asu Ape-dibo yi hoehimbo yi boaruko-marhimuni.

25 Ahinümbi hoafi sürü pare masihendi ranai yare hoafiyohü yahoya, “Wambo moani hoangirihimboyei hehi yi boaruko-marhindiri,” meho. Hoafi ra anihondumbo tükufembohünda ai wambo yi boaruko-marhindiri.

26 Ro Farihai-randeimbi Ape sowahindi koandiheheanda sihamumbo sowana kodimboe. Yifiafi ranana anihondü hondü hoafiyorandeimb-ane. Ai kod wandi ratüpur

ranahambo sihamumbo hoafi ndi purimboe.

<sup>27</sup> Horombo se ro-babidi mbo maningomonda asu ro ratupuri ra weangurühi peya hehea ratupurimayahi, asu hapondani amboani se aningomo. Ranimbo-hündambo-animbo se-amboani hoafi ra weindahi tükündafu hoafindimo,” mehu.

## 16

<sup>1</sup> Sisas ai yahuya, “Sihamundi anihondümbofe ra hiningndumboemo saheeamboyahi hoafi ra rarihe hoafimayahapuri.

<sup>2</sup> Sihamumbo ai-babidi mbo rotumbo yowani mbisimboemo. Süngunambo rani-moatükuni ra tükündifeyoan-animbo asu ai hoafindimondühi animboya, ‘Sihiri Godimbo ratupurindexühi Sisasimbo süngururü-rundeimbi hifokoa-ndihupurimboane,’ mbisimboemo.

<sup>3</sup> Ai moai Apembo fifirüwuri asu wambo fifirundihi, nga wani. Ranimbo-hündambo-animbo ai rani hohoanimo ra randu ratupurindimboemo.

<sup>4</sup> Ro sihamumbo rani-moatükuni ra hoafiyahapureimb-ane. Nga asu süngunambo-animbo rani-moatükuni ra tükündifeyoani horombo ro hoafimayahapuri ranahambo hohoanimo-ndimo.”

### *Yifiafi Aboedindi ratupuri*

“Ro se-babidi mbo nimboambowambo asu horombo moai sihamumbo hoafi ra hoafiyahi.

<sup>5</sup> Nga roana Nindou koamarihendira makosahi ahambo sowana hahühühanahi. Nga moai nindou seyafundeimbi ranai wambo düdufihî, ‘Se ra nahanamboyafi ahafa?’ yahu.

<sup>6</sup> Hapoana sihamumbo ro Ape sowana hafombo hoafi ra hoafimehapura asu se afindi hohoanimoemo.

<sup>7</sup> Nga ro sihamumbo anihondumboanahi hoafayahapuri: Sihamumbo ro hiniŋgiriheapuri hehea ahahühi ranana sihamumbo fehefepurimboane. Asu ro hafokoate-mbayahi-mbonana, Farihepurirandeimbi ai ŋgiri sihamumbo sowana koso. Nga ro ahahüh-animbo sihamumbo sowana koandiheheanda kodimboe.

<sup>8</sup> Rananimbo Farihendüri-randeimbi ai kodî nindou hifi ndanihü aniboadei aheimbo türüboade nafuindandüra ai moaruwai hohoanimo, mbumundi hohoanimo, asu Godindi yibobofe hohoanimo nimindi ra fifindi himboyei.

<sup>9</sup> Ai moai wambo anihondumbo-rihindiri, nga ranimboane asu ai hütieyi mbisi aheimbo nafuindandürimbui.

<sup>10</sup> Mbumundi hohoanimo nimindi rananimbo ai nafuindandürimbui. Ape ai wamboya, ‘mbumund-ani,’ mbusümbui asu ro ahambo sowana gagühanî wambo ŋgiri asükaindimbo hoeindundiri.

<sup>11</sup> God ai aheimbo yibobofe hohoanimo ra rande nafuindandürimbui. Hifi ndanihünda hifandi-randeimbi Satanimbo God ai yiboboriri haya hütimb-ani mehu asu aheimbo amboani yibobondearümbui.

12 Hoafi afindi awi ro siheheamboanahi, nga se ngiri haponda mungu ndowandümo.

13 Yifiafi hoafi anihondumbo hoafiyorandeimbi tükündifembo-animbo sihamumbo hoafi hondü ranambo didiboado-ndeapurimboe. Aiana ngiri aipoanimbo hohoanimondo haya ratüpurindo, nga wani. Ai hoafi himborimayo rananimbo asu sihamumbo weindahi hoafindimboe. Rananimbo ai sihamumbo raranimoatükuni süngunambo tükufemboayo ranahambo hoafindipurimboe.

14 Asu ai wandimayo hoafi ra ndemindi hayambo-animbo sihamumbo weindahi hoafindimboe. Raninambo ai wandi ndürimbo adükar-animboesimboe.

15 Apendi moatükuni munguambo ra wandane. Ranimboanahi sihamumbo haponda hoafiyahapurühiya: ‘Yifiafi ai-animbo wandimayo hoafi ndemindi haya sihamumbo weindahi hoafindipurimboe,’ asahapuri,” mehu.

*Afindi hohoanimondi fondühi hihifi-hihifi tükündifemboe*

16 Sisas ai yifimbo-mayu ranimbo hoafiyuhi yahuya, “Akidoumbo yangir-animbo se ngiri wambo hoeindundiri asu süngunambo akidoumbo yangir-animbo se wambo asükaindimbo hoeindündirimboemo,” mehu.

17 Ahambo süngururü-rundeimbi bidifiri ai ahamundihoi ndaru wataporiyomondühi yahomoya, “Nine hoafi nimindi ranahandamboyo ai yihoefimbo yare hoafemuna? Asu ai yare hoafiyuhiya, ‘Akidoumbo yangir-animbo se ngiri wambo hoeindundiri asu süngunambo

akidoumbo yangiri se wambo asükaindimmo hoeindundirimboemo,' mehua? Asu yahuya, 'Sapo roana Ape sowanambo hahühühi wambo,' mehu."

18 Asu ai yaru düduyafundühi yahomoya, 'Akidoumbo yangir animbo,' ai hoafimayu nda nüngufe-nünguferamboyoa? Roana moai hoafimayu ndanahandambo nimindi ana fifirihundi," mehomondamboyu.

19 Sisas ai hoeireandane ahambo düdufimbo yahomo houmbo raraomemo ra fifirimareapuri. Ranimboyu asu ai hoafiyuhi yahuya, "Awi seana ro hoafimayahapuri ndanimbo nimindi hoafi ra fifirifembo yahomomboanemo düdu-düduyomo wakarundi? Ro hoafiyahühi sahiya, 'Akidoumbo yangir animbo se ngiri wambo hoeindundiri asu süngunambo akidoumbo yangir-animbo se wambo asükaindimmo hoeindundirimboemo,' masahi," mehu.

20 Sisas ai yifiyo hefe botifembo-mayu ranimbo hoafiyuhi yahuya, "Ro sihamumbo anihondumboanahi hoafayahapuri: Awi seana afindi hohoanimo-ndimondühi aranindimboemo. Nga nindou hifi ndanihü burayei aiana hihifi-hihifindeimboyei, nga seana ngusüfoambe afindi hohoanimondimboemo. Sihamundi ngusüfoambe afindi hohoanimo ra munğundowohü asu hihifi-hihifi hohoanimo sihamundi mbusümo tükündifemboe.

21 Nimorehi ai nimori wakemindimboayo ra rani si tüküfeihü ngusüfoambe afindi hohoanimo kürareandi. Asu süngunambo nimori ra wakiramindi mburambo ana, ai asübusi

ranimbo ngiri afindi hohoanimondo, nga wani. Asu aiana nimori wakimaramindo ranimbo hihifi-hihifi-ndimboe.

<sup>22</sup> Ranimboanemo se haponda hohoanimo afindi kuru amarimo. Nga asu ro asükainda s'hamumbo hoeindiheapurani se asükaindimongo ngusüfo aboedi kundumboemo. Asu ngiri nindou ngorü ai s'hamundi ngusüfo aboedi kife n'mar' hihifi-hihifi ra ndemündü pindeandi, nga wani.

<sup>23</sup> Rani-si ra tükufe simboani ana ngiri se wambo ninimbo akidou düdundafundiri. Ro s'hamumbo an'hondumboanahi hoafayahapuri: Asu se Apembo rani-moatükun' mbisenda yahomo houmbo, didibafefundi ana, asu ai wandi nduri süngunambo s'hamumbo rani-moatükun' ra dagapurimbui.

<sup>24</sup> Horombo ana moai se wandi ndurinambo didibafiyafu rundi rani-moatükun' semindimbo yahomombo ra. Se ahambo didibafindimondani ana, ai s'hamumbo dagapurimbui. Ranimbo asu se afindi hihifi-hihifi-ndimondumboemo.”

*Sisas ai hifi ndanihündambo nginindi ngasündimareandi*

<sup>25</sup> “Ro s'hamumbo kafoefe hoafiyahi hoafimayahapuri, nga süngunambo ana ngiri s'hamumbo kafoefe hoafinambo hoafindahapuri, nga wani. Nga ro s'hamumbo Apembo hoafi hondü hoafinda-hapurimboyahi.

<sup>26</sup> Rani-simboan-animbo se wandi nduri süngunambo Apembo didibafindafundo. Wandihoari ana ngiri Apembo s'hamumbo farife-purimbohünda didibafindahi,

nga wani. Se sihamundihoari ahambo didibafindafumboemo.

<sup>27</sup> Nga Ape ahandihoar-ani sihamumbo ngusüfo parareapuri. Nimboe sapo Ape wambo koamarihendira makosahi ranimbo anihondumbo-rundühi ngusüfo pararundiri ranimbo wambo.

<sup>28</sup> Horombo ro Ape-dibo nimboa mburiamboyahi, asu ahambo hiningirihini hehea hifina makosahi. Nga asu hapondani ana ro asukai hifi nda hiningife mburimbo Ape sowana hafombo samboanahi,” mehuamboemo.

<sup>29</sup> Asu ahambo süngururü-rundeimbi ai hoafiyomondühi yahomoya, “Yini, hapondani ana se moai kafeefe hoafinambo hoafiyafi, nga hoafi hond-ane hoafayafi.

<sup>30</sup> Hapoana sihambo ro fifirihuninimboanefi. Yihoe fi ngusüfoambe düdufembo hohoanimo ran-amboa se fifirowandi asu ngiri sihambo düdundahundi. Se mungu moatükuni fifirimarowandi. Ranimboanefi se God-dibo nimbafi hawa makosafi ranahambo anihondumbo-arihundi,” mehomo.

<sup>31</sup> Raniyu asu Sisas ai simbori ahamumbo hoafiyuhi yahuya, “Hapoana se akidou anihondumbo-arundiri.

<sup>32</sup> Nga se himboriyomo! Rani si ra ndearambo tükufembo yahomboane asu sihamumbo bukürü-boadühipurani mamimami se sihamundi worina ngomboemo. Ranimbo asu se wambo yangiri hiningindundira nimboamboyahi. Nga asu ro yangiriyahipoani animboahi, nga Ape ai ro-dibo nüngumbui.



33 Se ro-dibo niŋgomondani sihamundi ŋgusüfo afure kumbearowa samboanahi hohoanimoayahî. Ranimboyahi ro sihamumbo rani hoafi ra rarihe hoafimehapuri. Hifi ndanihü ana se afindi hohoanimo kundu nîmandimboemo. Roana hifi ndanihündambo hohoanimo ranana hifinambo-riheamboanahi, nga sihamundi ŋgusüfo rananimo se ŋginindi kundu nîmandimo,” mehu.

## 17

*Sisas ai ahambo süngururü-rundeimbimbohünda Godimbo didbafimefiyu*

<sup>1</sup> Sisas ai rani hoafi ra hoafiyu mbura sünambe himboyuhü hoafiyuhî yahuya, “Ape, rani si ra tüküfemboane. Se sihafî Nîmori ranahambo ndürî adükarümb-ani mbisafi nafuindafindüran-animbo asu simborî Nîmori ai sihambo adükar-ani mbüsü nafuindandürîmbui.

<sup>2</sup> Nga nindou muŋguambo ahei bogorîmborîworî kafaorîworî hinîŋgi-marîwor-ani. Asu muŋguambo se ahambo masabadürî ranaheimbo ai-animbo aboedi yangirî koadürümbo-koadürümbo niŋgombo hohoanimo dagadürîmbui.

<sup>3</sup> Asu nindou ai se mamî God hond-anafi fifirîhinîni asu Sisas Kraisimbo koamarî-hawora makusu ranahambo fifirahorî ana, ai koadürümbo-koadürümbo yangirî niboadeimboyei.

<sup>4</sup> Ro muŋgu ratüpuri se wambo ratüpuriimbohünda masawandirî ra muŋgumarîheandi raninambo hifi ndanihü ro se nindou adükar-anafi sa nafuimayahî.

5 O Ape, horombo ro hifi nda tüküfekoate-yoambe se-dibo nimboahambe ro se nahurai aboed+ hamindi manimboahi asu hapondani ro s+hambo sowahi dügühühi amboani ndür+ adükar+ ndawandiri.

6 Se wambo nindou hifi ndanihündambo masawapuri ranahamumbo s+hambo weindah+ mar+heapuri. Nindou ra s+hafi+yomo, asu se wambo ndeara sawapur+imboanafi. Asu ai s+hafi hoafi yangiri sünguarundi.

7 Asu haponda se wambo munju moatükuni masawandiri ra 'ahandi-mayo makosoane' yahomo fifirarundi.

8 Munju hoafi se wambo masawandiri ra ro ahamumbo hoafimayahapuri. Asu ai himboriyomo houbmoanemo ro horombo se-dibo nimboa hehea makosahi ranimbo anihondumbo fifirarundi. Asu ai se wambo koamar+hawandira makosahi ranimbo anihondumbo-arundi.

9 Ro ahamumbo-hündamboanahi didibafeheanini. Nga roana nindou hifi ndanihü aniboadei aheimbo farihefe-ndür+imboyah+poani didibafeheandi, nga nindou se wambo masawapuri ahamumboanahi s+hafi-memondambo wambo didibafeheandi.

10 Asu munju moatükuni wandi-mayo ra s+haf-ane. Asu munju moatükuni s+hafi-mayo ra wand-ane. Asu ahamundi war+süngü nindou ai rarihi fifirihindi ro ndür+ adükarümb-anahi.

11 Hapoana ro ngiri hifi ndanihü nimboahi, nga s+hambo sowana asihühi. Nga aiana hifi ndanihü ni+ngomboemo. Ape, moai ngörü se nahurai nüngu. Se nindou wambo masawapuri

ra sihafi hohoanimo süngundowandühi ahamumbo hibadapuri. Rananimbo se ndürü wambo masawandiri rani-süngunambo mbiniñgomondamboane. Rananimbo ai-amboani mamü hohoanimo süngumbirundamboane sihiri mamü hohoanimo sünguarühoandi nou.

<sup>12</sup> Ro ai-babidimbo nimboahambe se wambo nginindi masowandiri raninambo ahamumbo hifandimarühapura aboedambo aningomo. Ro ahamumbo ndorühe hifandimarühapura asu moai mam-amboani farühoei raraorandi. Nindou ai farühefembo-mayu rani yangirüyu mafarühoayu. Rananimbo asu Baiborambe horombo hoafümayo ra anihondü weindahi tüküme feyo.

<sup>13</sup> Hapoana ro sihambo sowana asihühi. Ro awi hifi ndanühi ndarühe hoafayahi. Rananimbo wandi hihifi-hihifi hohoanimo ra ahamundi fiambe afindi mbimarowa sahehea.

<sup>14</sup> Sihafi hoafi ro ahamumbo masahapura asu nindou hifi ndanühi anüboadei ranai ahamumbo yüboaruko-marühipuri. Ai ramehindi ra nimboe sapo roana hifi ndanühündambo-yahüpoani asu ai-amboani hifi ndanühündambo-yomopoani.

<sup>15</sup> Ro ahamumbo hifi ndanühündambo sepurümindü raguanambo-fepurüimbo didübafüyaheandühi-yahüpoani, nga wani. Se ahamumbo hifandürapuranü asu Satan ai ahamumbo moaruwai hohoanimo refekoate-mbiyuwa saheheamboanahi didübafüheandi.

<sup>16</sup> Ro-amboani hifi ndanühündambo-yahüpoani maru ai-amboani hifi ndanühünda-mbo-yomopoani.

17 Se ahamumbo sihafi anihondü hohoanimo sihafihoari kaboadowapuri. Nga sihafi hoafi ranana anihondü hohoanimo ni mindühane.

18 Horombo se wambo koamarihawandira kosa, nindou hifi ndanihü burayei ahei mbusümo manimboahi. Mare yahurai-animbo asu ro-amboani ahamumbo koamariheheapura homo nindouyei mbusümo aningomo.

19 Ro ahamumbo fehefe-purimbohünda wandi fi sihambo maseheandi rananimbo ai anihondü sihafi ratupuriyomo-rundeimbi tükümbeafunda sahehea.

20 Nga asu ro didibafeheandi ra ranimbo farihafepurimbo yangriyopoani, nga wani. Nga ro didibafeheandi ra nindou ai sünguni ahamundi hoafi himboriyei hehi, asu ai wandi hoafi anihondümbö-ndihimboyei ranaheimbo kameih-anahi didibafeheandi.

21 Ape se ro-dibo animbafi asu ro se-dibo animboahi, nga ai-amboani yahurai-animbo mamihohoanimo süngundhi mbiniboadei sahehea hohoanimoayahi. Ranimboanahi asu ai sihiri-babidimbo mbiniboadei-amboane. Rananimbo asu nindou hifi ndanihü aniboadei ranai se wambo koamarihawandira makosahi ranimbo anihondümbö-ndihimboyei.

22 Ndüri adükari wambo masawandiri yahurai ahamumbo sahapurimboanahi. Asu sihiri rawehoandi nou ai-amboani mamiboedirani hohoanimo yangri sowandümo mbiningomonda asahi.

23 Ro ai-babidimbo animboahi, nga asu se ro-dibo animbafi. Ranimboanahi asu ai-amboani aboedimamirani hohoanimo

yangiri hohoanimombemo asahi. Rananimbo nindou hifi ndanihündambo ai se wambo koamarihawandira makosahi ranimbo fifirimbirihinda asahi.

<sup>24</sup> Ape, se wambo nindou masawapuri ra ro animboahi ranihü mbininjomonda samboanahi hohoanimoayahi. Ai wandi-mayo himboamupuimbo-randeimbi hoeimbirundi samboanahi. Horombo hifi nda tüküfekoate-yoambe se wambo ngusüfo parowandirühi himboamupuimbo-randeimbi ra masawandiri.

<sup>25</sup> Ape, se mamı yangir-anafi mbumundayafi. Nindou hifi ndanihündambo ana moai fifirihinini, nga roana sishambo fifirihainimboanahi. Nga nindou ndan-anemo se wambo koamarihawandira makosahi ranimbo fifirumboemo.

<sup>26</sup> Ro ahamumbo sishambo nafuimayahapuri. Asükainda ro nafuinda-hapurimboyahi se wambo ngusüfo pamarowandi nou ai-amboani ngusüfo peferü-mbeyomondamboane. Asu ro-amboani ai-babidimbo nimboamboyahı,” mehu.

## 18

*Sisasimbo kikhimaruründümo*  
(*Matyu 26:47-56; Mak 14:43-50; Ruk 22:47-53*)

<sup>1</sup> Raniyu asu Sisas ai didibafiyu kıkamündü haya, ahambo süngururü-rundeimbi babidimbo Kidron hoe apoar hanimo bamarhoemo. Orif nımı nümbürı mamı ranai gogoanini yangoroane, ai ranafi hanimo barhoemo houmbo nümbürambe nafı mahafomo.

<sup>2</sup> Sudas, nindou sapo Sisasimbo hürütümbiyomondi warihüfimbo-mayu ranai nümbürı

ra fifireandi. Sisas ai ahambo süngururü-rundeimbi babidiimbo nübürü rani fikimi homo guguriyafu nimarimo marundi, ranimboyu Sudas ai ranahambo fifirimareandi.

<sup>3</sup> Ranimboyu Sudas ai ami bidifriyomo asu prisman Godimbo sihou-rundeimbi bogori ai koamarihoupuriyomo, Farisi bidifriyomo sepurümündü haya, nübürü yangoro nafi mahafomo. Ai ranafi hifomondühüyomo, ram haiyo, asu hai hondü yimundu sowandümo, asu yifiarimbo napoyo ra raraoru sowandümo houmbo mahifomo.

<sup>4</sup> Asu Sisas ai ahambo nini-moatükuniyo tüküfemboayo ra fifireandi. Ranimboyu ai ahamumbo sowahi akimi hüfu hoafiyupurühi yahuya, “Se ra daboe kokoarura?” mehuamboemo.

<sup>5</sup> Asu ai simbori yahomoya, “Ro ana Nasaretihöndi Sisasiimbo kokomboanefi,” mehomondamboyu. Asu Sisas ai yahuya, “Ro Sisas-anahi ndasi,” mehuamboemo. Asu Sudas Sisasiimbo hürütümbi-yomondi warihüfimbo-mayu ranai ai-babidiimbo manüngu.

<sup>6</sup> Raniyu asu Sisas ai “Ro Sisas-anahi ndasi,” mehupuramboyo nindou ranai daboadanambo sühiyafu-ndühündamboemo hifini pütapimemo.

<sup>7</sup> Ranimboyu asu Sisas ai ahamumbo asükaiyu düdufipurühi yahupuriya, “Se nindou dabo kokomboemoa?” mehupuramboemo. Asu ai hoafiyomondühi yahomoya, “Sisas Nasaretihöndi,” mehomondamboyu.

<sup>8</sup> Asu Sisas ai simbori yare hoafiyuhi yahuya, “Ro sihamumbo hoafiyahapureimb-ane, ro Sisas-

anahi. Se wambo kokondundirühi ana, asu wandi süngururü-rundeimbi hiniᅅᅅindupurani mbihomondamboane.”

<sup>9</sup> Ai yare hoafimayu ra sapo ai horombo hoafimayu ra anihondü tükümbifeyoa yahuhayamboyu yare hoafimayupuri. Sapo ai ndare hoafiyuhi, “Nindou wambo se masawapuri ra ro moai mam-amboani hiniᅅᅅirihini,” mehu. Ranimboyu asu ahamumbo farihfefepurimbo hohoanimoyuhü “Wandi süngururü-rundeimbi hiniᅅᅅindupurani mbihomondamboane,” mehupuri.

<sup>10</sup> Saimon Pita ai pisao yihimindi semündü hayamboyu pisao ra Godimbo sihou-rundeimbi-yomondi adükari bogorindi ratupuriyurandeimbindi warihondü himbohoeari mafafoareandi. Nindou ratupuriyurandeimbi ahandi nduri ra Markus.

<sup>11</sup> Raniyu asu Sisas ai Saimon Pitambo hoafiyundühi yahuya, “Pisao ra asükaiyafi koadürambe sando! Ro Ape ai wambo asübusi saindirimboayu ra ᅅᅅiri hiniᅅᅅindiheandi,” mehu.

*Sisas ai Godimbo shai-randeimbi adükari bogori Anasindi himboahü manüᅅᅅu*

*(Matyu 26:57-58; Mak 14:53-54; Ruk 22:54)*

<sup>12</sup> Ranimboemo asu amiyomo, ahamundi bogoriyu, asu Suda-yomondi prismaniyomo ranai Sisasimbo mburündümo mburu hüputüpu-marihawuri.

<sup>13</sup> Raniyomo asu ai Anas sowanambo boatei sowaründümo mahomo. Anas ai Kaiafasindi yamonᅅᅅoamindiyu haya rani himbanifihü

Godimbo sihai-randeimbi adükari bogorimbofi mamaru.

<sup>14</sup> Kaiafas raniyu nindou Sudahündimbo horombo yare hoafiyupurühiya, “Nindou mamî ai hîfi ndanihü burayei aheimbo farîhefembohünda yifîmbiyu-wamboane,” mehu.

*Pita ai Sisasimbo ro moai fifirîhini mehu  
(Matyu 26:69-70; Mak 14:66-68; Ruk 22:55-57)*

<sup>15</sup> Saimon Pita ai Sisasimbo süngurüri-randeimbi ñgorü-dîbo Sisasimbo süngumarîni-rî hafani. Godimbo sihai-randeimbi adükari bogorî ai süngurüri-randeimbi ñgorü-mayu ahambo fifiriri. Raniyu asu ai Godimbo sihai-randeimbi adükari bogorîndî ginîrambe Sisas dîbo kamefoeneandî.

<sup>16</sup> Asu Saimon Pita ai weindani yipurîkîmi nûngu. Ranimboyu asu Sisasimbo süngurüri-randeimbi ñgorü Godimbo sihai-randeimbi adükari bogorî ai fifirireimbi-mayu ranai hu, nîmorehî yipurî hîfanda-randeimbi-mayo ahambo hoafiyundo haya Saimon Pitambo ginîrambe serümündü kamefuendî.

<sup>17</sup> Nîmorehî yipurî hîfanda-randeimbi ai Saimon Pitambo yahoya, “Awi se-amboani nindou ndanahambo süngurîri-randeimb-anafi?” mehoamboyu. Asu Pita ai yahuya, “Roana wani,” mehu.

<sup>18</sup> Nindou ratüpurîyomo-rundeimbiyomo asu prismanîyomo ai hai mamî pûpiru hîniñgîru houmbo ñgîsiharîmboemondühi wakîyomo niñgomombo haihehümemo. Asu Pita amboani ai-babîdîmbo nûngumbo haihehü-mayu.



*Godimbo sihai-randeimbi adükarî bogorî ai  
Sisasimbo düdumefindo*

*(Matyu 26:59-66; Mak 14:56-64; Ruk 22:66-71)*

<sup>19</sup> Rani-simboani Godimbo sihai-randeimbi adükarî bogorî ai Sisasimbo süngururü-rundeimbi asu hoafi nindou yamundearü marandi ranimbo düdumefindo.

<sup>20</sup> Raniyu asu Sisas ai ahambo simborî yahuya, “Ro nimbi-nimbisi Godindî worambe, Suda ai munğu fandîhi nimarei rihündambe ranihüyahî ro aheimbo hoafi ra yamundi-marîheandürî. Nğa ro moai hoafi mam-amboani dîbo hoafiyahî.

<sup>21</sup> Se nimboe wambo düduefoandîra? Nindou hoafi himborîmayei aheimbo-animbo düduyafandürîsi. Ai ro hoafîyaheimbi ra fifîrîhimboaneisi.”

<sup>22</sup> Sisas ai ra mehuamboyu, asu prisman mamî manüngu ranai Sisasimbo pakarümündü pürirühî hoafiyuhî yahuya, “Nğirî se Godimbo sihai-randeimbi adükarî bogorîmbo rando hoafîndafî,” mehindowamboyu.

<sup>23</sup> Asu Sisas ai ahambo simborî yahuya, “Ro moaruwai hoafîndahani animbo se hoafi ra weindahî ndowandîfî wataporîmbo-ndandî. Nğa asu ro aboedî hoafayahî ana, se nimboe wambo harîmayafa?” mehu.

<sup>24</sup> Asu wofîna hüputüpumaruründümo ra furîhefikoate mbanîngo nou, Anas ai ahambo Godimbo sihai-randeimbi adükarî bogorî Kafiafas sowana koamarîherü.

*Pita ai asükaiyu ro moai Sisas fifîrîhinî mehu  
(Matyu 26:71-75; Mak 14:69-72; Ruk 22:58-62)*

25 Saimon Pita ai haikimī haihū manūnguamboemo. Nindou Pita-dībo manīngomo ranai ahambo hoafiyomondowohū yahomoya, “Awi se-amboani ahambo sūnguriri-randeimbimbayafi?” mehomondamboyu. Asu ai dīdīmofihī yahuya, “Roana wani,” mehu.

26 Nindou mamī Godimbo sīhai-randeimbīndī ratūpurīyu-randeimbīyu haya, asu Pita hīmbo hoearī mafoafoariri ahandī mamīsiri ranai hoafiyuhī yahuya, “Awi seana Sisas-dībo nūmbūrambe mamarīfa hoeimarīheanīnī,” mehuamboyu.

27 Asu Pita ai asūkaiyu “Roana wani,” yahuambe asu kakaro ai hoafīmayu.

*Sisas ai Pairatīndī hīmboahū manūngu  
(Matyu 17:1-2; Mak 15:1-5; Ruk 23:1-5)*

28 Ranīyomo asu ai hapoadūmbo siyoambe Kaiafasīndī worī hīnīngīru houmbo, Romīyafe gafman bogorīndī worīnambo Sisasimbo sowarūdūmo mahomo. Asu Suda ai moai gafman bogorīndī worambe kefou hīfomo ai adūkarī si Pasofa ra sesimbo yahomombo wambo. Suda nindou ai ndīfo-yafe worambe kefoefembo ra ahīnūmb-ane. Nga asu ai karefoahundī ana, asu ‘ngiri Pasofa sesi ra dagūdifi,’ yahomo houmboemo.

29 Ranīyomo asu ai weindani nīngomondane Pairat ai ahamumbo sowahī tūkūfi hu hoafiyuhī yahuya, “Se nīmboe nindou ndanahambo papi-hoafiyumbo yahomo houmboemo?” mehuamboemo.

30 Asu simborī hoafiyomondūhī yahomoya, “Asu nindou ndanai moaruwai hohoanīmo

süŋufekoate-mbei-mbonana, ŋgiri ndarihu sihambo sowana sahurümindefi sinefi,” mehomondamboyu.

<sup>31</sup> Asu Pairat ai ahamumbo hoafiyupurühi yahuya, “Se sihamundihoari sowaründümo houbmo sihamundi ahinümbi süŋgu papihoafindüri,” mehuamboemo. Asu Suda ai hoafiyomondowohü yahomoya, “Yihoe fi papihoafambe ŋgiri nindou ŋgorümbo hifokoandihundi,” mehomo.

<sup>32</sup> Horombo Sisas ai yahurai randihe yifindamboyahı mehu. Asu rani hoafi ra anihondü tüküfembohünda Suda ai rasüŋumarundi.

<sup>33</sup> Raniamboyu asu Pairat ai gafman bogorindi worambe asukai kefue hüfu Sisasimbo mborai mehundowa mahüfuwa düdufinduhü yahuya, “Se Suda-yomondi adükari bogoriyafi?” mehuamboyu.

<sup>34</sup> Asu Sisas ai hoafiyunduhü yahuya, “Awi sihafihuari hohoanımoyafi hawamboyafi se yaro hoafayafi, asu nindou amuri ai wambo yaru hoafimemondamboyafi yaro hoafayafi?” mehuamboyu.

<sup>35</sup> Asu Pairat ai simbori hoafiyuhi yahuya, “Roana Sudayahıpoanı. Nga sihafı nendiyomo Godımbo sihou-rundeimbi bogorı-babıdımbo wambo sowana sowandümonını masınımo. Asu se nını nünüŋgurowamboyafa?” mehundowamboyu.

<sup>36</sup> Asu Sisas ai simbori yahuya, “Ro ŋgınındi hifandarıhandı ranana hifi ndanıhündambo-yopoanı. Rani hohoanımo wandı ra hifi

ndan+hündambombe-mbonana, asu wandi ratüpur+yomo-rundeimbi ranai yifiar+ind+monda asu ngi+ri nindou ranai wambo Suda-yomondi war+hündund+ri. Nga wandi ngin+indi hifandimbo ranana hifi ndan+hündambo-yopon+,” mehu.

<sup>37</sup> Ran+yu asu Pairat ai yahuya, “Refe ana, asu se adükari bogor+wamboyafi!” mehuamboyu. Sisas ai simbori hoafiyundühi yahuya, “Si+hafi+hoari an+hondüamboanafi yaro hoafiyafühi, ‘Se adükari bogor-anafi,’ asafi. Roana an+hondü moatükun+ ro hoeimar+heandi ranimbo an+hondüambo hoafimbohünda makosahi. Ranimboyah+ Ape wambo koamar+hendira makosaha me ai wambo wakimaram+indi-ndiri. Nindou ai hohoanimo hondü ran+süngur+hindeimbi ana ai wandi yafambehüнди hoafi himbor+yei r+hündühanei,” mehuamboyu.

<sup>38</sup> Asu Pairat ai ahambo hoafiyundühi yahuya, “An+hondü hohoanimo ra ninea?” mehu.

*Pairat ai Sisas+ambo n+mi keimbi kar+hendeimbifih+ t+kondundümo pand+wur+ mehu*

*(Matyu 27:15-31; Mak 15:6-20; Ruk 23:13-25)*

Ai yare hoafiyu haya, asukai Suda sowana kus+foai haya mahu. Ai hoafiyuh+ yahuya, “Nindou ndanahambo papi+hoafimbohündambo moai nini+moatükun+ moaruwai nimaronan+ hoeir+heandi.

<sup>39</sup> Nga sihamundi boagiri hohoanimo ran+süngunambo adükari si Pasofa ran+hü ro nindou mam+ sihamundi hohoanimo süngu ahambo karabusambeah+indi aboedambo

koarihehini arihandi. Se hohoanimoyomondani ro ‘Sudayeri adukari bogori’ nda aboedambo koandiheninimboyo?” mehuamboemo.

<sup>40</sup> Raniyomo asu ai simbori pukuna hoafiyomondühi yahomoya, “Aiana wani, nga se Barabasimbo-animbo hininngindiwor!” mehomo. Barabas ra gafman-babidimbo yifiariyu nindou hifokoare randeimb-ani.

## 19

<sup>1</sup> Ranimboyu asu Pairat ai hoafimayua ami ai  
Sisasimbo sowaründümo houmbo  
ndüfuri-ndüfurimarüwuri.

<sup>2</sup> Asu ami ai adukari bogorindi at tikai wofi  
tihoari tihoarümbinambo nafiru mburu,  
Sisasindi mbiroambe kiki-mafoarundi.  
Raniyomo asu adukari bogorindi hamburi  
hoeari güdu hininngimarundi.

<sup>3</sup> Asu ai ahambo tüküyafu sisindi  
hoafiyomondowohü yahomoya, “Suda-yomondi  
adukari bogori nindou, karihasi,”  
yahomondühiyomo asu ahambo harimemondo.

<sup>4</sup> Pairat ai asükaiyu weindani tüküfi hu  
hoafiyundürühi yahuya, “Himboriyei! Ro  
ahambo weindani siheimbo sowana sahüminde  
tükeheandi. Rananimbo se fifirindihindi.  
Ro moai papi-hoafimbo nin-moatükuni  
fifiriheandi,” mehu.

<sup>5</sup> Raniyu asu Sisas ai weindani tükümefiyu.  
Asu ahandi mbiroambe at tihoari tihoarümbi  
wofinambo nafimarundi, asu hamburi hoeari  
ra güdaroane rani kameihü tükümefiyu. Raniyu  
Pairat ai hoafiyuhü yahuya, “Nindou ranani nda,”  
mehu.

6 Raniyomo Godimbo sihou-rundeimbiyomo asu prismaniyomo ai hoeiruwurɪ houmbo pukuna hoafiyomondühɪ yahomoya, “Nimi keimbi karihendeimbifihɪ tikoründümo paruwurɪ! Nimi keimbi karihendeimbifihɪ tikoründümo paruwurɪ!” raramaruri. Pairat ai yahuya, “Sihamundihoari animbo nimi keimbi karihendeimbifihɪ tikoründümo paruwurɪ. Nga ahandi hohoanimoambe ro moai nini-moatükunɪ ngorü-süngufe hohoanimo nimaroa hoeirheandi,” mehu.

7 Asu Suda ai simbori hoafiyomondühɪ yahomoya, “Roana yihoefi ahinümbi hohoanimo süngu yare hoafiyohü yahoya, ‘Nindou ndanana ai yifimbiyu-wamboane,’ meho. Nimboe sapo ai yahuya, ‘Ro Godindi nimir-anahi,’ mehu,” mehomo.

8 Ranimboyu asu Pairat ai rani hoafi ra himboriyu haya yihimbo afindi yihimbomayu.

9 Raniyu asu asukai gafmani-yomondi wori ranambe kefuai hüfu Sisasimbo yahuya, “Se nini-nipoediyafa?” mehundo. Nga Sisas ai moai simbori ahambo hoafiyundo.

10 Raniyu asu Pairat ai yahundoya, “Nimboe se wambo hoafikoate-ayafindira? Roana sihambo moani koehefeniniyo asu nimi keimbi karihendeimbifihɪ tikoemindinini pefeniniyo ra refembo nginindi hifandihamboanahi. Awi asu rani hohoanimo ra fifirifekoate-wamboyafi?” mehindowamboyu.

11 Asu Sisas ai simbori ahambo yahuya, “God nimoamo amaru ranai sihambo

nginindi hohoanimo ra segoninikoate-mbeimbonana, asu se nginindi hohoanimoyowohü wambo hifinambofendiri hohoanimo ra ngiri hohoanimoyafi. Ranimboane asu nindou ai wambo sihafi warihümareandiri ranahandi moaruwai hohoanimo ana sihafi moaruwai hohoanimo ranahambo ngasünde haya adükar hamind-ane,” mehuamboyu.

<sup>12</sup> Raniyu asu Pairat ai rani hoafi ra himboriyu haya, Sisasimbo koandihelina mbühu yahuhaya nafi kokora wakimareandi. Nga asu Suda ai puküna hoafiyehi seiya, “Asu se ahambo koarhaworani ahu ana, se ngiri Romiyafe adükar bogori Sisarindi ngunindindafi. Nindou ai hoafiyuhi ‘Roana adükar bogorani,’ ehu ana, asu nindou ranai Sisasimbo yiboarukorirühani,” mehomondamboyu.

<sup>13</sup> Pairat ai rani hoafi ra himboriyu haya, Sisasimbo weindani serümündü tüküme fiyu. Raniyu ai hu, papi-hoafi himboriyo rambo nimarifondi mam maningo ‘nimoei yibadi’ sei-arihündi raniwami mamaru. (Hiburu-yafe hoafinambo nimoei yibadi ra Gabata-ane.)

<sup>14</sup> Rani si ranana Suda-yafe adükar si Pasofa ranimbo sesi napo fikimi-fikimifembo si-ane. Asu ndeara hüfinimboyowane, Pairat ai Sudambo hoafiyundürühi yahuya, “Sihei adükar bogori ranahambo hoeirihori,” mehuamboyei.

<sup>15</sup> Asu ai puküna hoafiyehi seiya, “Koarhawori! Koarhawori! Nimi keimbi karihendeimbifih tikorindifi pariwori,” maseiamboyu. Pairat ai Sudambo düdureandürühi yahuya, “Sihei adükar bogori

ranahambo ro nîmî keimbî karîhendeimbîfihî tîkuimîndî pefimbo yîni sei?” mehuamboyo. Asu Godîmbo sîhou-rundeimbî adûkarî bogorîmemo ranai sîmborî hoafîyomondowohû yahomoya, “Yîhoefî adûkarî bogorî ana moai ñgorû nûngu, ñga Sisar yangîr-ani anûngu,” mehomondamboyo.

<sup>16</sup> Ranîyu asu Pairat ai Sisasîmbo ahamundî warambe hîniñgîmarirî, nîmî keimbî karîhendeimbîfihî tîkuimîndî pefimbohûnda.

*Sisasîmbo nîmî keimbî karîhendeimbîfihî tîkoründûmo pamarûwuri*

*(Matyu 27:32-44; Mak 15:21-32; Ruk 23:26-43)*

Ranîyomo asu ami ai Sisasîmbo masowaründûmo.

<sup>17</sup> Ranîyu asu Sisas ai ahandîhoarî nîmî keimbî karîhendeimbî ra semündû haya ñgoafî ra hîniñgîrîhi hehimbo, wafu mamî mbîrîhapîrî nahurai wafu sei-arîhündî ranînambo mahei. (Hiburu-yafe hoafana ‘Gorgota-ane’.)

<sup>18</sup> Ranûhî ai Sisasîmbo nîmî keimbî karîhendeimbîfihî tîkoründûmo pamarûwuri. Asu nindou ñgorû yimbu amboanî Sisasdîbo tîkorîpündîmo pamarupîrî ra ñgorû ai gogoanîniyu asu ñgorû ai gogoanîniyu, ñga asu Sisas ai mbusûmoyu.

<sup>19</sup> Pairat ai hoafî mamî nîmî keimbî karîhendeimbî-mayo ranîfihî sÛrû papîra pareandûhî yahuya: ‘SISAS NASARETHÛNDÎ SUDAYAFE ADÛKARÎ BOGORÎ’ yahu pamareandî.

<sup>20</sup> Sisasîmbo tîkoründûmo pamarûwuri ra ñgoafî adûkarî ranî fikîmî safîyo. Ranîmboyo hoafî Pairat ai hoafîmayua pamarundî ra



nindou afɪndɪ ranai hei hoeimarɪhɪndɪ. Pairat ai hoafɪ sŭrŭ papɪra pamareandɪ ra, Hiburu-yafe hoafɪ, Romɪ-yafe hoafɪ, asu Griki-yafe hoafɪ ranɪnamboyu sŭrŭ papɪmarandɪ.

<sup>21</sup> Ranɪmboemo Godɪmbo sɪhou-rundeimbi bogorɪ ai Pairatɪmbo hoafɪyomondowohŭ yahomoya, “Se nɪmboe ‘Suda-yafe adŭkarɪ bogorɪ’ safɪ sŭrŭ papɪra pamarɪwanda? Nga ndaro papɪra parowandai: ‘Nindou ranai hoafɪyuhɪya, “Ro Suda-yomondɪ adŭkarɪ bogoranaɪ,” mehu,’ safɪ parowandai,” mehomondamboyu.

<sup>22</sup> Asu Pairat ai yahuya, “Hoafɪ ro sŭrŭ papɪmarɪhandɪ ra ŋgɪrɪ asŭkainda ŋgorŭ-sŭngundɪhe pandɪheandɪ,” mehu.

<sup>23</sup> Ami ai Sisasɪmbo nɪmɪ keimbi karɪhendeimbɪfɪhɪ tɪkorŭndŭmo parŭwurɪ houmboemo, asu ahandɪ-mayo hoearɪ napo ra munɔu fufurŭndŭmo mburŭmbo yimbu-yimbumbu ru yimbumarundɪ. Ranɪyomo ami ai napo ra mamamɪru fufumarundɪmo. Asu ai ahandɪ hoandarɪ hoearɪ kameihɪ masowandŭmo. Nga asu hoandarɪ hoearɪ ra moai ŋgorŭ hoearɪ ranɪfɪhɪ parɪhi kakɪyei, nga mamɪ ranɪ yanɔgɪrɪyo kakɪmayei.

<sup>24</sup> Ranɪmboemo asu ami ai ahamundɪhoarɪ yahomoya, “Hoearɪ ndanana sɪhɪrɪ kɪkɪfepoanɪ, nga yowanɪ. Nga hoearɪ ranɪmbo-hŭnda sɪhɪrɪ satu piraindefomboane, nindou ŋgorŭ ai semɪndɪmbohŭnda.” Nindou ai yaru hoafɪmemo ra sapo horombo Baiborambe yare hoafɪmayo sŭngu. Ai yare hoafɪyowohŭ yahoya,

“Wandɪ hoearɪ napo yimbumarundŭmo.

Asu hoearɪ wandɪ ranahambo nindou

mamai semindimbohündambo satu  
piraimemo,” *Buk Song 22:18*  
meho. Ranıyo asu ami amboanı ranı-  
süngumarunda hoafımayo ra anıhondü  
tüküme feyo.

<sup>25</sup> Sisasındı hondıyo, asu ahandı akıdıyo,  
asu Maria Koropasındı wuhıyo, asu Maria  
ngorü Makdarahündıyo ai Sisasındı nımı keımbı  
karıhendeımbı-mayo ranı fıkmı manımboei.

<sup>26</sup> Ahandı hond-aiyo asu süngurürü-randeımbı  
Sisas ai ahambo ngusüfo pariri-randeımbı-dıbo  
manımbafea hoeımareapırı. Ranıyu ai hon-  
dambo yahuya, “Nımorehı, ndanana sıhafı  
nımor-ani,” mehu.

<sup>27</sup> Asu ahambo süngurürı-randeımbı-mayu  
ahambo yahuya, “Ndanana sıhafı me-ane,”  
mehuamboyu. Asu ranı-sımboanı ai Mariambo  
ahandı worınambo semündü hu ai-dıbo  
manımbafe.

### *Sisas ai yıfımayu*

*(Matyu 27:45-56; Mak 15:33-41; Ruk 23:44-49)*

<sup>28</sup> Ranıyo süngunambo Sisas ai ahandı  
ratüpürı hıfı ndanıhü ra munguyohane yahu  
fıfırımareandı. Ranıyo asu Godındı hoafı  
Baıborambe anıhondü tükümbı feyoa yahuhaya  
ndare hoafıyuhı yahuya, “Amındanıngoarandırı,”  
mehu.

<sup>29</sup> Hıpırı mamı yangorı hayamboyo ranambe  
hühütımbü hoe fınga ranai mapuiaro.  
Ranıyo asu ai sırıwara-ambeahındı hoe  
kıkıhamındeımbı semündü hayambo, fınga  
ambe foareanda tüküfe haya manıngo. Asu ai

hisop nĩmĩharĩfĩhĩ pare hĩmondamũndĩ mbura, Sisasĩndĩ yafambenhũ tũmareandĩ.

<sup>30</sup> Sisas ai finiga ra sũmũndũ mbura hoafĩyuhĩ yahuya, “Muŋguayo,” yahu mbura mbĩro hĩfĩnĩ piyuhũ yĩfĩmayu.

<sup>31</sup> Ranĩ si ra Suda-yafe moanĩ ŋgoafĩmbo nĩmarĩ si ranahambo muŋgu moatũkunĩ dĩboadĩfembo siyo. Si ra moanĩ adũkarĩ hamĩndĩyo ranĩyo asu Suda ai ranĩ sihĩ nindou nĩmĩ keimbĩ karĩhendeimbĩfĩhĩ paiarĩmbo ra yowanĩ mehomo. Ranĩmboemo Pairatĩmbo nindou ranahamumbo tĩŋarĩ kehefepura nĩmai yĩfĩndĩmonda foepumĩndĩ raguanambo-fepurĩmbo hoafĩmemondo.

<sup>32</sup> Ranĩmboemo asu ami ai nindou yimbu Sisas-dĩbo tĩkorũpũndĩmo pamarupĩrĩ ahafanĩmbo tĩŋarĩ ra kamarĩhaupĩrĩ.

<sup>33</sup> Ŋga asu ai Sisasĩmbo sowahĩ tũkũyafu hoeirũwurane, ai muŋguna yĩfĩmayuamboemo asu ahandĩ tĩŋarĩ ra moai karĩhaundĩ.

<sup>34</sup> Ŋga ami mamĩ ai yaŋgĩrĩ yĩfiarĩnambo ŋgĩrĩsafĩnĩ wafusĩmarũmũndũ. Ranĩyo asu nĩmai horĩ ranai hoe dĩbore haya ahandĩ fi-ambeahĩndĩ pĩmayo.

<sup>35</sup> Nindou hoeimareandĩ ranai ranahambo hoafĩyuweimb-ane. Asu ai hoafĩmayu ra anĩhondũ hoaf-ane, asu ahandĩhoarĩ amboanĩ hoafĩ hond-ane yahu fĩfĩreandĩ. Ranĩmbo-hũndamboane asu se-amboanĩ ranahambo anĩhondũmbo-ndĩhindĩ.

<sup>36</sup> Ranĩ-moatũkunĩ tũkũmefeyowamboyo, Baiborambe hoafĩ pamaiaro sũngu yare hoafĩyowohũ yahoya, ‘Ŋgĩrĩ ahandĩ hamĩndĩ ŋgorũ kandundĩ,’

meho.

<sup>37</sup> Nga asu hoafi ngorü ranambe mengoro ra yahoya, “Asu ai-animbo nindou wafusi-marümündu ahambo himboapondeimboyei,” meho.

*Sisasimbo honguambe masihewori*

*(Matyu 27:57-61; Mak 15:42-47; Ruk 23:50-56)*

<sup>38</sup> Sünjunambo Sosep Arimateahündi ai Pairatimbo Sisasindi yifinimoko ra semündumbo yahuhaya hoafimayundo. Sosep ai Sisasimbo süngurür-randeimbiyu, nga ai Sudambo yihimborapurüh+yu asu ahandi anihondümbofe hohoanimo ra moai weindahreandi. Pairat ai ahambo ndowarindifisi mehuamboyu, asu Sosep ai Sisasimbo serümündü mahu.

<sup>39</sup> Nikodemus, horombo Sisas sowahi nimbokoani mahafu, ranai amboani Sosep-dibo mahafani. Asu ai fisinrumbi moatükuni sanda nimi hori yimbu mamamberu fanduyamundu houmbo nafi-rundeimbi ra semündü haya mahu. Nimi hori ranahandi nimbora ra 30 kirogramiyo.

<sup>40</sup> Ran+yafani ai Sisasindi yifinimoko ra sowarndifani mburina, Suda ai yifinimoko raru arundi süngu fisinrumbi moatükuni sanda parine mburina hoearnambo himondimarheneri.

<sup>41</sup> Sisasimbo nimifihi tikoründümo parüwurüh nübürü mamä ranai yangoroane, asu nübürü ranambe hongu simborambori yifit sihefekoate maninjo.

<sup>42</sup> Suda ai moani ngoafimbo nimarimbo si ranahambo sesi napo diboardo-marhindamboyanani. Asu hongu ra akimi

nɪŋgo hayamboyowane, Sisasɪndɪ yɪfɪnɪmoko ra sowandɪfanɪ hafanɪ masɪheneandɪ.

## 20

### *Sisas ai botɪmefiyu*

*(Matyu 28:1-10; Mak 16:1-8; Ruk 24:1-12)*

<sup>1</sup> Sande hapoadũmbo siambe nɪmbɪ hoanɟɪrɪ kiarowane, Maria Makdarahũndɪ ai honɟu ranɪ sowana mahɪfo. Ai hɪfo honɟu ranɪ fikɪmɪ tũkũfe hɪmboyowane, nɪmoei adũkarɪ nafɪtambeihũ mapaiaro ra paiarɪkoate-mayo.

<sup>2</sup> Ranɪmboyo asu ai Saimon Pita asu sũngururũ-rundeimbɪ ŋgorũ ahandɪ ŋgusũfoahũndɪ ranahafanɪmbo sowana pɪpɪmayo ho. Ai ho, hoafɪyopɪrũhɪ yahoya, “Adũkarɪmbo nindou ai honɟuambeahɪndɪ masowarũndũmo, nahũ mbasɪhawurɪ, ŋga moai fɪfɪrɪhurɪ,” mehoamboyafanɪ.

<sup>3</sup> Ranɪmboyafanɪ Pita asu Sisasɪndɪ ŋgorũ sũngururɪ-randeimbɪ-mayu ranai nɪmai honɟu sowana mahafanɪ.

<sup>4</sup> Ai yɪbobo pɪpɪna mahafanɪyo, ŋga asu ahambo sũngururɪ-randeimbɪ ŋgorũ ranai Pita-mbo ŋgasũndirũ haya, ai boatei hu honɟu fikɪmɪ tũkũmefiyu.

<sup>5</sup> Asu ai hu nɪmarũmbo amuifoai hoeire-andane hoearɪ Sisasɪmbo hɪmondũfɪhɪndɪ ra meŋgoroa hoeimareandɪ. Ŋga asu ai moai kefuai honɟuambe hũfu.

<sup>6</sup> Asu Saimon Pita ai sũngunɪ hu tũkũfi hayamboyo, ai honɟuambe kefuai mahũfu. Ai hũfu hoeireandane hoearɪ Sisasɪmbo hɪmondɪhefɪmbɪhũndɪ ra kurɪmayo.

7 Asu hoeari ŋgorü Sisasindi mbiro himondihefimbihündi ranamboani meŋgorowa hoeimareandi. Hoeari ranana moai amuri kurimayo rani-dibo yangoro, ŋga wanti. Rani-poani-mboyo nindou ŋgamondife sihefembo nahurai kare pare haya meŋgoro.

8 Raniyu asu ahambo süngürü-randeimbi ŋgorü boatei hongu sowana mahu, ranai asükaiyu süngun honguambe kefuai hüfu, hoeari yangri meŋgoro ra hoeire haya anihondumbo-mareandi.

9 (Rani simboani ana moai ai fifirineandi Baiborambe yare hoafiyowohüya, “Honguambeahindi botindifimbui,” meho ra.)

*Sisas ai Maria Makdarahündi sowahi tüküme fiyu*

*(Mak 16:9-11)*

10-11 Raniyafani asu ahambo süngüriniri-rinandeimbi ai worina hihiriyafine mahafani, ŋga Maria ai hongu fikimi niŋgombo araniyohü maningo. Asu ai araniyowohüyo hongu-mayo ranambe amoefoe himbomayo.

12 Asu ai himboyowane, sünambeahindi nendi yimbu kifohi hoearümbi Sisasimbo sihehori wami mamarifanda hoeimareapiri. Ŋgorü ai mbirowani nimiru, asu ŋgorü ai yirimbonani nimiru.

13 Ai Mariambo safaniya, “Nimorehi, se nimboefi aranayafa?” masafandamboyo. Asu ai ahafanimbo hoafiyopirühi yahoya, “Nindou ai wandi Adükarimbo sahorimindei hehimbo, nahü mbasihehori ro moai fifirihini, ŋga ranimboanahi,” meho.

14 Ai raweyaho haya hihirifeyowane, asu Sisas ai daboadanî manûnguwa hoeimarerî. Nga asu Maria ai moai Sisas-ani yaho fîfirerî.

15 Sisas ai yahuya, “Nîmorehî, se nîmboe aranayafa? Se dabo kokorîrîhüyafa?” mehuamboyo. Asu Maria ai nûmbürî aharambür-ani yahohaya hoafiyondowohü yahoya, “Se Sisasîmbo sowarîndîfûhî ana, sowarîndîfî hafî sîhaworühî nafuindafan-anîmbo ro ahambo ndahümîndî ngamboane,” mehoamboyo.

16 Asu Sisas ai yahuya, “Maria,” mehuamboyo. Asu Maria ai hihirife, ahambo fîfirerî haya Hiburu-yafe hoafînambo yahoya, “Rabonai,” meho. (‘Rabonai’ ra Hiburu-yafe hoafînambo ‘Yamundo-randeimb-ane’.)

17 Sisas ai yahuya, “Se wambo kîkîhindandîfîndîrîmboyaî. Awi ro moai wandî Ape sowana hahühî. Nga se wandî wandafî mamî sowana ngafî rando hoafîndafîpurühî anîmboya, ‘Roana wandî Ape, sîhamundî Ape asu wandî God, sîhamundî God, ahambo sowana hahühühanahî,’ mbîsafî,” mehuamboyo.

18 Asu Maria Makdarahündî ai ho ahambo süngururü-rundeimbîmbo hoafiyopurühî yahoya, “Ro Adükarîmbo hoeimarîhinî,” asu Sisas hoafiyuweimbî hoafî ra hoafîmepurî.

*Sisas ai ahambo süngururü-rundeimbî sowahî tükümeîfiyu*

*(Matyu 28:16-20; Mak 16:14-18; Ruk 24:36-49)*

19 Sisasîmbo süngururü-rundeimbî ai Sudambo yîhîmbo-rupurühîyomo worî ai nîmarîmondeimbî ra yipurî paru houmbo mamarîmo. Ranîyu asu Sisas ai Sande

nimbambeahi tüküfi, ahamundi mbusümo manüngu. Ai yahuya, “Se ngusüfo afurindu kündundi,” mehupuri.

<sup>20</sup> Ai yare hoafiyupurühiyu asu ahandi watiñari ngiri safini ra ahamumbo nafuimepuri. Asu ahambo süngururü-rundeimbi ai ahamundi Adükari ranahambo hoeirüwuri houmbo hihifi-hihifimemo.

<sup>21</sup> Asu Sisas ai asükaiyu yahuya, “Se ngusüfo afurindu kündundi. Wambo Ape ai koamarihendira makosahi yahurai-animbo asu ro sihamumbo koandiheheapuranı ngomo,” mehu.

<sup>22</sup> Ai raweyahuhüyu, ahamumbo sowanambo yafambenambo ahandi yafui ra foehepurühi yahuya, “Se Yifiafi Aboedi sowandümo.

<sup>23</sup> Asu se ngorü nendi-yafe hohoanimo moaruwai ranahambo amboawi mbisimondani ana, God ai amboawi mbusümbui. Nga asu ngorü nendi-yafe moaruwai hohoanimo ranahambo se amboawi yaho hoafikoate-ayomo ana, asu God ai ngiri ranahambo amboawi mbüsü,” mehu.

### *Tomas ai Sisasimbo hoeimariri*

<sup>24</sup> Sisas ai ahambo süngururü-rundeimbi sowahi tüküfiyuwane, asu süngurüri-randeimbi mamı ai moai amuri ra-babidimbo nımaru. Nindou aiana Tomasıyu, nga asu ahandi ndürı ngorü ra Didimus-ani.

<sup>25</sup> Raniyomo bidifiri ai ahambo hoafiyomondowohü yahomoya, “Roana Nindou Adükariimbo hoeimarıhurı,” mehomo.

Nga asu Tomas ai ahamumbo hoafiyupurühi yahuya, “Asu ro ahambo tikomaruründımo



ambe ra hoefekoate-ya, asu ahambo wandi warinambo ambe ranambe sundifekoate-ya, asu yifiarinambo ngirisafini wafusumarundumo sundifekoate-ayah ana, ro ngiri ranimbo anihondumbo-ndiheandi, nga wani,” mehu.

<sup>26</sup> Asukaiyo mami wik ho hayamboyanane, ahambo sungururü-rundeimbi ai Tomas-babidimbo worambeahi mamarimo. Ai yipuri mungu papiru houmbo nimarimondane, asu Sisas ai ahamundi mbusumo tüküfi manungu. Raniyu ai yahuya, “Se ngusüfo afurindu kündundi,” mehu.

<sup>27</sup> Raniyu asu Tomasimbo hoafiyunduwöhü yahuya, “Sihafi wari batendi naha ndanifihisündowandüh-animbo, asu se wandi watinari ra hoeiro. Asu se wandi ngirisafini wari paro. Se ndanahambo yimbu hohoanimo-ndamboyafi, nga anihondumbo-ndowandi,” mehuamboyu.

<sup>28</sup> Asu Tomas ai simbori ahambo yahuya, “Se wandi Adükari asu wandi God-anafi,” mehuamboyu.

<sup>29</sup> Asu Sisas ai hoafiyunduhü yahuya, “Se wambo hoeirowandiri hawambo wamboanafi anihondumbo-arowandiri. Nga nindou ai wambo hoeifendirikoate-yehü anihondumbo-arihindiri ana, ai hihifi-hihifi-mbeyeiamboane,” mehu.

*Son ai buk nda sürü papimarandi ahandi nimindi*

<sup>30</sup> Sisas ai God sowahindi makusu ra nafuimbohünda hepünifeimbi moatükuni afindi ahambo sungururü-rundeimbi-yomondi

hĩmboahũ ratũpurĩmayu ra ro moai buk ndanambe munũ sũrũ papĩrĩhandĩ.

<sup>31</sup> Nga ro ndanĩ hoafĩ nda sũrũ papĩrĩhamboanahĩ. Ro sũrũ papĩmarĩhandĩ nda Sisas ai Kraisi-ani asu Godĩndĩ Nĩmor-ani ranĩmbo anĩhondũmbo-mbirĩhinda samboyahĩ sũrũ papĩmarĩhandĩ. Nga asu se ranahambo anĩhondũmbo-arĩhindĩ ana, asu aboedĩ yanũgĩrĩ nĩngombo hohoanĩmo ra ndahũmũndimboyei.

## 21

*Sisas ai sũngururũ-rundeimbĩ 7 ahamumbo sowahĩ tũkũmefiyu*

<sup>1</sup> Asũkaiyu sũngunambo Sisas ai ahambo sũngururũ-rundeimbĩ sowahĩ Taiberias kurĩhoe puĩarũhĩ ndahurai ndare tũkũmefiyu.

<sup>2</sup> Saimon Pita, Tomas, ndũrĩ ahandĩ ŋgorũ Didimus yahomo-rundeimbĩyu, Natanier Kenĩhũndĩ Gariri hĩfĩhũndĩyu, Sebedindĩ nĩmorĩ yimbuyafanĩ, asu ŋgorũ yimbu ahambo sũngurĩ-neandeimbĩyafanĩ ai manĩngomo.

<sup>3</sup> Ranĩyu asu Saimon Pita ai ahandĩ horombodĩdĩ ratũpurĩ asũkai semĩndĩmbo hohoanĩmoyuhũ yahuya, “Ro ana andũrĩnambo kinĩ wowarĩmboanahĩ,” mehuamboemo. Asu ai yahomoya, “Ro-amboanĩ se-dĩbo ŋgefo sefomboanefĩ,” mehomo. Ranĩyomo ai homo houmbo, botambe mafareafundĩ. Nga ranĩ nĩmbĩnambo ai moai kinĩ mam-amboanĩ hũrũhoundĩ, ŋga wanĩ.

<sup>4</sup> Hapoadũmbo siambe hũfĩhamĩndĩ forĩforĩyuambe, Sisas ai hoe kĩmĩ manũnguambo

asu ahambo süngururü-rundeimbi ai Sisasimbeipoani mehomomo.

<sup>5</sup> Raniyu ai ahamumbo hoafiyupurühi yahuya, “Wandafi mamî, se moai kinî wakîründimoyoa?” mehuamboemo. Asu ai simborî hoafiyomondühi yahomoya, “Wani,” mehomondamboyu.

<sup>6</sup> Asu ai hoafiyupurühi yahuya, “Andürî ra naha se warîhondü warani bot ranîhundünî daboadundan-animbo, se kinî bîdîfirî hoeindumboemo,” mehuamboemo. Asu ai andürî ra hoafîmayu ranambe masafoarunda, kinî afîndî ranai andirî ra tüküme Feyoa, himîndimbo sîsamîndîmarundî.

<sup>7</sup> Sisas ahambo süngurürî-randeimbi wudîyafandeimbi-mayu ranai Pitambo yahuya, “Pita, nindou ranana Sisas-ani,” mehunduamboyu. Asu Saimon Pita ai nîmai ahandî ngîsîharî hoearî yimündîhai masîhendî ra hühîre hînîngîre haya hîmonî pîmayu.

<sup>8</sup> Asu bîdîfirî ai botambe gudi sowana hafomo mburu, andürî ra kinî kameihî hüründümo. Asu ai gudi ranî fikîmî angunî safiyomopoani, nga 100 mitayo manîngomo.

<sup>9</sup> Gudikîmî hîfomo tüküyafu hoeirundane, asu hai ranai gudîwamî horowohüyo ranambe kinî mamî huru asu bret mamî yangurü marandî.

<sup>10</sup> Raniyu Sisas ai hoafiyupurühi yahuya, “Kinî haponda wakîmaründümo bîdîfirî ra sowandümo sîfomo,” mehuamboemo.

<sup>11</sup> Raniyu asu Saimon Pita ai botambe kefuai nîmarümbo, andürî ra gudiana hürämündî masüfu. Raniyo asu andürî ranambe kinî afîndî

boagiri-boagiri 153 pütapimayo. Kini ranai afindiyosi, nga asu anduri ranai moai kifikayo.

<sup>12</sup> Ranayu Sisas ai hoafiyupurühi yahuya, “Se sifomo, kini sowasümo!” mehu. Nga asu moai nindou mamä ai ahambo düdurirühi, ‘Se didiyafi?’ yahundo. Nga ai munguambo Adükarani yahomo fifirüwuri.

<sup>13</sup> Ranayu Sisas ai süfu kini ra yimbureapurü mbura asu bret ranamboani rasüngurasüngumareapurü.

<sup>14</sup> Sisas ai honguambe-ahindi tüküfi hayamboyu, asu ahambo süngururü-rundeimbiyomondä himboahü ngimimbo tüküme fiyu.

### *Sisas ai Pitambo hoafimayundo*

<sup>15</sup> Ai sowasümondühi nimarimomboemo, Sisas ai Saimon Pitambo yahuya, “Saimon, Sonindi nimori, awi se nindou ndanahamumbo ngasünowapurü hawambo, wambo se afindi hohoanimo-yafindirühi-yafindirühi?” mehuamboyu. Asu Pita ai hoafiyundühi yahuya, “Yini, Adükari, se fifirowandi, ro sishambo aboedi hohoanimoayahanini,” mehuamboyu. Asu Sisas ai hoafiyunduhü yahuya, “Se wandi sipsip weihoandi ranaheimbo sesi manguindanduri ndandi,” mehu.

<sup>16</sup> Asükaiyu yimbumbore hoafiyunduhü yahuya, “Saimon Sonindi nimori, se wambo anihondü hohoanimo-yafindirai wanayo?” mehundowamboyu. Asu Saimon ai hoafiyunduhü yahuya, “Yini, Adükari, se fifirowandi ro sishambo hohoanimo-yahanini,” mehundowamboyu. Asu Sisas ai hoafiyunduhü

yahuya, “Se wandi sipsip weihoandi ranaheimbo sesi manguindanduri ndandi,” mehu.

<sup>17</sup> Asukaiyu ngimimbore hoafiyunduhü yahuya, “Saimon, Sonindi nimori, se wambo hohoanimo-yafindiruhiyafi?” mehuamboyu. Ranimboyu asu Saimon Pita ai ngusüfo afindi kumareandi Sisas ai ngimimbore hoafiyuhi, “Se wambo hohoanimo-yafindiruhiyafi,” mehu ranimbo. Ranimboyu ai Sisasimbo yahuya, “Adükari, se mungu moatükuni fifir+wamboanafi. Se fifirowandi ro sishambo hohoanimoyahanini,” mehundowamboyu. Asu Sisas ai hoafiyunduhü yahuya, “Se wandi sipsip weihoandi ranaheimbo sesi manguindanduri ndandi.

<sup>18</sup> Ro anihondumboanahi hoafayahanini, se horombo hoarifi nimbafambeyafi ret sishafi hondü ra güdo hawa hifi se hombo yifirimayafi rani-sungu yangiri mahahabodifi. Nga sungunambo se boagiri+yafambe ana, sishafi watiñari ra ngurindohoefti hawa asu nindou ngörü ai sishafi ret ra sishambo güdeanini haya, se nahaniniyo hombo moi safani nindou ranai sishambo ndemündünini ngumbui,” mehu.

<sup>19</sup> Sisas rani hoafi yare hoafimayu ranahandi nimindi ra: Sungunambo Pita ai Sisasindi ratüpuri ratüpuri mayu ranimbo Godimbo nduri adükari segodombohünda yifindümbui. Ai Pitambo hoafiyunduhü yahuya, “Se wambo sungundandiri,” mehu.

*Sisasimbo sungururi-randeimbi ahandi  
ngusüfoahündi*

20 Pita ai hihirifi hoeirirane, Sisas ahambo süngürüri-randeimbi ngusüfoahündi-mayu ai ahafandi süngu mahu. Nindou ranana horombo sowasümondühi nimarimombo Sisasindi hangifoan nimarumbo hoafiyuhi, “Adükari, nindou didai shambo hürütümbi-yomondi warihümandeanini?” mehu, aiyu ahandi süngu mahu.

21 Pita ai hoeiriri haya, Sisasimbo yahuya, “Adükari, nindou nda nüngufimboyua?” mehuamboyu.

22 Asu Sisas ai hoafiyunduhü yahuya, “Ai nünguanı ro asükainda tüküfembo sahehea hohoanımoayahı ana, asu ranı hohoanımo ra shafıyo? Se wambo süngundandıri!” mehu.

23 Ranıyo asu yafui hoafı ra nindou munđu ahei mbusümo tüküfeyowohü yahoya: ‘Süngürüri-randeimbi ra ngıri yifındu,’ meho. Nga Sisas ai moai hoafıyo, ‘Ai ngıri yifındu’ yahumboypuanı. Nga ai yahuya, ‘Ai nünguanı ro asükainda tüküfembo sahehea hohoanımoayahı ana, asu ranı hohoanımo ra shafıyo?’ mehu.

24 Süngürüri-randeimbi ranai-ani ndanı hoafı nda sürü papımarandı. Asu ro rarıhu fıfirıhündi ahandi hoafı anıhond-ane.

### *Bidifirani hoafı*

25 Afındı moatükunı bidifiri Sisas ratüpurımayu ra engoro, nga moai munđu sürü papıyo. Nga asu nindou ai munđu moatükunı Sisas ratüpurımayu ra munđu hondü mamanı randühi paparandı ana, asu buk ranambe sürü ra afındı safı papındımboe.

Asu ro hohoanimoayahĩ munḡuambo hifi ḡgiriĩ  
simonḡorindo.

**Godꞏndꞏ Hoafi**  
**The New Testament in the Angor language of Papua**  
**New Guinea**  
**Nupela Testamen long tokples Angor long Niugini**

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

---

PDF generated using Haiola and XeLaTeX on 28 Dec 2024 from source files dated 31 Aug 2023

c500d379-d0cf-5c22-9613-91d7bcc63af3